

DIPOTSO LE DIKARABO

BAHEBERE KAROLO III

¶ ...go nna fano bosigong jono gape mo motlaaganeng, go lebelela pele mo kabalanong ena e e gakgamatsang le kobamelo tikologong ya Lefoko la Modimo le re le neilweng mahala. Mme rona re...rata go nna baabedwi ba tshegofatso e.

⁵⁵⁴ Mme ke tshepa fela gore Modimo o tlaa re segofatsa bosigong jono jaaka A dirile mosong ono, ka molaetsa wa mo mosong. Mme ke ne ke bua fela le moagisanyi wa me, Mmê Wood, kgantele, mme re ne re bua ka ga gone, le Rrê Wood le bona. Mme ke dumela gore ke theroy a ga Mokaulengwe Neville e e botoka bogolo go gaisa ya tsotlhe tse di siameng thata tse a di rerileng, eo e ne e le yone e e neng e le botoka go gaisa mo go nna go feta epe e ena a kileng a ba a e rera. Ka tlhomamo ke ne ka akola le go lebogela theroy e e gakgamatsang eo. Mme e ne ya nnaya kgothatso, ebile e ne ya nkglobalatsa. Jalo he ke—ke rata go dumela boammaaruri, lo a itse. Jalo he, ka ga dikarolo tse di kgothatsang, lo a itse, go kgothala, le ka fa... Dafita a neng a le foo, le ka fa e leng gore ena... Mo nakong ya teko e tona eo, mo boemong jwa go bua a re, “Sentine, ke tlaa ya ke dire se, Morena, Wena fela o nthuse,” o ne a leta, a ya mme a kopa Morena se a tshwanetseng go se dira. O ne a dira ba tlise sekhutlana, lo a itse, a bo a re, “Jaanong a re emeng mme re kopeng Modimo, ‘Re tshwanetse re dire eng mo mathateng a?’” Ao, moo go ne go tseneletse mo go rategang tota. Moo go ne go na le dikotla go feta mabentlele otlhe a diritibatsi tse ba neng ba na natso mo nageng. Ee, rra, moo go lo sologetse molemo ka mmannete.

⁵⁵⁵ Jaanong, bosigong jono, rona—rona ga re a ikaeleta go diega go feta nako ya bosigogare, fa re ka kgona, mo dipotsong tse. Jalo he rona re—rona re ile go tsena gone ka mo go tsone, ntle le go senya nako. Ke go boswetso jwa dipotso tse, mme nako nngwe le nngwe fa ke simolola go di fetsa... Jaanong, Kgaitsadi Hattie, ke ne ke sa reye seo, o itse seo. Ke—ke ne ke bua seo fela, o a bona; mme, go siame. Fela ke na le dingwe tse di thata ka nnete fano go tswa kwa modireding, mme tsone di bokete ka mmannete go di araba. Lo a itse, bareri bao, ba di tshophelela go ralala Baebele mme ba leke go bona karabo e e leng ya bona pele ga ba tlaa go botsa, lo a itse. Mme foo...mme ka ena e gatisiwa mo theiping, e ya kwa tlase kwa Georgia kwa go tsaya ya me ya modiredi yo o nang le

dipotso di ferabobedi tse di siameng thata thata tsa Baebele fano tse di bogale thata, thata.

⁵⁵⁶ Mme jaanong, beke eno e e tlang, lo se lebale mme lo re rapeleleng.

⁵⁵⁷ Mme mosadi wa me o botoka thata; ena o tsogile jaanong, mme o ne a thusa go apaya, gompieno. Ditsala tsa rona tse di rateng go tswa Khanada, Mokaulengwe, Kgaitsadi Sothmann, ba fano ba re etetse, mme rona ruri re itumelela ketelo ya bone. Mme mosadi wa me, a neng a itse gore ba ne ba tla, goreng, o ne a ile go tsoga gore a kgone go nna le tloso bodutunyana nngwe le kabalano ya batho ba ba rategang ba Bakeresete. Re itumeletse go nna le Mokaulengwe Freddie le rona bosigong jono, mme mosadi ne a nna le . . . O ne a le fano mosong ono, fela ke dumela gore o ne a nna le . . . nnyaya, go jalo, ena o na le Meda, gore ka mohuta mongwe a nne le ena fa re santsane re tla golo fano; ka gore ke a itse gore go tlaa nna tharinyana bosigong jono, ke selalelo le tlhapiso ya dinao. Jalo he re itumeletse go nna le bone le baeti ba ba nang le rona.

⁵⁵⁸ Jaanong, pele ga re simolola go leka go tsaya boikarabelo jwa go araba dipotso . . . Mme gakologelwang fela gore nna—nna nka nna yo o phoso, lo a bona, nna—nna ga ke ipolele gore ke yo o nepileng mo sengweng le sengwe se ke se dirang. Ke—ke leka go nepa, fela gongwe nna ke—nna ke phoso. Mme—mme fa ke le phoso, foo lona fela lo intshwarele; mme ke a rapela gore Modimo o tlaa dira, le ene, ka gore ga ke ikaelele go nna phoso. Ga ke leke go di araba fela ka go—. . . kgotsa tsela e nna fela ke . . . go nna yo o letlhotlhlo, ke di araba ka kitso ya me e e botoka bogolo go gaisa, lo a bona. Mme fa ke tshwanela go fetola dikakanyo tsa me ka potso ya Baebele, nna ke akanya gore seo fela ke selo se se tshwanetsweng go diriwa. Re tshwanetse re fetoleng, nako nngwe le nngwe, fa Lefoko la Modimo le bua; ka gore ke Lefoko la Modimo.

⁵⁵⁹ Mme jaanong, ke akanya gore re ile go rapelela balwetsi gape bosigong jono, jaaka tlwaelo. Mme dinakodingwe o ipotsa fela; o tseye setlhophha se se nnye jaaka se, se se nnye ka palo, ao, go na le motlaagana o monnye fano, mme dinakodingwe ga o bone maduo a o tlaa ratang go a bona. Fela selo, se o se dirang, wena fela o goga go tswa mo go ka nnang batho ba le makgolo a le mabedi. Mme nngwe ya dikopano tse di kgolo, gongwe o goga gongwe go tloga fa go dikete di le tharo go ya go di le lesome, lo a bona, mme—mme gongwe mo go fetang. Jalo he eo ke tsela, lo kgonang go bona mo gontsi mo go tonatona thata. Fela bosigong jono, ke ntse fela ke araba . . . Jaaka go itsiwe mogala wa rona o tsirima metsotso mengwe le mengwe fela e le mmalwa go ralala letsatsi le bontlhabongwe jwa bosigo.

⁵⁶⁰ A yona ke Mmê Reisert yo o dutseng fano, yo ke mo lebileng? Baebele ya gago, kgaitsadi, Kgaitsadi Wood o nayo kwa motsheo

kwa. Ke e go tliseditse mosong ono, mme ga ke—ke a kgona go go e naya. Mme ga ke—ke a go bona mosong ono, mme Mmê Wood o na nayo.

⁵⁶¹ Jalo he go arabeng megalā le go boneng di—dilo tse di tona tse di nnileng di diriwa. Mohumagadi ne a nteletsa, a re, “Mokaulengwe Branham, ke ne ke le kwa bokopanong jwa *bolebe-lebe* mme ke ne ke bogiswa ke bothata jwa *bolebe-lebe* lobaka lo lo leeble ga kana. Mme, o a itse, wena o fetsa go bua kwa morago koo, mme fela . . .” Ne a re, “Ke batlile ke idibala fa One fela o ne o senola botshelo jo bo kwa morago.” Mme ne a re, “Mme ga ke ise ke boge esale.”

⁵⁶² Mme mohumagadi ne a tsena a bo a re . . . Ke dumela gore o fano bosigo jono, kgotsa o ne a ile go kgweetsa go tswa Bedford, ke a dumela, kgotsa golo gongwe kwa godimo teng koo. Morwaabone ne a le teng fano, ke a dumela, yo neng a na le bothata jwa pelo, mo boemong jo bo maswe mo go kalo. Mme o ne a dutse fano mo bokopanong, mme—mme Morena ne a tsamaya mo tikologong mme a ama . . . a bolelela mosimane ka ga bothata jwa gagwe, mme ena o ne a sa kgone le ka boutsana go tlthatlosa letsogo la gagwe, mme e le tlhaselo ya pelo, mme seatla sa gagwe se ne se tshwerwe ke bogatsu gotlhe, le pelo ya gagwe e le jaana. Mme ka bonako o ne a tsena mo gone mo koloing mme a kgweeletsa gae, ga a ise a tshwenngwe ke jone esale. A mohumagadi yole ne a goroga fano go tswa Bedford? A o fano, mohumagadi? Ena ke yoo, kwa motsheo. Ee, o fetsa go nteletsa, lobaka le le fetileng.

⁵⁶³ Ne ga tloga ga nna le mohumagadi yo neng a nteletsa go tswa golo ko Evansville. Mme o ne a sa kgone go fitlha fano ka gore ena o kgakala thata, a ne a sa itse gore re ne re ile go nna le tirelo bosigong jono ya phodiso. Mme o ne a re, “Mokaulengwe Branham, ke ne ke dutse ko bokopanong jwa kwa Evansville,” mme ne a re, “o ne wa leba kwa motsheo mo godimo ga lesomo mme wa re . . . wa mpolelala yo ke neng ke le ena, le se ke neng ke se dirile, le se ke neng ke bogiswa ke sone, le jalo jalo jalo.” Mme ne a re, “Ke ne ke na le seemo seo sa lehuba, mme ke ne ke tshwanela fela go tshuba Asthmador le sengwe le sengwe mo kamoreng esale ke le mosetsanyana.” Ne a re, “Moo go nnile go le dingwaga di le pedi tse di fetileng, mme ga ke ise ke nne le lerothodi le le lengwe la jone esale.” Lo a bona?

⁵⁶⁴ Mme fela ka ntlha ya bao ba ba leng fano bosigong jono, ba ba neng ba seyo fano mosong ono go akola bopaki; ke ne ke le ka kwa ko lebentleleng la ten-cent, ke reka mpopi, maabane. Jaanong, oo o ne se wa me, lo a bona. Oo e ne le wa mosetsanyana wa me, Rebeka, fale. Mme—mme Sarah o ne a ya kwa sengweng, se sele, gompieno. Baithuti mmogo bangwe ba gagwe ba bannyē ba ne ba na le mohuta mongwe wa moletlonyana wa go itisa mmogo, wa letsatsi la lotsalo kgotsa sengwe, mme o ne a mo iseditse mphonyana; mme ke ne ke reka mpopi o monnye

wa lesea, o ka nna boleele *jo bo kana*. Mme go ne go na le mohumagadi yo neng a tsamaela kwa go nna golo koo, ne a re, “O a nkgopola?”

⁵⁶⁵ Mme ke ne ka re, “Ga ke dumele gore ke a dira.”

⁵⁶⁶ Mme ke ne ka tla go itse gore, e ne e le mongwe wa losika lwa ga Mokaulengwe Neville fano, yo go ka nnang...fa ke ne ke le mo tseleng ya me go ya Sweden, bona...O ne a tla teng fa, a ne a na le mosimanyana mo setilosekolonkothwaneng, fela jaaka Edith yo monnye foo, mme mogoma yo monnye ne a na le kankere, borugugo jo bo kekelang mo bobokong. Mme tlhogo ya gagwe e nnye e ne e gagamaletse kwa tlase, mme ena...mme dingaka di ne di mo neile fela dibeke di le tharo gore a tshele. Mme ba ne ba e ntshitse mme ba neile tshwetso ya kanoko ka ga yone, mme ba bone gore e ne e le...se e neng e le sone, mme ba mo naya fela dibeke di le tharo gore a tshele. Mme ba ne ba tshwanetse gore ba mo tsamaise ka setilosekolonkothwane mo tikologong, mme ba tloge ba mo tsenye mo bolaonyaneng jo bo rwalang balwetsi fa a ne a ile ko kamoreng mme ba mo tlhatlhobe, ba bo ba tloga ba mmusetsa golo fano. Ne ka ya ka rapelela mosimane yoo yo monnye, mme ka kopa Morena gore a mo fodise. Mme lone letsatsi le le latelang, fa ba ne ba mo isa ka kwale, ne a re, “Ga ke batle setilosekolonkothwane seo.”

⁵⁶⁷ Ne ba tsena mo koloing mme ba kgweeletsa ka kwale, mme ngaka e ne ya menolola bolaonyana jo bo rwalang balwetsi, ne a re, “Ga ke batle boloanyana joo jo bo rwalang balwetsi.”

⁵⁶⁸ A tabogela golo koo a bo a nna faatshe, ngaka e ne ya mo tlhatlhoba, ya re, “Sentle,” ne a re, “mo boemong jwa dibeke di le tharo, ke tlaa go naya dingwaga di lekgolo le ferabobedi tse o ileng go di tshela.”

⁵⁶⁹ Mme, maabane, mmangwana ne a nkgathlantsha. Mme ena a ka nna a bo a le fano, le fa ke sa itse, bosigong jono. Mme mosimanyana ne a tswile a tshameka kgwele ya dinao, lekawana jaanong. Kankere, e e kekelang mo bobokong, mme go ya fela go supegetseng...

⁵⁷⁰ Ao, dikete tsa dilo, lo a bona. Modimo a ka se kgone go palelwa. Ena—Ena fela a ka se kgone go palelwa.

⁵⁷¹ Mokaulengwe John, a leitlho la gago le botoka, mokaulengwe? O ne a nna le kotsi, mme o ne a kokotelela sepekere mme se ne sa mo itaya mo leithlong. Mme rotlhe re ne re rapelela Mokaulengwe John O'Bannon, mokaulengwe wa rona go tswa Louisville yo neng a nna le kotsi ya sepekere se se neng sa mo itaya mo leithlong.

⁵⁷² Jaanong, dipotso tsena ke bo—boteng jwa pelo ya mongwe; gore ba bala mo gare ga Lokwalo mme ba bone dilo tse, mme ga ba batle...gongwe ga ba kgone go ikgotsofatsa, jalo he ba di tsenya teng fano gore rona re leke go di araba. Mme lona lo bona bothata jo go re tsenya yang mo go jone; ka gore, se o se

bolelang, bona ba tshwarelela mo go sone. Jalo he o tshwanetse o tlhomame gore o nepile, mme nna ke . . . jaaka go tlhomame ka fa o ka kgonang go nna ka gone. Jalo he foo, selo se re tshwanetseng re tlhomamise gore re nepile a fela rona re kopeng Mowa o o Boitshepo jaanong go re phuthololela mona, fa re santsane re obile tlhogo ya rona.

⁵⁷³ Jaanong, Rara wa Legodimo, ao, a tshiamelo e go leng yone go bua go re, “Rara” ko go Motlhodi yo mogolo wa magodimo le lefatshe. Mme re kopa fela gore O tlaa tseela dipotso tse ka fa tlhokomelong e e Leng ya Gago jaanong. Di ne tsa tlisiwa fano ka boteng jo bo gaisang jwa bopelophepa. Modimo, lettlelala gore seo se tswe mo dipelong tsa rona, boteng jo bo gaisang jwa bopelophepa, go di araba ka bojotlhe jo re itseng ka jone; go lettlelala.

⁵⁷⁴ Mme mma mautlwelo botlhoko a Gago a itshetlele mo go mongwe le mongwe ka nosi. Mme mma sengwe se buiwe fano bosigong jono se se tlaa thusang fela mongwe le mongwe yo o leng fano. Mme fa re emeleta, morago ga thapelo ya balwetsi le go ja selalelo le jalo jalo, mma re bue jaaka bao ba ba neng ba tswa kwa Emaose, “A dipelo tsa rona di ne di sa tuke mo teng ga rona fa A ne a bua le rona go tswelela le tsela?” Gonne re go kopa ka Leina la Jesu. Amen.

⁵⁷⁵ Jaanong, jaaka ke buile makgetlo a le mantsi, gore tse—tse fano ke—ke mo go leng bojotlhe jwa mogopolu wa me ka ga tsone, mme go tloge ka dinakodingwe go bake puisanonyana. Ya ntsha fano, ke a bona ke sengwe se ke se buileng pele, gore yone e busitswe gape. Ga ke na . . . batla go e bala jaanong, fa lo rata.

65. Fa Atamo le Efa ba ne ba tsala bana ba bona ko Etene, a go ne go na le batho ba bangwe mo lefatsheng ka nako eo? Mo go Genesi kgaolo ya bo 5 le temana ya bo 16, Kaine o ne a nna ko lefatsheng la Note mme o ne a itse mosadi wa gagwe.

⁵⁷⁶ Jaanong, moo ke po—potso e ntentle. Jaanong, re rutiwa mo Baebeleng . . . Mme dinako di le dintsitse . . . dinakodingwe rona go se ka kelelelo . . . Ke ne ke tlwaetse go tsenya seripanyana sa pampiri, ke bo ke re, “Botsang. Araba potso nngwe le nngwe ya Baebele.”

⁵⁷⁷ Mme mongwe ne a re, “Sentle, mosadi wa ga Kaine e ne e le mang?”

⁵⁷⁸ Ao, ke ne ke tle ke dire motlaenyama ka gone kgotsa sengwe, ke ne ke tle ke re, “Ao, yoo ne e le morwadia matsalaagwe,” kgotsa sengwe se se jalo, lo a itse, kgotsa—kgotsa “E ne e le Mmê Kaine.” Fela moo ga go arabe potso. Go na le . . .

⁵⁷⁹ Koo Kaine ne a na le mosadi, ka gore Baebele ne ya re o ne a dira. Mme fa Kaine a ne a na le mosadi, o ne a tshwanelu gore a mo tseye golo gongwe. Mme mona go tlaa dumalana gone ka mo go yone fano:

**A go ne go na le batho ba bangwe mo lefatsheng nako e
Atamo le Efa ba neng ba nna le bana ba bone ko tshimong
ya Etene?**

⁵⁸⁰ Jaanong, fa lo lemoga, mo Baebeleng ke ka sewelo thata go ka bang ga kwadiwa ka ga mosadi fa a tsalwa. Gone ka gale ngwana wa mosimane ke ena yo ba mo kwalang mo Baebeleng, eseng mosadi. Ke ka sewelo go ka bang ga umakiwa ka ga tsalo ya lesea la mosetsana, mo Baebeleng. Kgotsa, ka tshosologo, nna ga ke itse go ya ka fa ke kgonang go gopola ka gone nngwe gone ka tlhamallo jaanong, go tswa mo monaganong, kwa go kileng ga ba ga kwadiwa ka tsalo ya ngwana; ne ya re, “Ba ne ba tsala barwa le barwadi.”

⁵⁸¹ Jaanong, Baebele e neela fela mokwalo ka ga bana ba le bararo ba ba neng ba tswala ke Atamo le Efa, mme bao e ne e le Kaine, Abele, le Sethe. Jaanong, fa botlhe ba bararo bao e neng e le banna, fa go ne go sena basadi bape ba ba neng ba tsalwa, mme foo fa mosadi a le esi (Efa) a ne a swa, letso la batho le ka bo le ne le kutlide go nna teng gone foo, ka gore go ne go ka se nne le tsela epe gore bona ba—ba nne le bape... letso la batho gore le tswelele pele, ka gore go ka bo go ne go sena basadi bape ba ba neng ba setse. Efa a ka bo e ne e le ena a le nosi fela. Fela, lo a bona, ga ba kwale ma—matsalo a masea a basetsana, mo Baebeleng, jalo he ke gone ka moo ba neng ba tshwanetse gore ba nne le basetsana go tshwana le jaaka basimane.

⁵⁸² Jaanong, mokwadi wa kgale, mongwe wa bakwadi ba bogologolo tala ba re nang nabo, Josefase, o bolela gore ba ne ba nna le bana ba le masome a supa, mme Atamo le Efa; mongwe wa bakwadi ba bogologolo, “bana ba le masome a supa, mme e ne e le boo babedi barwa le barwadi.”

⁵⁸³ Jaanong, fa... Mme foo fa Kaine a ne a ile ko lefatsheng la Note... Jaanong, fa lo lemoga, mokwadi ne a le botlhale, thata thata fa a ne a kwala fano. A lo ne lwa lemoga ka fa a go inotseng ka gone?

Ko Etene, fa ba ne ba na le bana ba bona ko Etene...
Jaanong, eseng ko tshimong ya Etene, mokwadi ne a itse seo.
Le fa e le mang yo e leng ena yo o kwadileng mokwalo fano,
ne a re: **Fa Atamo le Efa ba ne ba nna le bana ba bona ko
Etene...**

⁵⁸⁴ Eseng ko tshimong ya Etene, ka gore ba ne ba kobiwa ko tshimong ya Etene. Fela ba ne ba santse ba le ko Etene, mme tshimo ya Etene e ne e le ko ntlheng ya botlhaba jwa Etene. Fela Etene e ne e le jaaka lefatshe le le nang le goromente ya lone kgotsa—kgotsa eng... kgotsa naga, mme foo Note e ne e le naga nngwe kgotsa lefatshe le le nang le goromente ya lone gaufi le yone.

⁵⁸⁵ Jaanong, motho a le nosi yo Kaine a neng a ka kgona go bo a mo tsere, kgotsa a mo nyetse, go tlaa tshwanelo go bo e ne e le

kgaitsadie tota. O ne a tshwanetse go dira. Ka gore go na le fela monna le mosadi a le mongwe yo ba ka bong ba ne ba tswa fa go ena, lo a bona, mme o ne a tshwanela gore a nyale kgaitsadie tota. Jaanong, moo go ne go le mo molaong mo metlheng eo.

⁵⁸⁶ Mme Isaka ne a nyala kgaitsadi o e leng ntsalae ka ntlha ya gore batsadi ba bone e ne e le bontsala, Rebeka, a laoletswe ke Modimo. Sara ne e le kgaitsadia Aborahama, kgaitsadie ka madi; eseng ka mmaagwe, ka rraagwe. Lo a bona, kgaitsadi ka madi yo—yo Aborahama a mo nyetseng; mma o o farologaneng, fela rrê yo o tshwanang.

⁵⁸⁷ Jalo he, lo a bona, go nyala mo lesikeng ka nako eo, pele ga mo—motswedi wa madi o ne o koafadiwa mo lesikeng la batho, go ne go le mo molaong mme go siame. Jaanong ga go jalo. Fa o tlaa nyala kgaitsadi wa gago gompieno, mme lo nna le bana, bona kooteng ba tlaa nna gentle, ba tlaa nna fela ba ba golafetseng le sengwe le sengwe. Le e leng go ya kwa go ntsalao wa ntlha le wa bobedi ga ba a tshwanelwa le ka mothla ope ba nyalwe, lo a bona, ka ntlha ya ga motswedi wa madi o fetogile wa nna o o bokoa mme o tswelela o ntse o le bokoa.

⁵⁸⁸ Fela selo se le sengwe foo se Kaine a neng a ka kgona go bo a se dirile, e ne e le go ka bo, a nyetse kgaitsadi yo e leng wa gagwe. Mme foo ke kwa bana ba neng ba . . . A boneng mosadi wa gagwe gone, fa a ne a ya kwa lefatsheng la Note mme a mo itse, mme go tswa foo ne ga tla ba—bana. Lo a bona, le . . .

⁵⁸⁹ Mme fa lo lemoga, go tswa mo lesikeng la ga Kaine ne ga tswa banna ba ba botlhale. Go tswa mo lesikeng la ga Sethe ne ga tswa banna ba ba bodumedi, ke raya, mo—mofine wa tshiamo. Gone foo, a le mabedi ao, ne a tlisa lone lesika le re tshelang mo go lone gompieno.

⁵⁹⁰ Fa o tlaa lemoga gompieno jaanong (fela mo go fetseng potso ena): lotso leo la ga Kaine le santsane le le teng, le lotso la ga Sethe le santsane le le teng. One a le mabedi a tla fa tlase ka go tshwana fela. Bana ba Kaine ba fano mo Jeffersonville bosigong jono, le bana ba ga Sethe ba fano mo Jeffersonville bosigong jono. Jaaka motswedi wa madi o koafala ebile o nyelela, fela lotso leo le santsane le tshwareletse.

⁵⁹¹ Jaanong, elang tlhoko. Bana ba Kaine ba ntse ka gale ba le . . . mme pele ga tshenyo ya morwalela, e ne e le batho ba ba botlhale: boramaranyane, barutintshi; mme ba le ba ba bodumedi thata, fela e ne e le segopa se se atlhotsweng. Lo a bona? Jaanong ela tlhoko, ba ne ba tshwana fela le rraabo Kaine. Kaine, ne e le monna yo o bodumedi. O ne a aga aletare e ntle, mme a dira kereke e e ntle, mme a leka go e dira e lebege e le ntle bogolo go feta ntlo ele ya boneri e Sethe a neng a na nayo kwa tlase foo. A lo ne lo itse seo? Ena ruri . . . O ne a kgabisa aletare ka dithunya, mme a e baakanya e nne ntle, mme a e dira e nne ntlenyane; mme ne a dira kereke e ton, e kgolo, e e ntle thata,

ka gore o ne a akanya gore o ne a tlaa kgona go rekegelwa ke Modimo ka go dira jalo.

⁵⁹² Mme Abele ne a ya ka kwa mme a tsaya kwanyana, a bo a simolola go e gogela ka kwa ko aletareng, mme a e baya mo lentsweng a bo a e bolaya.

⁵⁹³ Mme jaanong, fa Modimo a leng yo o tshiamo, fa gotlhe mo A neng a go tlhoka e ne e le kobamelo, Kaine ne a obamela Modimo ka bopelophepa jo bo kana ka fela jaaka jo Abele a dirileng ka jone. Boobabedi ba ne ba le pelophepa. Boobabedi ba ne ba leka go bona letlhogonolo mo go Modimo. Go ne go se ope wa bona yo neng e le modumologi. Bone ba le babedi, go sena pelaelo epe e ne e le, badumedi mo go Jehofa. Jaanong, foo, moo go re naya sengwe go akanya ka ga sone.

⁵⁹⁴ Bangwe fano bosigong jono ga ke ise ke ko ke ba bone, batho; ga ke ise ke lo bone pele. Fela lo tshwanetse lo lemoge sena, ebile lo tsholeng sena mo monaganong wa lona. Lo a bona? Go sa kgathalesege ka fa o leng bodumedi ka gone, moo ga go na selo se le sengwe se se amanang le gone ka sone. O ka tswa o tshela mo kerekeng, o ka tswa ka nako yotlhe o le yo o pelophepa thata, mme o santsane o timetse! Lo a bona?

⁵⁹⁵ Mme wa re, “Sentle,” wa re, “badisa diphutheo ba rona ke ba ba botlhale go gaisa, ba tla ka diseminare go nna le thuto e e botoka bogolo. Bona ke baithuti ba bodumedi le ditumelo, ba itse yotlhe—thuto yotlhe ya bodumedi le ditumelo. Mme bona ke ba ba botlhale, ba ba katisitsweng, bona tota ba ba...ba ba itshenketsweng ba ba botoka go gaisa ba re itseng ka ga bone.” Mme ba ka nna ba tswa ba santsane ba timetse! Lo a bona?

⁵⁹⁶ Jaanong Kaine, mo lotsong lwa gagwe: e ne e le, mongwe le mongwe wa bone, batho ba ba bodumedi thata; ba ba tumileng thata; mme e ne e le boramaranyane, le dingaka, le baagi, le badiri, le banna ba ba botlhale. Fela lotso lotlhe leo le ne le gannwe, go tloga go Kaine go ya tsela yotlhe kwa tlase.

⁵⁹⁷ Mme mo letlhakoreng lwa ga Abele: e ne e se baagi le fa e le barutegi le banna ba ba botlhale; e ne e le ba, go le mo go fetang kgotsa mo go botlana, mohuta wa badisa ba dinku, le balemi, ba ba ikobileng, ba ba neng ba tsamaya fela ka Mowa.

⁵⁹⁸ Jaanong, Baebele ne ya re, “Ga go sa na tshekiso epe ya bao ba ba leng mo go Keresete Jesu, ba ba sa tsamayeng fa morago ka fa nameng fela ka fa Moweng.” Monna wa semowa o na le mowa wa botho o o ka se kgoneng go swa le ka motlha ope. Mme motho wa senama o na le tikologo ya bodumedi go mo dikologa (mme o batla go obamela le jalo jalo) fela ena ke yo o senama; eseng modumologi, fela modumedi yo o senama; mme e ne e le mohuta o o neng wa ganwa.

⁵⁹⁹ Jaanong, go tloga foo, Kaine ne a tsamaya mme a nyala mosadi wa gagwe ko lefatsheng la Note. Jaanong, ga go bolelwe yo Sethe a mo nyetseng, kgotsa yo bangwe ba ba nyetseng. Mme

selo se se ntle ntle sa seo ke go itse gore—gore, mo go Kaine a neng a nyala, re na le karabo ya gone. Ka gore o ne a tshwanela gore a nyale kgaitssadie, kgotsa ena...kgotsa go ka bo go ne go ntse le...

⁶⁰⁰ Go ne go sa tlhole go na le basadi bape mo lefatsheng, fela go ne fela ga tshwanela gore go tswe mo go Efa. O ne a le mmabatshedi botlhe. Moo ke, batho botlhe ba ba neng ba tshela, o ne a le mmaabone. Moo ke lebaka ena e neng e le... Lefoko *Efa* le raya “mma wa ba ba tshelang.” Jalo he o ne a tla mme a tsala ngwana yo. Mme Kaine ne a nyala kgaitssadi yo e leng wa gagwe, eo e tlaa nna tsela e le nosi e nna nka kgonang go e bona go tswa mo go gone. Jalo he go ne go na le batho ba ba neng ba tshela mo motlheng oo, ka nnete. Lo a bona? Sente, mme...

Fa Atamo le Efa ba ne ba nna le bana ba bona ko Etene...
Jaanong elang tlhoko, eo ke potso: Fa ba ne ba nna le bana ba bona ko Etene, a go ne go na le batho ba bangwe mo lefatsheng ka nako e? Nnyaya! Go tloga mo go Genesi 5:16, lo a bona, Kaine ne a aga ko lefatsheng la Note mme a itse mosadi wa gagwe. Ka ammaaruri. Lo a bona?

⁶⁰¹ Moo ke Genesi 1, kwa A tlhodileng motho mo setshwanong se E leng sa Gagwe, se e neng e le mmele wa selegodimo. Mme mo go Genesi 2, O ne a bopa motho go tswa mo loroleng lwa lefatshe, yo e leng motho wa mmele wa nama o re nang nao jaanong. Mme ne ga tloga, mo go 3 e ne e le go kgeloga, mme ba ne ba kojwa ko tshimong ya Etene; mme ne ga tloga bana ba tsala bana. Mme Kaine ne a tsaya mosadi wa gagwe mme a tshela le ena ko lefatsheng la Note, kwa ntle, ka gore Modimo ne a mo lomolotse mo go abalaneng le mokaulengwe o e leng wa gagwe (ka ntlha ya loso la ga—la ga Abele). Mme yoo ke yo a neng a nna nae, kgaitssadi yo e leng wa gagwe, mme a mo nyala; ke tsela e le nosi e nka kgonang, nna, nka kgonang go bona ka fa e leng gore—gore o nyetse ka gone.

⁶⁰² Jaanong, go ne ga buiwa... Mme ke solo fela gore ditsala tsa me tsa makhalate tse di leng teng mono ba tlaa intshwarela tshwaelo e, ka gore yone go sena pelaelo epe ga e a nepa. Nako ya ntlha e le ka nako epe ke neng ka kgatlhana le ope mo botshelong jwa me, morago ga ke sena go sokologa... Ke ne ke...kgatlhantsha Mokaulengwe George DeArk le bone kwa tlase koo. Mme ke ne ka tsamaya, mme Morena ne a nketelela pele ko lefelong le lennye. Mme ba ne ba buisanya ka ga kwa motho wa lekhalate a tswang gone. Mme ba ne ba leka go bua gore motho wa lekhalate... Gore Kaine ne a nyala phologolo jaaka tshwene, mme go tswa foo ne ga tsalwa lesika la makhalate. Jaanong, moo go phoso! Go se na pelaelo epe, moo go phoso! Mme lo se ka le ka motlha ope lwa itshokela seo. Ka gore go ne go se na lekhalate kgotsa motho mosweu, kgotsa ope o sele yo neng e le yo o farologaneng, e ne e le fela losika le le lengwe la batho go ya kwa morwaleleng. Ne ga tloga morago ga morwalela le tora

ya Babele, fa ba ne ba simolola go phatlalala, eo ke nako e ba neng ba simolola go nna le mebala ya bona le jalo jalo. Botlhe ba tswa mo setlhareng se se tshwanang. Moo go jalo totatota. Atamo le Efa ne e le mma le rra, mo lefatsheng, ba setschedi sengwe le sengwe sa batho ba mmele wa nama ba ba kileng ba ba ba nna teng mo lefatsheng. Go jalo. Montsho, mosweu, pakogileng, morokwa, mosetlha, le fa e ka nna mmala ofeng o o ka nnang wa bo o le one, moo ke go sena pelaelo epe lefelo le o tshelang mo go lone, le tsela e—tsela e . . . Fela jaaka . . .

⁶⁰³ Ke akanya gore nka nna ka tlhalosa ena fa ke santsane ke le mo go yone. Batho fano jaanong mo ditlhaoleleng le melao le dilo tse ba di dirang semmuso tsena, ke akanya gore go a tshegisa. Nna ka mmanete ke a dira. Reetsang, tlogelang batho bao fela ba le nosi, ba itse se ba se batlang. Modimo o dirile motho motho wa lekhilate, mme ena o itumetse ka ntlha ya gone. Go sena pelaelo epe! Fa Modimo a ne a ntirile motho wa lekhakalate, ke ne ke tlaa itumela ka ga gone; fa A ne a ntirile motho yo o morokwa, ke ne ke tlaa itumela; fa A ne a ntirile motho yo mosweu, ke itumetse; fa A ne a ntirile motho yo mosetlha, ke ne ke tlaa itumela. Modimo o re dirile mo mebaleng ya rona, mme O re dirile ka tsela e A neng a re batla ka yone, mme rotlhe re bana ba Gagwe. Go se na pelaelo epe! Mme ga ba a tshwanela go bo ba tthatlharuana ebile ba tswelela jalo. Go phoso go dira seo. Ga ba a tshwanela go go dira. Modimo o re dirile . . . tsela e re go batlang ka yone.

⁶⁰⁴ Mme motho wa lekhilate, ga a batle go tswela ntle foo mme a thubakake lwa gagwe—lesika lwa gagwe kgotsa mmala wa gagwe, mme a o tswakanye mo go o mosweu le sengwe le sengwe jalo. Ga ke mmone molato. Ga ke dire. Motho wa lekhilate o na le dilo tse motho mosweu a bile a senang tsone. Go sena pelaelo epe! Go jalo totatota. Mme Modimo ga a ise a ikaelele gore ba nne ka tsela eo.

⁶⁰⁵ Sente, lebang. Motho wa lekhilate o . . . ena o—ena o . . . o na le—o na le maitsholo mo go ena a motho mosweu a iseng a ko a nne le one. O na le nna-ke-nna ke itumetse, e leng “tshepa Modimo, mme o letle fela mo gongwe ga gone go tsamaye”; A kana o na le gone kgotsa a kana ga a na gone, ena o itumese le fa go le jalo. Ke tlaa rata go nna le gotlhe mo gontsi ga seo, bosigong jono, nna ka ammaaruri ke tlaa dira. Sente, ena ona le gone, mme moo ke thuou ya gagwe; ga ba batle go go tswakantsha le losika lengwe le sele mme ba go senyake, le gone. Go jalo totatota.

⁶⁰⁶ Ke akanya gore mohumagadi kwa tlase kwa ko Shreveport o dirile nngwe ya ditshwaelo tse di botoka bogolo—botoka bogolo tse ke kileng ka di utlwa mo botshelong jwa me. O dirile tshwaelo, mme ba ne ba e kwala mo koranteng. O ne a tsamaela kong, a bo a re, “Tsela e dilo tsena di diragalang ka gone fano, mo tlhaoleleng e, nna ga ke batle bana ba me ba tsene sekolo

ka kwale kwa sekolong seo sa basweu.” Ne a re, “Ga ba tle go nna le tlhokomelo e ba neng ba tlaa nna nayo fa ba ne ba na le morutabana wa lekhalate.” Mosadi yoo ke mosadi yo o botlhale. O ne a itse se a neng a bua ka ga sone, ba bona thuto e e botoka. Moo go jalo totatota. Jalo he ke akanya gore batho ba dira phoso ka go dira seo.

⁶⁰⁷ Mme ba tloge ba re, “Kaine le Abele. . .” le jalo jalo jalo. Nnyaya, rra! Mmala ga o a ka wa nna le sepe se se amanang le gone. Ke mowa mo teng ga foo o o nang le sengwe se se amanang le gone. Go jalo totatota.

⁶⁰⁸ Jalo he Kaine ne a itse mosadi wa gagwe, mme yoo e ne e le kgaitсадie. Mme bona . . . o ne a mo isa kwa lefatsheng la Note, mme foo go ne ga tsalwa merafe e megolo ya lefatshe: badumedi le baobamedi.

⁶⁰⁹ Mme akanya fela gompieno, tsala, ema fela mme o akanye motsotsso fela. Gore go na le masome a dikete di ntsifaditswe ka masome a dikete le dikete tsa dikete, tsa batho ba go senang pelaelo epe gore ba tsena kereke, ba le pelophepa fela mme ba ikiletse kereke eo fela jaaka ba ka kgonang ka gone, ba ba timeletseng kgakala fela jaaka Kaine a ne a ntse ka gone. Lo a bona? Ke Modimo yo o tlhophang! Ke Modimo Yo o senkang! Lo a bona? Modimo Yo o neelang boutlwelo bothhoko! Letsopa le ka se kgone go bolelela mmopi, ke mmopi yo o okameng letsopa. Go jalo.

⁶¹⁰ Jaanong nngwe e ntle ke ena, e e latelang fano:

Mo go Petoro wa Bobedi 2:4—2:4 . . .

⁶¹¹ Mongwe yo o nang le Baebele, a batlang go bula ko dikwalong tse gone ka bonako fa ke santsane ke di bala, fa o batla go dira. Mme ka mohuta mongwe o nthuse fa re tswelela pele, fa re santsane re tsaya potso e.

⁶¹² Jaanong, mo go Kaine yona le—le jalo jalo, fa moo go sa e kgotsofatse jaanong, wena fela o re itsise. Re tlaa itumelela . . .

⁶¹³ Jaanong Petoro wa Bobedi 2:4. Go siame, rra, ke rona bano:

66. Petoro wa Bobedi 2:4, “Gonne fa Modimo a ne a . . . Gonne fa Modimo a ne a sa rekegela baengele ba ba leofileng, fela a ba latlhela golo ko diheleng,” foo goreng Keresete a ne a rerela mewa e e neng e le ko kgolegelong, mo go Petoro wa Ntlha 3:19?

⁶¹⁴ Jaanong, re na le Petoro 2:4, pele. Go siame:

Gonne fa Modimo a ne a sa rekegela baengele ba ba leofileng, fela a ba latlhela golo—golo ko diheleng, mme—mme a ba isa ko dikeetaneng tsa lefifi, gore ba beelwe katlholo;

⁶¹⁵ Jaanong, jaanong a re batlisiseng mo go Petoro wa Ntlha (moo ke Petoro wa Bobedi), Petoro wa Ntlha 3:19, reetsang sena.

Ke rona bano, gone fano. Tse di fetsa go tsena, lebaka le nna ke sa di kwalang.

...yo gape...a neng a ya mme a rerela mewa e e ko kgolegelong;

⁶¹⁶ Ao, ee, ke rona bano. A re simololeng gannye pele ga foo, temana ya bo 18:

Gonne Keresete le ene...gangwe ne a bogela maleo, mosiammi ka ntlha ya basiamologi, gore a tle a tlise kwa go Modimo, a neng a bolailwe mo nameng, fela a rudisitswe ke Mowa:

O ka one gape A neng a tsamaya mme a rerela mewa e e ko kgolegelong;

E nakonngwe e neng ya tlhoka kutlo, . . .

⁶¹⁷ Tsala ya me e e rategang, fa o tlaa bala fela temana e e latelang, mme foo E go tlhalositse. Lo a bona?

Ba ka dinakodingwe ba neng ba tlhoka kutlo, ka nako ya fa boiphapaanyo jwa Modimo bo neng bo letile mo metlheng ya ga Noa, fa areka e ne e santsane e baakanngwa, ko meweng ya botho e mmalwa, ke gore, e e ferang bobedi e neng ya bolokwa ka metsi. (Lo a bona?)

⁶¹⁸ Jaanong, fa lo tlaa lemoga teng fano, ke akanya gore moreri yona o na le e nngwe ka ga . . . sengwe sa mohuta o o tshwanang, e e tlaa arabiwang lobakanyana morago.

⁶¹⁹ Petoro wa Ntlha 4 . . . kgotsa 2:4, fa lo lemoga, “gonne fa Modimo a sa rekegela baengele,” *moengele* yoo o peletilwe jang? “M” yo monnye. Lo a bona? Jaanong, ka fano, “mewa e e neng e le ko kgolegelong e e neng ya se ikotlhae ka nako ya boiphapaanyo jwa metlha ya ga Noa,” baengele ba ba tshwanang. E ne e le banna: barongwa, bareri; “a se ka a rekegela baengele.” A lo ne lo itse gore le . . . lefoko *moengele* le tswa mo lefokong “morongwa”? Ke ba le kae ba ba itseng gore *moengele* ke “morongwa”? Go sena pelaelo epe, moengele ke morongwa, “mme ga A a ka a rekegela baengele.” Lo a bona?

⁶²⁰ Mme ka kwano mo go Bahebere, lo a gakologelwa re ne ra go ithuta dibeke tse mmalwa tse di fetileng, “baengele”?

⁶²¹ Mme ka kwa ko go Bahe- . . . ko go Tshenolo, “Kwalela moengele wa kereke ya Saradisi dilo tse. Kwalela moengele wa kereke ya Efeso dilo tse. Kwalela moengele wa kereke . . .” Lo gakaologelwa seo? Mme re ne ra batlisisa lefoko *moengele* kwa morago, le go tswa mo thanolong, mme re ne ra fitlhela leo le raya “morongwa.” E ka nna ya bo e le “morongwa mo lefatsheng, morongwa wa bofetatlholego,” lefoko *moengele*.

⁶²² Jalo he mo seemong se, fa re tlaa tsaya thanolo mme re le batlisiseng kwa morago, lo tlaa fitlhela gore le simolola mo go “barongwa, barongwa ba ntlha.” Lo a bona, “Fa mo . . . Fa a

sa rekegela... Gonne fa Modimo a sa rekegela baengele ba ba leofileng," (Lo a bona?) "le ditshedi tsa bofetalholego," (Lo a bona?) "morago ga go leta..."

Jaanong elang tlhoko, o ne a re:

...fa...sa rekegela baengele ba ba leofileng, fela a ba latlhela kwa tlase ko diheleng, mme a ba neela ko dikeetaneng tsa lefifi, gore ba bolokelwe katlholo;

⁶²³ Fong lebang golo ka mo go Petoro wa Ntlha fano gape, 3:19, lo eleng tlhoko ka fa ena e balegang ka gone jaanong:

Ka o gape a neng a tsamaya mme a rerela mewa e e leng ko kgolegelong;

E nakonngwe e neng ya tlhoka kutlo, kwa nakonngweng fa boiphapaanyo jwa Modimo bo ne bo letile mo metheng ya ga Noa,... (lo a bona, e ne e le barongwa ba motlha oo, barongwa)... ka nako e areka e neng e baakanngwa, mo go e e leng gore... ke gore, mewa ya botho e ferabobedi e neng ya bolokwa ka metsi.

⁶²⁴ Jaanong fa lo tlala lemoga nako e ditshedi tseo di neng di le ko Legodimong. Jaanong, ka kwa ko go Tshenolo 11...kgotsa kgaolo ya bo 7, ke a dumela...kgotsa nnyaya, nnyaya, ke kgaolo ya bo 12. O neela setshwantsho sa mosadi a eme; ngwedi e le mo godimo ga thhogo ya gagwe le letsatsi...kgotsa, letsatsi mo tlhogong ya gagwe le ngwedi fa tlase ga dinao tsa gagwe. Mme kgwanyape e khubidu e ne e emetse go metsa Ngwana ka bonako fa A sena go tsalwa, mme e ne ya tsaya mogatla wa yone ya bo e goga ntlha ya seraro ya dinaledi tsa Legodimo e bo e di latlhela mo lefatsheng. A lo ne lwa lemoga seo? Jaanong, moo ga go reye gore Satane o na le mo—mogatla o mo leele o a o kgogetsang go dikologa batho, fela "polelo e a e boletseng," a bo a goga karolo ya boraro ya dinaledi tseo. Dinaledi tseo e ne e le peo ya ga Aborahama.

⁶²⁵ Aborahama ne a re, "Ao..."

⁶²⁶ Modimo ne a bolelela Aborahama, "Lelalela kwa magodimong, mme o bale dinaledi fa o ka kgona go dira."

⁶²⁷ O ne a re, "Nka se kgone go go dira."

⁶²⁸ O ne a re, "O ka se kgone le e leng go bala peo ya gago," dinaledi.

⁶²⁹ Ke Mang Naledi e e Phatsimang le ya Masa? Jesu wa Nasaretha, e e phatsimang bogolo go feta e le ka nako nngwe e phetseng mo nameng ya motho wa nama. Ena ke Naledi e e Phatsimang le ya Masa. Mme Ena ke Peo ya ga Aborahama, e tla ka Isaka. Mme rona, re suleng mo go Keresete, re apara Peo ya ga Aborahama mme re bajaboswa go ya ka tsholofetso.

⁶³⁰ Jalo he dinaledi tsa legodimo di ne di emetse mewa ya batho fano. Mme fa kgwanyape e khubidu (Roma, fa tlase ga tlhoriso ya

yone) e ne e gogola bobedi mo borarong jwa di . . . kgotsa boraro jwa dinaledi, mme e di piriganyetsa faatshe, moo e ne e le kwa papolong ya Morena wa rona Jesu fa ba ne ba Mo gana ebile A ne a . . . mme ba Mo kgoromeletsa fa ntle mme ba sa batle sepe se se amanang Nae; moo e ne e le karolo eo ya boraro ya dinaledi tsa baengele, ditshedi tsa baengele.

⁶³¹ Lo a bona, mo mmeleng wa gago, mo teng ga gago . . . (re na le potso e nngwe ka ga seo, ka tlhamallo, go e araba botoka). Jalo he fa . . . Mo teng ga gago go na le mowa, motho yo mongwe. Bokafantle jwa gago ke monna mongwe, bokafateng jwa gago ke monna yo mongwe. Jalo he bokafateng jwa gago ke bofetatlholego, bokafantle jwa gago ke mo go senama. Lo a bona? Mme setschedi se, fa o eteletswe pele ke Mowa, ke Modimo, o fetogile wa nna morongwa wa Modimo, kgotsa moengele. *Morongwa* wa Modimo, *moengele* wa Modimo, ke lone lefoko le le tshwanang; o ka se kgone go go aroganya: morongwa wa Modimo, kgotsa, moengele wa Modimo.

⁶³² Mme ke ofe yo o nang le taolo e kgolo? Moengele go tswa Legodimong kgotsa moengele mo felong ga therelo? Ke ofe yo o nang nayo? Moengele mo felong ga therelo! Paulo ne a re, “Fa Moengele go tswa Legodimong a tla mme a lo rerela efangedi e nngwe go na le e e ke setseng ke e lo reretse, a ena a hutsege.” Jalo he moengele yo o tloditsweng ke Mowa o o Boitshepo le Lefoko o ema fa gaufi le Modimo. Go jalo. Ko Legodimong, taolo ya gagwe . . .

⁶³³ “Dithata tsotlhe ko Legodimong le lefatsheng di beilwe mo seatleng sa Me. Tsamayang, mme Ke tlaa tsamaya le lona. Le fa e le eng se lo se bofang mo lefatsheng, Ke tlaa se bofa kwa Legodimong. Se lo se gololang mo lefatsheng, Ke tlaa se golola ko Legodimong.”

⁶³⁴ Ao, fa Kereke e tona e e boitshepo e ne e lemoga fela thata ya yone ya go dira dilo tse. Fela go na le pelaelo e ntsi thata le poifo le thoromo, go ipotsiswa fa go tla dira, “A gone go ka diragala?” Fa fela seo se ntse se le teng, Kereke e ka se kgone go ema e thokgame. Mme fa polelo nngwe le nngwe ya poifo e nyeletse mme Mowa o o Boitshepo o le mo taalong e e feleletseng ya Kereke, fong dipoi fo tsotlhe di ile, mme Kereke eo e na le thata. Lo a bona? Goreng, ba na le sengwe le sengwe se Legodimo le se ruileng se ba tshegeditse. Bona ke baemedi ba Sedulo sa bogosi. Go sena pelaelo epe! Moemedi wa Keresete o na le taolo, mme sengwe le sengwe se e leng sa Keresete ke sa moemedi yoo. Mme O ne a re, “Yang ko lefatsheng lotlhe, lo basupi ba Me morago ga Mowa o o Boitshepo o sena go tla kwa mo go lona.” Mme mosupi ke eng? Ke moemedi; ke go tla o supe ka ga sengwe. Dithata tsotlhe tsa Legodimo di gone mo diatleng tsa gago! Ao, goreng re dula? Mme kereke e opafetse, mme re dutse re phuthame. Ke ka gore ga re lemoga dilo tse.

⁶³⁵ Jaanong, mewa ya botho e e neng e le mo kgolegong (e e neng ya se ikotlhae), e ne e se ditshedi tse di jaaka Baengele tse di neng—tse di neng di tlisitswe fa tlase mo popegong ya Baengele, fela e ne e le mewa ya ditshedi tseo tse di jaaka baengele tse di neng tsa kgeloga pele ga motheo wa lefatshe, morago kwale nako e ntwa e neng e tsweletse ko Legodimong. Mme Satane le—le kgogela ba ne ba lwa, mme foo . . . kgotsa Mikaele le—le kgo—kgogela ba ne ba lwa (le Lusifa). Mme Lusifa ne a kgoromeletswa fa ntle le bana ba gagwe bottlhe (baengele bottlhe ba a neng a ba tsieditse), mme baengele bottlhe bao ba ne ba tla mo lefatsheng mme ba ne ba tshwanelwa ka ntsha eo gore ba fetoge ba nne batho. Mme erile ba ne ba dira, ke nako e “bomorwa Modimo ba boneng gore barwadia motho ba ne ba le bantle, mme ba itseela basadi.”

⁶³⁶ Bona ke bomorwa Modimo. Motho mongwe le mongwe yo o tsetsweng mo lefatsheng le ke morwa Modimo. Go sa kgathalesege a kana ena ke moleofi kgotsa se a leng sone, ena ke morwa Modimo. A tlhodilwe ka setshwano sa Modimo a tlholetswe dithoriso tsa Modimo, o tlhodilwe ka tsela eo. Fela Modimo kwa tshimologong ne a itse gore ke mang yo o tlaa Mo amogelang le gore ke mang yo a ka se Mo amogeleng. Ke gone ka moo A neng a kgona go tlhomamisetsa pele, kgotsa, a se kgone go tlhomamisetsa pele, fela ka kitsetsopele O ne a kgona go bolela gore ke mang yo neng a tlaa bolokesega le gore ka mang yo neng a ka se bolokesege, gonne O itsile gore ke motho ofeng yo neng a tlaa tsaya mowa ofeng.

⁶³⁷ Mme mewa eo e e tswang kwa Sedulong sa bogosi sa Modimo, mme e eme fa pele ga Sedulo sa bogosi sa Modimo, mme e ne e tshela . . . ka dibilione le dibilione le diaeone tsa nako pele ga lefatshe le ne le ka ba la simologa, mo Bolengtengeng jwa Modimo, o akanya gore ga ba itse sengwe ka ga kobamelo? Mme e ne ya fologa e bo e tsena gone mo teng ga motho, mme e obamela Modimo! Go sena pelaelo epe, ba obamela Modimo; mme ba na le kitso ya Modimo, mme ba bothhale, mme ke bo matseba, ba rutegile, ka nako yotlhe. Fela Modimo ne a ba gana go tswa kwa tshimologong!

⁶³⁸ Jalo he ka moo, tsala, boloko jwa kereke, kgotsa—kgotsa kitso ya thuto nngwe ya bodumedi le ditumelo kgotsa sengwe, ga di na selo se le sengwe se se amanang le Gone. E tshwanetse e nne Madi a ga Jesu Keresete le tsalo sesa tse di go pataganyang le Ena e le sebelebele se se sengwe. Ke lona bao.

⁶³⁹ Modimo, kwa tshimologong fa A ne a itse gore . . . Banna le basadi ba ne ba dirwa ba le bangwe fela, eseng bobedi, ba ne ba le bangwe fela. Ba ne ba kgaogantswe, mongwe o ne a tsenngwa mo nameng mme yo mongwe mo mmeleng wa selegodimo. O ne a itse seo. Jalo he gore a tle a go rurifaletse seo: fa Modimo a ne a dira mosadi, ga A a ka a tsaya lorole lengwe mme a dira mosadi jaaka A dirile monna; O ne a ntsha logopo go tswa mo letlhakoreng

la ga Atamo, mme mosadi ne a fetoga a nna se se tswang mo monneng (ka gore mosadi ke bontlhabongwe jwa monna). Lo a Go tlhaloganya jaanong? Lo a bona? Ke lona bao.

⁶⁴⁰ Baengele ke bao. Mme Modimo le mowa o o pataganyeng le Modimo ke Mowa o le mongwe. Go jalo. Jaanong, Mowa wa Modimo o o nnang mo Kerekeng, ke Mowa o o tswang kwa Legodimong, o Modimo a o itsileng pele ga motheo wa lefatshe, o o ganneng leaka la diabolo. Mme mowa oo o ne wa tshwanelwa go tsaya mmele wa nama go nna . . . go diragalelw ka diteko tsa one. O ne a tshwanelwa go tla ka nama jaaka ba ba bangwe ba ba dirile, mme botlhe ba bona ba ne ba tshwanelwa go bewa mo jokong e e tshwanang. Mme Modimo, ka tshimologo, ne a itse mewa e e neng e tlaa dira, le e e neng e sa tle go dira. Ke lona bao. Diabolo o botlhale thata ena fela one a tlaa tsietsa bone baitshenkedwi, fa go ne go kgonega.

⁶⁴¹ Jalo he mewa e, baengele ba ba ba neng ba rera, ba ne ba le ko kgolegelong; *baengele*, fa lo tlaa le lemoga fano, ke "m" yo monnye se se kayang "monna"; baengele, barongwa fano mo lefatsheng. Ba ne ba leofile, mme tsela e le nosi e ba neng ba ka kgona go leofa ka yone e ne e tlaa nna go dumologa! Mme tsela . . . Ba ne ba na le ditumedi tse e leng tsa bone, mme ba ne ba sa dumele molaetsa wa ga Noa. Ba ne ba sa dumele molaetsa wa ga Enoke. Mme ba ne ba gana Molaetsa wa bona, "mme ba ne ba atlholwa," Baebele ne ya re ba ne ba dirilwe.

⁶⁴² Enoke ne a ba porofetela, ne a re, "Morena o tla ka dikete di le masome tsa Baitshepi ba Gagwe."

⁶⁴³ Mme ba ne ba porofeta. Mme Noa ne a aga areka, mme ba ne ba re, "Ena ke sebidikami se se boitshepo! Ena ke segogotlo! Ga go na selo se se jaaka pula e e tlang." Mme dingwaga di le lekgolo le masome a le mabedi di ne tsa feta, mme o ne a na le bodumedi jo bo neng bo na le poloko mo go jone, go ne go na le tsela ya phalolo e e neng e dirilwe, fela ba ne ba kgotsofetse mo seemong sa bone.

⁶⁴⁴ Eo ke tsela e go leng ka yone gompieno, gore batho ba kgotsofetse mo seemong sa bone. Fela go na le tsela ya phalolo, mme tsela eo ke ka Jesu Keresete. Amen. Ke lona bao: morafe o o tshwanang, mewa e e tshwanang.

⁶⁴⁵ Mme go sena pelaelo epe e ne e le batho ba ba bodumedi, ba ba bodumedi thata, fela ba ne ba palelwa ke go tlhaloganya ikano ya kgolagano.

⁶⁴⁶ Go jalo gompieno. Motho o ya kwa kerekeng, mme a ipataganya le dikereke tse di kgolo, mme a leke go nna motho yo o tumileng bogolo go gaisa mo motsemogolong. Fa ba batla go ipataganya le kereke, ba tsaya e e kgolo bogolo mo motsemogolong, e e botoka bogolo bogolo ebile go akanngwang sentle bogolo go feta ka ga yone mo motsemogolong. Ka fa ba

palelwang thata go tlhaloganya pitso! Ka fa ba palelwang thata go E tlhaloganya!

⁶⁴⁷ Tsela e le nngwe e o ka bang wa itse Jesu Keresete ke ka tshenolo ya semowa, eseng ka thuto ya bodumedi le ditumelo le ka fa o ithutang Baebele thata ka gone. A kana wena o Christian Science, Methodisti, Jehovah Witness, kgotsa le fa e le eng se o leng sone; go sa kgathalesege se o leng sone, le ka motlha ope o ka se Go itse ka Lefoko, ke Mowa wa Modimo o o Mo senolang ko go wena. Ke tshenolo ya semowa!

⁶⁴⁸ Motlhang Atamo, mo tshimong ya Etene, le Efa, nako e bana bao ba ne ba kgoromeletswa ntle, ke fa go tla Kaine ka thuto e ntle ya bodumedi le ditumelo. O ne a re, “Modimo o tshwanetse a itse gore re dira sena go tswa mo bojotlheng—bojotlheng jwa pelo ya me. Ke tlaa aga aletare e ntle, ke tlaa baya dithunya mo go yone, ke tlaa baya maungo mo go yone, ke tlaa e dira e nne ntle. Ruri ke tlaa kgotsofatsa Modimo ka sena eibile ke Mo itsise gore nna ke pelophepa mo pelong ya me.” O ne a nepile go ya ka fa Lefoko le neng le batla ka gone; Modimo ne a batla kobamelo, o ne ya go obamela. O ne a dira lefelo le le ntle go obamela mo go lone, kathedrale e tona, e ntle thata (jaaka ba go bitsa gompieno). Mme o ne a e dira sentle, o ne a e aga sentle a bo a tsenya aletare mo go yone; e ne e se modumologi.

⁶⁴⁹ Fela Abele, go ya ka fa Lefokong la Modimo . . . Go ne go sena Baebele epe e e neng e kwadilwe ka nako eo, fela Modimo ne a mo *senolela* gore e ne e se leungo le le re ntshitseng ko tshimong ya Etene, e ne e se diapolo tse Atamo le Efa ba di jeleng, go se na pelaelo epe e ne e le dilo tse di amanang le tlhakanelo dikobo tse di neng tsa ba lomolola le go ba aroganya. Mme go itseng gore ba ne ba fetogile go nna ba ba swang, mme ka madi a ga Atamo, le ka madi a ga noga yo o simolotseng se, Abele, ka tshenolo ya Semodimo, ne a ya a bo a tsaya kwana mme a e dira setlhabelo. Mme Modimo ne a re, “Ke Gone!” Ruri.

⁶⁵⁰ Erile ba ne ba fologa ba tswa ko Thabeng ya Phetogo, Jesu ne a re, “Batho ba re Nna Morwa motho ke Mang?”

⁶⁵¹ “Bangwe ba re O ‘Moshe,’ mme bangwe ba re O ‘Eliase,’ mme bangwe ba re O ‘Jeremia,’ mme bangwe ba re O ‘Moporofeti yole.’”

⁶⁵² O ne a re, “Fela lona lwa re Nna ke Mang?”

⁶⁵³ Petoro ne a re, “Wena o Keresete, Morwa Modimo yo o tshelang.”

⁶⁵⁴ O ne a re, “O sego wena, Simone Morwa-jonase, gonne nama le madi ga di a go senolela se.” (Elang tlhoko!) “Ga go sa tlhola e le ka tlhaka, ga go sa tlhola go le ka sekolo; ga o ise o go ithute ko seminareng, le eseng gore mongwe ne a go bolelela. Nama le madi ga di a go senolela se, fa e se Rrê yo o leng kwa Legodimong o go senoletse se. Mme mo lefikeng lena Ke tlaa aga Kereke ya Me, mme dikgoro tsa dihele di ka sek a tsa fenya kgatlanong

le Yone.” Ke lona bao. Kereke ya Modimo yo o tshelang ke eo. Ke gone. Mo godimo ga kereke eo... Mo godimo ga *tshenolo* eo, Kereke ena e agilwe. Ke *tshenolo* ya Semodimo e Modimo a e senotseng, gore Jesu Keresete ke Morwa Modimo, mme o Mo amogetse e le Mmoloki wa sebelebele sa gago, o dule mo losong wa tsena mo Botshelong.

⁶⁵⁵ Mme Mowa o o Boitshepo o a diragatsa ebile o bereka mo malokong a Mmele o. Kereke ke eo! Go sa kgathalesege fa e humanegile, mme e le mo kagong ya boneri, mme lo ema kwa ntle fa tlase ga setlhare sa mokolane golo gongwe, kgotsa le fa e le eng se e leng sone, fa e le ntlo ya mongwe ko bokopanong jwa sephiri, go sa kgathalesege kwa e tlaa nnang gone. Bontle le dilo ga di gape maikutlo a Modimo. Ke bopelophepa jwa pelo ka *tshenolo* gore Jesu Keresete o ne a bewa e le Morwa Modimo, Mmoloki wa sebele sa rona. Amen!

⁶⁵⁶ Ija, rona...ga o ketla o goroga kwa go tse, fa re ralala jalo, a re tlaa dira?

⁶⁵⁷ Bane ke bao ba ba...ka kwale kwa A neng a ya gone; baengele : barongwa, bareri bao, batlhalefi bao, barongwa bao ba ba neng ba se dumele ka nako e Noa a neng a ya go ba rerela ka yone mme a ba bolelela, “Goreng, tsenang mo arekeng e.”

⁶⁵⁸ Ba ne ba re, “Reetsang mobidikami yo boitshekpo yo. Reetsang segogotlo seo. Goreng, ga go na pula epe. Ke mang yo kileng a utlwa selo se se jaana? Goreng, ija, a ga re na dikereke? A rona ga re ba ba bodumedi?” Goreng, ba ne ba le bodumedi!

⁶⁵⁹ Jesu ne a re e ne e tlaa nna kokomane e e fetileng gone foo, e ne e tlaa nna kokomane eo mo go tlaa boeielang gape pele fela ga go Tla ga Gagwe, “Jaaka go ne go ntse ka gone mo metlheng ya ga Noa, go tlaa nna jalo ko go tleng ga Morwa motho. Gonnie ba ne ba ja, ba nwa, ba nyala, ba newa mo nyalong.” Ba ne ba na le Reno nngwe, Nevada foo, golo gongwe. Ba ne ba na le mehuta yotlhe ya diphirimisi tse ba nang natso gompieno; ba kopana go tshegetsana, ba kalapa jaaka namane, ebile ba ipela, basotli le jalo jalo; ba na le sebopego wa poifoModimo, fela ba gana Boammaaruri jwa mmatota: kgolagano, Molaetsa wa letlhogonolo. Modimo a dira tsela ya Gagwe, mme a neela batho kgolagano ya Gagwe—ya Gagwe, ka fa ba ka kgonang go falola ka gone; E ne e na le poloko mo go yone, poloko e ne e le lefelo la go falola.

⁶⁶⁰ “Re batla eng ka poloko?” Gompieno batho ba re, “A ga re tshele fa tlase ga taolo ya popego e e siameng ya goromente wa batho ka batho? Ke eng se re se tlhokang?”

⁶⁶¹ Ga ke kgathale gore ke mo go golo ga kae re tshelang mo tlase ga taolo ya goromente wa batho ka batho, re tlhoka Madi a ga Jesu Keresete. Ke gone! Re tlhoka Keresete. Ke lebogela popego ya goromente o e leng wa batho ka batho; moo ga go amane ka sepe, le poloko ya mowa wa botho. Go sena pelaelo

epe! Digoromente tseo di tlaa feta, le setshaba sengwe le sengwe se tlaa feta. Mme ke ne ka ema go bapa le . . . kwa bofaroo ba neng ba ema gone, mme lo tshwanetse lo epeng go ka nna difutu di le masome a le mabedi mo tlase ga mmu gore lo bone ditilo tsa bone tsa bogosi kwa ba neng ba nna gone. Bofaro botlhe le magosi a gagwe a lefatshe le, le gotlhe ga dilo tsa lone tse di bokoa le tse di le tlhotlheletseng go dira ka thata di tlaa palelwa mme di nyelele, fela Jehofa o tlaa busa ka bosafeleng, gonne Ena ke Modimo yo o sa sweng. Ka go tsepama re eme mo godimo ga Lefika Keresete Jesu, gonne mebu e mengwe yotlhe ke motlhaba o o nwelang.

⁶⁶² Ga ke kgathale a kana gone ke . . . magosi a tlaa tlhagelela mme a palelwe, fela ao, ga go na sepe . . . Ga ke kgathale a kana gone ke . . . sepe; ga go na sepe se se leng teng, sepe sa bokamoso, sepe (masekedi kgotsa dipogisego kgotsa sepe) tse di ka kgonang le ka mothaa ope go re lomolola mo loratong leo la Modimo mo go Keresete. Fa mothoo a tsetswe ke Mowa wa Modimo, ena ga e sa tlhola e le setshedi sa nako, fela ena ke setshedi sa Bosakhutleng. Amen. O dule mo losong a tsena mo Botshelong. Ena o dule mo ka . . . O fetile go ralala karolwana ya nako, a tsena mo Bosakhutleng. Le ka motlha ope a ka se kgone go nyelela! Mme Modimo o ikanne gore O tlaa mo tsosa mo metlheng ya bofelo.

⁶⁶³ Jalo he ba ka nna ba nna le dikereke tsotlhe tse di kgolo tsa lona, le dinako tsotlhe tse di monate tsa lona, le tsotlhe tse lo eletsang go nna natso, mme le bolele metlae ya lona e e maswe le bo le nne le metshameko ya lona ya Bankho, le dilalelo tsa mero le sengwe le sengwe se sele se lo se batlang; mme lo nneng le moreri mongwe yo o rutegileng a eme foo. Gongwe a ka kgona go dira tiro e e botoka mo go gone go na le bangwe ba dithaka tse di godileng tsena tse ka boutsana di itseng bo ABC ba bone. Fela ke go bolelela boammaaruri, nna go botoka ke nne le thaka e e sa itseng bo ABC ba gagwe a ntherela (yo o itseng Keresete) go na le baithuti botlhe ba ba tona ba bodumedi le ditumelo ba ba leng teng ka dithuto tsotlhe tsa lona tse go ka akanngwang ka ga tsone. Go sena pelaelo epe!

⁶⁶⁴ Golo fano mo Kentucky, e se bogologolo, thaka e nnye e e godileng yo ka boutsana a neng a sa kgone le go bala leina le e leng la gagwe, ne a re Morena o mmileditse go rera mme o ne a batla ntlolehahala ya sekolo. Goreng, balaodi ba ne ba sa batle go mo lettlelala a nne nayo. Moreri mongwe yo motona yo mogolo ne a tla foo ka sekgele mo leineng la gagwe se se *jalo*, ngaka nngwe e kgolo ya semodimo, goreng, ba ne ba mo lettlelala gore a dirise sekolo. Ruri. O ne a nna le tsosoloso ya dibeke di le pedi, le e sang mowa o le mongwe wa botho. Mme rraagwe ne a boela, a bo a re, “Jaanong lo mo lettleleng a e dirise, nna ke ntsha lekgetho, ke na le tshwanelo ya gore mosimane wa me a e dirise. Mme mosimane wa me o tshwanetse a e dirise le ena.”

⁶⁶⁵ Jalo he o ne a boela morago go batlisisa, mme a ba botsa, ba ne ba re, "Sentle, re tlaa mo lettelela a e dirise sa bogolo masigo a le mabedi." Mme ba ne ba tswelela pele mme ba mo lettelela a e dirise masigo a le mabedi.

⁶⁶⁶ Mme bosigo joo mosimanyana yo o godileng yoo ne a tlthatlogela foo mme o ne a sa kgone le e leng go bala Baebele, ne a kopa gore mongwe a mmalele temana ya gagwe. Fela erile a ne a tsamaela mo seraleng, o ne a tloditswe ka Mowa o o Boitshepo. Mme erile a ne a rera, go ka nna ba le masome a le mabedi ba ne ba tla ko aletareng; mme moreri yole yo o itirileng go nna moreri ne a lela a le mo tseleng ya gagwe a ya kwa Golegotha, kwa aletareng.

⁶⁶⁷ Go tlhomame, mokaulengwe, ga se—ga se se o se itseng, ke Yo o mo itseng. Eo ke kakanyo, seo ke se go se tlhokang, go tlhoka go itse Keresete. Go Mo itse, ke Botshelo; go Mo gana, ke loso.

⁶⁶⁸ Ka bonako go ya kwa dipotsong tsa rona tse dingwe, dipotso jaanong tse di yang golo kwa Georgia:

67. Ke eng se mantswê mo go tshe...a se emetseng mo go Tshenolo 21:19 le 20?

⁶⁶⁹ Fa lo eletsa go nna le nako ya go bula Dibaebele tsa lona, mo e leng gore ga re na nako e ntsi thata jaanong, fela ke tlaa leka go di araba ka bonako. Tshenolo ya masome a le mabedi... .Ke dumela ke ya bo 21:19 le 20. Ee.

⁶⁷⁰ Go siame, teng foo o tlaa fitlhela gore o ne a bua ka ga mantswê a a neng a le mo teng ga kago. Mme mantswê e ne e le metheo. Fa lo tlaa lemoga... .Ke a dumela gore o na le yone foo, Mokaulengwe Neville. Mme lentswê lengwe le lengwe ka nosi e ne e le motheo. Eseng lentswê le le lengwe e le motheo, mme a mangwe... .Fela lentswê lengwe le lengwe ka nosi e ne e le motheo. Lentswê lengwe le lengwe ka nosi e ne e le motheo go sa fetoge. Mme go ne go na le mantswê a le lesome le bobedi. Mme fa lo lemoga mantswê ao a a lesome le metso e mebedi, a neelana... .Santla go simolola ka jasepere, le saradiase, le jalo jalo jalo, go emela lentswê lengwe le lengwe ka nosi.

⁶⁷¹ Mo Baebeleng foo lo tlaa fitlhela gore go ne ga bitswa mantswê a a rileng. A mangwe a one a ne a farologanenyana, ga lo ise lo utlwe ka ga one. Fa lo leba kwa morago mo thanolong lo tlaa fitlhela gore ke lentswê le le tshwanang, e le fela leina le le farologaneng; le fetotswe.

⁶⁷² Fela go simolola ka—ka jasepere. Jasepere e ne e le lentswê la ga—la ga Benjamine, kgotsa, lentswê la ga... .ao, leitibolo, Rubene. Lentswê la ntlha ne e le Rubene, le e neng e le jasepere. Lentswê la bofelo e ne e le Benjamine, lentswê la bofelo fa godimo.

⁶⁷³ Jaanong, mantswê a a lesome le metso e mebedi a metheo e neng e thailwe mo godimo ga yone, one—one mantswê a le lesome

le bobedi ao a ne a lepeletse mo sefemela sehubeng sa Arone. Mme a ne—a ne a emetse, e ne e le moperesiti yo mogolo wa ena—wa merafe ena. Lengwe le lengwe ka nosi la lentswê la matsalo a bone teng fano, mo go ena—mo papetleng ena. Mme fa batho ba ne ba bona papetla e, ba ne ba lemoga gore Arone ne e le moperesiti yo mogolo wa morafe o o feleletseng, fa bane ba ne ba bone lentswê la matsalo mo papetleng e.

⁶⁷⁴ Jaanong, fa re ne re tlhaloganya mosong ono mo molaetseng wa ga Mokaulengwe Neville. Mme makgetlo a le mantsi a ba neng ba tlisa Urime Thumime. Lo a bona go umakilwe mo Baebeleng e le tsela e ba neng ba itse a kana molaetsa wa bone e ne e le Boammaaruri kgotsa nnyaya. Mantswê ao, fa ba ne ba ya ba bolela se monna a neng a se buile, moporofeti o porofetile, mme mantswê ao otlhe a ne a phatsima ga mmogo. Go ne ga dira motswako wa masedi a a neng a tsaya safire, le jasepere, le karebunekele, le otlhe mantswê a mangwe ao a phatsimisa lesedi la one, go ne ga dira motshe wa godimo o le mongwe o mo tonatona o montle o o neng o tswakanya selo sotlhe ga mmogo.

⁶⁷⁵ Jaanong, jaanong, gompieno, fa Urime Thumime eo e ne e tlosiwa le boperesiti joo, jaanong Baebele e ke Urime Thumime ya Modimo gompieno. Mme fa moreri a rera, ga go a tshwanela e nne lefelo le lengwe le lennye fa, mme foo e nne gotlhe mo a bayang ditsholofelo tsa gagwe mo go lone; e tshwanetse e nne Baebele e e feletseng e phatsima go bontsha molaetsa o monna a o rerang. Moo ke selo. Eseng fela lefelo le lengwe, mme a re, “Sentle, Baebele e bua se.” Ao, go tlhomame, e bua dilo di le dintsi. Fela o tshwanetse o dire gore e nne tsotlhe di beilwe ga mmogo. Mme fa Mowa wa Modimo o tlaa mme o tsena mo le—Lefokong, E go baya gotlhe ga mmogo mme e phatsimisse Lesedi le le lengwe le le tona tona, mme Lesedi leo ke Jesu Keresete. Amen.

⁶⁷⁶ Jaanong, mantswê a a a lesome le bobedi e ne e le metheo e le lesome le bobedi e e neng ya simolola mo go Rubene, le Gate, le go tswelela pele kwa tlase go ya kwa go Benjamine; merafe e le lesome le bobedi, mantswê a le lesome le bobedi. Mme mantswê ao mo Tempeleng, mo Jerusalema yo mosha wa Selegodimo, motheo mongwe le mongwe ka nosi o tlaa thaiwa mo godimo ga mongwe wa ditlhogo tsa lotso.

⁶⁷⁷ Jaanong elang tlhoko, lo lemogeng mantswê, jaanong lo ile go bona ditlhogo tseo tsa lotso di bonatshwa gone ka mo sengweng se sele, fela mo potsong e nngwe.

68. Tlhalosa—tlhalosa ya bonê...ditschedi tse nnê tsa ga Tshenolo 5.

⁶⁷⁸ Mokaulengwe Neville, fa o na le seo gone foo fa gaufi, kgotsa bangwe ba lone, ya ga Tshenolo 5, re tlaa bala ena motsotso fela. Yone ke se—yone ke setshwantsho se se ntle fano sa ga tshe... Fano, ke na nayo ka bona, Tshenolo kgaolo ya bo 5:

Mme ke ne ka bona mo seatleng se segolo sa ene yo neng a dutse mo se—mo sedulong sa bogosi buka e e neng e kwadiwe mo teng le ka fa ntle le—le—le ka fa ntle kwa morago, e kannwe ka dikano di supa.

Mme ke . . .

⁶⁷⁹ Jaanong, moo ga se lefelo. Ke batla go ya kwa pejananyana fela, ditshedi di le nnê. Nte re boneng, temana ya bo 14. Go siame, rra. Jaanong ke rona bano re a ya, go jalo. Jaanong a re simololeng golo fano mo temaneng ya bo—ya bo 12, nnyaya, ke fopholetsa gore . . . “Mme dibatana tse nnê ne tsa re, ‘Amen.’” Nnyaya, go na le lefelo le le nnye fa morago ga foo, Mokaulengwe Neville. “Bonang, ke ne ka utlwa lentswe . . .”

⁶⁸⁰ A re boneng, motsotso fela, ke ne ke e bala lobaka lo lo fetileng. Ao, ke rona bano, a re simololeng kwa temaneng ya bo 6. Temaneng ya bo 5:

Mme mongwe wa bagolwane ne a nthaya a re, Se lele: bona, Tau ya lotso la Juta, Modi wa ga Dafita, o fentse go bula buka, le go kanolola di . . . dikano tsa yone.

Mme ke ne ka leba, mme, . . . mo gare ga sedulo sa bogosi le . . . ditshedi tse nnê, le, mo gare ga bagolwane, ne go eme Kwana jaaka ekete, e ne e bolailwe, e na le ditlhogo di supa le matlho a supa, tse e leng Mewa e supa . . . e e rometsweng go tswa . . . ko lefatsheng.

⁶⁸¹ Ke batla gore lo tshwareng potso eo, mme fa ke sa e rarabolole fa tlase fano mo motsotsong, ke batla lo e buseng gape, ke batla go berekana nayo, “Mewa e supa ya matlho a supa a a neng a le mo Kwaneng.” Ao, moo ke selo se se ntle tota. (Sentle, re batla go araba potso ya mokaulengwe yona jaanong.) Go siame, lo se lebaleng seo jaanong.

Mme o ne a tla mme a tsaya buka mo seatleng se segolo sa ena yo neng a dutse mo sedulong sa bogosi.

Mme erile a sena go e tsaya, ditshedi di le nnê le bagolwane ba le masome a le mabedi le bonê ba ne ba wela faatshe fa pele ga kwana, . . . mongwe le mongwe wa bone a tshotse diharepa, . . .

⁶⁸² Jaanong, tseo ke di—di le nnê—ditshedi di le nnê fano, fa lo tlala lemoga. Jaanong a re tsweleleng pele mme re baleng kwa pejananyana fela:

. . . diharepa tsa gouta, . . . di tletse dikurwana le maswalo, . . . le dithapelo tsa baitshepi.

Mme ba ne ba opela pina e ntšhwa, . . . Wena o a tshwanelwa . . . (mme ba tswelela pele mme a dira tsa bone . . . kobamelo yotlhe ya bone kwa go Morena)

⁶⁸³ Jaanong, ditshedi tse tse nnê tsa Tshenolo, fa lo di lemoga, lefelo lengwe le lengwe . . . (Lona babadi ba Baebele, mme e e leng

gore monna o ile go reetsa kgatsiso ena ya theipe). Ditshedi tse nnê tseo, di ne di na le difatlhego di le nnê: se le sengwe se ne se na le sefatlhego se se tshwanang le sa motho, se sengwe se ne se na le sefatlhego se se tshwanang le sa poo, mme sefatlhego se sengwe se ne se tshwana le sa ntsu, mme sefatlhego se sengwe se ne se tshwana le sa tau. Mme di ne di sa kake tsa tsamaya ka samorago, di ne di ka sa kgone go tsamaya ka samorago.

⁶⁸⁴ Ke ba le kae ba ba gakologelwang buka ya bogologolo ya Tshenolo fa ba ne ba e ruta dingwaga tse di fetileng, fa ke ne ke tsere go batlile go le dingwaga di le pedi fano mo Bukeng ya Tshenolo? Mabutswapele a le mantsi a a dira.

⁶⁸⁵ Lebang, di ne di sa kgone go tsamaya ka samorago, ka gore tsela nngwe le nngwe e di neng di e tsamaya di ne di ya ko pele. Fa di ne di tsamaya ka tsela e, di ne di tsamaya di tshwana le motho; fa di ne di tsamaya ka tsela e, di ne di tsamaya di tshwana le tau; di tsamaya ka tsela e, di ne di tsamaya di tshwana le ntsu; fa di ne di tsamaya ka tsela e, di ne di tsamaya di tshwana le poo. Lo a bona, di ne di sa kgone go tsamaya ka samorago, di ne di ya ko pele nako yotlhe.

⁶⁸⁶ Jaanong ditshedi tse nnê tseo. Jaanong go araba ena ka bonako, ka gore ga ke batle go diega lobaka lo lo leelee mo go ena. Fela dibatana di le nnê. . . . *Sebatana*, mo Baebeleng, se emetse “thata.” Mme lo lemogeng gore dibatana tse di ne di se kwa ntle ka kwa mo letsheng kgotsa ko lewatleng golo gongwe di tlhatloga, fela di ne di le kwa Sedulong sa bogosi sa Modimo, mme di ne di obamela Modimo. Dibatana di le nnê tseo di kaya dithata di le nnê tse di neng di tlhatloga mo lefatsheng, mme dithata tse nnê tseo e ne e le Diefangedi tse nnê: Matheo, Mareko, Luka, le Johane; e nngwe ga e phekisane le e nngwe.

⁶⁸⁷ Mme nngwe ya tsone, efa . . . Jaaka Efangedi e tswelela pele e tshwana le tau, yone e tlhoafetse, e peleokgale; Efangedi e pelokgale go tshwana le tau, ebile yone ke kgosi go tshwana le tau. Fa e tsamaya e lebile ntlheng ya sefatlhego sa monna, yone e botlhale ebile e matseba go tshwana le motho. Fa e tsamaya jaaka ntsu, e na le diphuka tse di bofeko le bogodimo jo bo kwa godimo. Yone . . . Lo bona se ke se rayang? Fa e tsamaya jaaka poo, yone ke pitse ya tiro e e kgonang go goga, poo ya tiro e e gogang mo—mo—mokgwaleo wa Efangedi. Dibatana tse nnê e ne e le dithata di le nnê, tse e neng e le: Matheo, Mareko, Luka, le Johane; Diefangedi tse nnê tse di tsirimang mo Bolengtengeng jwa Modimo. Moo e ne e le . . .

⁶⁸⁸ Fa lo lemogile, di ne di na le matlho mo pele le kwa morago. Tsone—tsone . . . Gongwe le gongwe e neng e ya gone, e ne e phatsimisa. Di ne di bona gongwe le gongwe kwa di neng di ya gone. Mme eo ke thata ya Diefangedi jaaka e ne e anama, e kgonaa . . . E na le go nna matseba ga motho; e na le bofeko jwa ntsu; e na le tha—tha—that—that, thata ya go goga, morwadi

wa mokgweleo jaaka poo; e na le tlho—tlhoafalo le bopelokgale jwa tau. Lo a bona, ke Diefangedi tse nnê, tse e leng dithata tse nnê tsa Tshenolo, kgaolo ya bo 4.

Go siame, jaanong e e latelang:

69. Bagolwane ba le masome a le mabedi le bonê ke bomang? Go siame, ke a dumela eo e tlaa bo e le ka ba—ba... Ke bomang bagolwane ba le masome a le mabedi le bonê?

⁶⁸⁹ Jaanong eo e motlhofo fela, re ka kgona go ya kwa go yone. Bagolwane ba le masome a le mabedi le bonê ba ne ba dutse mo pele ga Sedulo sa bogosi. Moo ke mo te... Ke dumela gore ke mo temaneng 4, ke kwa e fitlhelwang gone. “Mme go ne ga tswa e nngwe...” Ke tshwanetse ke... A re boneng, ke na... 4:10.

⁶⁹⁰ Go siame, Tshenolo, kgaolo ya bo 4, le temana ya bo 10. Go jalo. Re tlaa goroga kwa go yone.

Mme bagolwane ba le masome a le mabedi le bonê ba ne ba wela faatshe fa pele ga ena yo neng a dutse mo sedulong sa bogosi, mme ba mo obamela yo tshelang ka methha le ka methha, mme ba latlhela dirwalo tsa bone fa pele ga sedulo sa bogosi ba re,

Wena o a tshwanelwa, Oho Morena, go amogela kgalalelo le tlotlo le thata: gonne wena o tlhodile dilo tsotlhe, mme tsone di teng ebole di ne tsa tlholelwaa boipelo jwa gago.

⁶⁹¹ Jaanong bagolwane ba le masome a le mabedi le bonê. Mogolwane ke mookamedi. Jaanong lemogang, e ne e le ditlhogo tsa lotso di le lesome le bobedi le baapostolo ba le lesome le bobedi. Mme ba ne ba dutse, lesome le bobedi mo letlhakoreng le le lengwe le lesome le bobedi mo letlhakoreng le lengwe. Go ne go na le bagolwane ba le masome a le mabedi le bonê, ba e neng e le ditlhogo tsa lotso di le lesome le bobedi mo letlhakoreng le le lengwe, Kqolagano e Kgologolo; baapostolo ba le lesome le bobedi mo letlhakoreng le lengwe, ba Kgolagano e Ntšhwa. A Jesu ga a ka a re, “Lo tlaa dula mo ditulong tsa bogosi tse lesome le bobedi, lo atlhola merafe e le lesome le bobedi ya Israele”?

⁶⁹² Jaanong, metheo. Lebang, go na le e lenng setlhare teng foo. Mme setlhare mo letlhakoreng leno le letlhakoreng lele se ungwa mehuta e le lesome le bobedi ya leungo. Mme di ungwa leungo la tsone gangwe ka kgwedi, e leng gore ke dikgwedi di le lesome le bobedi ka ngwaga. Di ungwa mehuta e le lesome le bobedi ya leungo ngwaga mongwe le mongwe jaaka go tswelela pele. *Lesome le bobedi*, mo nomoreng ya “kobamelo”, lo a bona. Mme go na le masome a le mabedi le bonê, e tlaa bong e le masome a le mabedi le bonê, baapostolo ba le lesome le bobedi le ditlhogo tsa lotso di le lesome le bobedi. Bone ba dutse mo Sedulong sa bogosi.

⁶⁹³ Go siame, jaanong temana ya bo 4, kgotsa, potso ya bonê:

70. Kgole e e buhubidu jo bo letlhololo mo go Genesi 38 e ne e emetse eng?

⁶⁹⁴ Kgole e e bohubidu jo bo letlhololo, fa lo tlaa lemoga, e ne e le Juta. Mme o ne a na le barwa, mme mongwe wa barwa ba gagwe ne a nyetse mosadi wa Mokanana. Mme mosadi yona wa Mokanana ne a sena bana bape, mme morwae ne a swa. Fong, molao ka nako eo ne e le go tsaya... morwa yo o tlhatlhamaang o ne a tshwanetse go tsaya mosadi wa morwarraagwe, mme a tsosetse baswi peo. Mme monna yo mongwe ne a se dirisanye mmogo mme a dire jaaka a ne tshwanetse go dira ka gone, mme Morena ne a mmolaya. Foo o ne a na le morwa a le mongwe yo monana; jalo he Juta ne a re, “Leta go tsamaya go tle morwa yo a kgorometsa... a gola go tsamaya a tle mo lefelong kwa o ka kgonang go mo nyala.”

⁶⁹⁵ Mme erile fa a ne a godile go fitlha kwa lefelong le a neng a tshwanetse go nyala mosadi wa pele wa bomorwarraagwe ba babedi, sentle, o ne a tshwanetse go mo tsaya ka nako eo, go tsosetsa bakaulengwe ba gagwe peo ba ba neng ba...ba ba neng ba swa pele ga gagwe. Juta ne a se neye mosadi (mosadi wa Mokanana) morwa, mosimane, mme a letla mosimane fela a tswelele pele. Jalo he mosadi ne a bona gore o ne a dira phoso, jalo he o ne a tswela ntle mme a iphapa sefatlhego ka lesire, mme a nna mo lefelong la mo pontsheng ya morafe jaaka seaka se ne se tlaa dira.

⁶⁹⁶ Juta ne a tla a feta mme a tsaya mosadi go nna mosadi wa gagwe, mme e ne e le seaka, mme a tshela nae. Mme ne a re, mosadi ne a re, “Sentle, ke eng se o tlaa dumalanang le nna ka sone?” Mme ne a re... mosadi ne a re...

⁶⁹⁷ Ne a re, “Ke tlaa mo naya po—potsane.” O ne a re, “Sentle, nneye sesupo sa gore o tlaa go dira.” Jalo he mosadi ne a tsaya thobane le sekano tsa gagwe le jalo jalo, mme a di boloka.

⁶⁹⁸ Mme fa ba ne ba tlisa potsane, ba ne ba se kgone go bona seaka, ka gore e ne e se seaka.

⁶⁹⁹ Morago ga lobaka, o ne a bonala gore o ne a ithwele. Mme fa a ne a bonala gore o ne a ithwele, ba na ba tla ba bolelela Juta, “Ngwetsi ya gago e tshamekile karolo ya seaka.” Ne ba re, “Ka gore o—o ithwele, mme basimane ba gago ba le babedi ba sule.”

⁷⁰⁰ O ne a re, “Sentle, o tlaa biletswa fano, mme a fisiwe.”

⁷⁰¹ Mme jalo he o ne a romela lefoko kwa go Juta, mme ne a re, “Monna yo o dirileng se, ne e le mong wa thobane le sekano tse.” Go siame, yoo e ne e le ratsalae.

⁷⁰² Mme o ne a re, “O tshiamo thata go mpheta.”

⁷⁰³ Jaanong, fa a ne a itse gore bana ba gagwe ba ne tshwanetswe go tsalwa, e ne e le mawelana. Mme fa lewelana... Lesea la ntlha le le neng le tshwanetswe go tsalwa, temalo ya bogologolo ya Sejuta, ngwana wa ntlha o na le botsalwapele, ngwana wa ntlha

wa go tlhagelela. Mme yoo, gakologelwang, ne e le ngwana wa gagwe wa ntlha. Ga go ope wa basimane ba bangwe yo neng a na le ngwana ope ka ene. O ne a ise a ko a nne le ngwana go fitlhela ka nako e.

⁷⁰⁴ Mme fa ngwana wa gagwe wa ntlha a ne a tlhagelela, e ne e le fela seatla. Mme mmelegisi ne a bofa moraladi o o bohubidu jo bo letlhhololo go se dikologa, ka gore moraladi o o bohubidu jo bo letlhhololo o ne o bua ka ga thekololo gore ngwana wa ntlha wa kgarebane Marea o tlaa bo a...nna le moraladi o o bohubidu jo bo letlhhololo wa thekololo.

⁷⁰⁵ Mme fa a ne a gogela seatla sa gagwe kwa morago, yo mongwe ne a tsalwa pele. Mme erile a dirile, ne a re, "Goreng o dirile se? Yo mongwe o na le botsalwapele."

⁷⁰⁶ Jalo he moo ke se Genesi 38 e se kayang, lo a bona. Gore ngwana wa ntlha o santsane a setse go fitlhela go tleng ga Morena Jesu Keresete. Gore wa ntlha o ne a le fa tlase ga molao wa thekololo.

⁷⁰⁷ Lo a itse ke ne ka re...mmoulo o monnye, lo a itse, o ke boletseng ka ga one, gore matlho a one a ne a le...le fa e le eng mo gontsi, ditsebe tsa one di ne di robegetse kwa tlase, fela, fa o ne o tsetswe le botsalwapele, kwana e e senang molato, e e itekanetseng e ne e swa mo boemong jwa one. Gone ke moo.

⁷⁰⁸ Jalo he moo e ne e le ka ntlha ya botsalwapele. Lesea la ntlha le le tlhageletseng mo go mma, mme ba ne ba bona seatla seo (mme ba itse gore le ka nna la boela morago gape.) Mme fa le ne le kgarameletsa seatla sa lone kwa pele go bontsha gore le ne le na najo, e ne e le letibolo, mmelegisi ne a bofelela tlhale e e bohubidu jo bo letlhhololo go se dikologa mme le ne la gogela seatla sa lone kwa morago. Lo a bona? Fela, go sena pelaelo epe, e ne e le wa tlha. Moo e ne e le moraladi o o bohubidu jo bo letlhhololo, moraladi o o bohubidu jo bo letlhhololo o ne...tsela yotlhe go ralala Baebele, o kaya thekololo; se se neng se supa kwa pele kwa letibolong le le tlang.

⁷⁰⁹ Pitse ya leitebolo e e tsalwang, kgomo ya leitibolo e e tsalwang, le fa e le eng se e neng e le sone, sengwe le sengwe se se neng e le leitibolo (se se neng se tsalwa) se ne se le mo tlase ga thekololo, se ne se tshwanelwa go rekololwa; sengwe le sengwe se ne se tshwanelwa go rekololwa! Haleluya! Ao, moo go intumedisa fela. A lo a go tlhaloganya? *Wa ntlha* ne a tshwanetswe go rekololwa. E ne e le molao. A go bakwe Leina la Morena!

⁷¹⁰ Mme fa Jesu Keresete a ne a tsalwa, O ne a rekolola lefatshe lotlhe. Ka tlhomamo, O dirile. E ne e le Morekolodi wa setshedi sengwe le sengwe se se kileng sa ba sa tlholwa mo lefatsheng. E ne e le Morekolodi. Mme kwa...thekololo yotlhe e ntse mo go Ena, mme ga go na tsela e nngwe gotlhelele e o ka kgonang le ka nako epe go tla ka ditiro tse di siameng, ka go ipataganya le

kereke, kgotsa le fa e le eng se go leng sone; o tshwanetse o tle ka moraladi oo o o bohubidu jo bo letlhololo, Morekolodi yoo, Morekolodi yoo wa losika.

Go siame, jaanong e e latelang ke:

71. Dineo di kae...Ke eng dineo tse di tshwanetsweng go romelwa tse di mabapi le basupi ba le babedi ba ga Tshenolo 11?

Ao, Mokaulengwe Palmer, fa o ka se kgone go botsa dipotso dingwe!

⁷¹¹ Jaanong, thekololo, meraladi ena fano, moraladi ona o o bohubidu jo bo letlhololo, re a bona gore o ne o kaya thekololo.

⁷¹² Jaanong potso e e latelang ke:

Dineo tse di mo go Tshenolo 11 ke eng?

⁷¹³ Go tla nako...Jaanong fano go ile go araba potso e e neng ya arabiwa maloba bosigo, e tsala ya me ya moreri a e kwadileng ka ga Bajuta, ka fa go tlaa nnang ka gone.

⁷¹⁴ Jaanong Bajuta ba ba na le dingwaga di le tharo le seripa tse ba di sololeditsweng. Ke ba le kae ba ba itseng seo? Dibeke tse di masome a a supang di ne di sololeditswe. Ne a re, “Mesia o tlaa tla mme a kgaolwe fa gare.” Dingwaga di le tharo le seripa Keresete a rerile, ne a bolawa go le totatota dingwaga di le tharo le seripa, dingwaga di le tharo le dikgwedi di le thataro O ne a rerile.

⁷¹⁵ Mme foo se se ferosang dibete se swafatsa, ke—kereke ya Iselamo ya kwa Omar e ne ya tlhongwa mo Mmung o o Boitshepo; jaaka Modimo a ne a bua, dingwaga di le makgolo a le mabedi le botlhano pele ga go ne go diragala, gore e tlaa bo e eme foo. Moporofeti o ne a e bone, mme a e bona, a bo a re, “Ba tlaa...Baditšhaba ba tlaa bo ba tsere thuo foo go tsamaya go tle tebalebelo ya Baditšhaba e tle e fele.”

⁷¹⁶ Jaanong go santse go na le dingwaga di le tharo le halofo tse di sololeditsweng. Fa lo tlaa lemoga, basupi ba ba ga Tshenolo 11 ba porofeta malatsi a le sekete, makgolo a le mabedi le masome a le marataro; totatota dingwaga di le tharo le halofo. Jaanong... mme ba ne ba le mo letseleng la kgetse. Jaanong, elang tlhoko bodiredi jwa bone, se ba leng sone. Jaanong, basupi ba ba babedi ba ne ba bolawa.

⁷¹⁷ Jaanong, ba...Ba ne ba boela ko Bajuteng morago ga Phamolo ya Kereke ya Baditšhaba. Kereke ya Baditšhaba e ya Gae e ela Selalelo sa Lenyaloo, jaaka Rebeka a ne a isiswa ko lefelong la ga Aborahama le Isaka mme a nyalwa koo. Mme Rebeka le Isaka ba ne ba tswa ka thuo ka bottlalo ya sengwe le sengwe se Aborahama a neng a na naso, yotlhe ne ya nna ya Isaka. Go se na pelaelo epe! Mme e ne e ka se ka ya tla kwa go Isaka go filthela Isaka a ne a nyetse. Ao Haleluya! Ke lona bao.

⁷¹⁸ Mme Keresete o fetoga go nna . . . Modimo o nna mo mmeleng oo o o boitekanelo, o o nang le dipadi gotlhelele ka metlha le go ralala Bosakhutleng. Fa Kwana le Monyadwi ba nyala ko Legodimong, o tswela ntle ka thuo ka bottlalo. Go se na pelaelo epe! Isaka le Rebeka ba ne ba tswelela pele ka thuo e e feleletseng.

⁷¹⁹ Mme ka nako e molello o santsaneng o tswelela ko Legodimong, wa Monyadwi, Monyadwi wa Moditshaba a neng a nyalwa ke Kgosana (Morwa Modimo), ko Kgalalelong; fa ba santsane ba nyalana, go na le dingwaga di le tharo le halofo tse di diragalang fa go santsane mo- . . . Moseh le Elia . . .

⁷²⁰ Mo e leng gore, Moshe ga a ise a ko a se nne teng . . . nnyaya, mmele wa gagwe o ne wa pegelwa kong. Baengele ba ne ba mo tsaya, ga a a ka a simolola go bola, ga a a ka a bola. E ne e le setshwantsho se se itekanetseng sa ga Keresete. O ne a swa mme Baengele ba mo rwalela kgakala, mme le e leng diabolo ga a itse le gore o fitlhilwe kwa kae, mme o ne a leka go ngangisana le Mikaele Moengele mogolo ka ga phitlho ya gagwe. Seo ke se Baebele e se buileng. Modimo ne a mo isa ko godimo mo Phamolong.

⁷²¹ Mme Elia, fa a ne a tsamaya foo, moporofeti wa Modimo, a fologela kwa Jorotane, ne a apola kobo ya gagwe mme a itaya metsi, mme a ne a aroganelo kwa go la moja le kwa go la molema. O ne a tsamaela kwa godimo ga thaba. Elisha ne a re . . . Ne a re, "O ntshaletse eng morago?"

⁷²² O ne a re, "Ke batla kabelo e e gabedi ya Mowa wa gago."

⁷²³ Ne a re, "O kopile selo se se bokete, fela fa o mpona fa ke tsamaya." O ne a tlhoma matlho a gagwe mo go ena.

⁷²⁴ Mme morago ga lobaka, go fologa go tswa Legodimong go ne ga tla karaki ya molelo le Baengele ba molelo, dipitse tsa molelo, mme Elia ne a pagama mme a tlhatlogela ka ko Kgalalelong. Ga a ise a lekeletse loso, o ne a fetolwa, o tshwanetse go swa!

⁷²⁵ Mme fa lo tlaa ela tlhoko baporofeti ba babedi ba ba Tshenolo 11, ba dira sone selo se se tshwanang se Moshe le Elia ba se dirileng. Lwa re, "Mokaulengwe Branham, o raya go mpolelela gore Elia le Moshe ba santsane ba tshela?" Go sena pelaelo epe!

⁷²⁶ Goreng, pele ga Thaba ya Phetogo . . . Kwa Thabeng ya Phetogo, pele ga Jesu a ya kwa Golegotha, Moshe le Elia ba ne ba eme foo ba bua le Ena. Go tlhomame, ba dirile, ga ba a swa. Mme ga ba ise ba swe; bona ke batho ba ba swang, ba tshwanetse ba swe. Jalo he bona ba fela mo seemong se se galaleditsweng ba letsetse nako eo.

⁷²⁷ Mme fong fa ba boa mme ba rera tota tota dingwaga di le tharo le halofo fa tlase ga tlotsa ya Kolobetso ya Mowa o o Boitshepo, fa ditshegofatso di santsane di tloswa mo Baditshabeng (Kereke e tlthatlosiwa); mme kereke e e tsididi,

e e gwaletseng e tsomiwa jaaka dintšwa, ke mokgatlo wa makomonisi le Roma, le fa ba tsomiwa ebile ba bolalwa. Bona—bona ba a bolawa ka nako eo; baporofeti ba ba rera dingwaga di le tharo le halofo, mme Baebele ne ya re ba ne ba bolawa mo se se golo...mo mmileng, o ka semogwa o bidiwang, Sotoma le Egepeto, kwa Morena wa rona a neng a bapolwa gone. Moo ke morago ko Jerusalema; lo a bona, morago kwa Jerusalema, e bidiwa ka semowa.

⁷²⁸ Mme ba ne ba rapame mo mmileng matshegare le masigo a mararo. Mme kwa bofelong jwa malatsi a le mararo le halofo, mowa wa botshelo o tsena ka mo go bone mme ba a tsoga. Ba ne ba tshwanetse gore ba swe go tshwana le batho ba bangwe ba ba swang, ba ne ba tshwanetse gore ba go dire. Mme fa ba ne ba bolaya bareri ba ba babedi...

⁷²⁹ Ba ne ba rera kgathlanong le phoso, ebile ba ne ba folosa molelo go tswa legodimong. Ke mang yo neng a dira seo? Lo a bona? Ba ne ba tlisa dipetso go tswa legodimong, mme ba itaya lefatshe ka bonako jaaka...mme le ka nako epe e ba neng ba batla ka yone. Mme ba ne ba tlisa molelo go tswa legodimong. Mme ba ne ba tswala magodimo gore go se ne pula, bolelee jwa lobaka le ba neng ba batla go dira ka lone. Bao e ne e le bomang? Moshe le Elia totatota. Mme basupi ba babedi bao ke bao.

⁷³⁰ Mme fa ba ne ba tlhorisa kereke, kgotsa lefatshe, ka theroy a bone; mme ba amogela Bajuta gape, ebile ba ba busetsa kwa ikotlhaong, ba ba busetsa go dumela mo go...Fa ba bona Jesu a tlela Monyadwi, ba tlaa re, "Bonang, yona ke Modimo wa rona Yo re neng re mo sololetse. Yoo ke Ena!" Fela ga A tlele bona; O tlela Monyadwi wa Gagwe. Mme Monyadwi wa Gagwe...

⁷³¹ Nako e Josefa a neng a le ko Egepeto, ga a a ka a tsaya bakaulengwe ba gagwe, fela o ne a tsaya monyadwi wa gagwe foo. Go se na pelaelo epe! Fela fa a ne a ikitsise bakaulengwe ba gagwe, go ne go se ope yo neng a le teng. Go jalo totatota. Mme fa A Ikitsise Bajuta bana, ga go tle go nna le ope foo fa e se Bajuta. Ba ba bolaileng Josefa ke bao, ba eme foo; mme o ne a re, "Sentle, ke nna Josefa, morwarraalone." Mme o ne a lela.

⁷³² Mme ba ne ba re, "Jaanong re a itse re mo kotsing, ka gore re mmolaile."

⁷³³ Selo se se tshwanang, Bajuta bao ba tlaa nna le nako e kgolo eo ya bothata fela pele ga go tla jaanong, ya pogisego e ba busetsa kwa legaeng. Yone e ba kobela morago jaaka segopa sa dinku kwa morago kwa Thabeng ya Karamele ka kwa.

⁷³⁴ Nako e Morena Jesu a tla tlolang Monyadwi wa Gagwe, mme ba Mmona, ba tlaa re, "Yoo ke Ena yo re neng re mo sololetse, Ena ke yoo!" O tlaa tsoga ka pholo mo diphukeng tsa Gagwe. Go jalo.

⁷³⁵ Mme kereke, masalela a Bajuta, fa kwa bofelong ba bolaya baporofeti ba babedi ba, mme ba rapama mo mmileng o ka

semowa o bidiwang go twe Sotoma le Egepeto, kwa Morena wa rona a batpotsweng gone, ba romelelana dineo (lefatshe le a dira).

⁷³⁶ Jaanong, Mokaulengwe Palmer, wena o fano. Leba morago ko ditsong tsa Roma mme o tlaa fitlhela gore go na le setshaba se le sengwe fela mo lefatsheng lotlhe se le ka nako nngwe se neng se romelelana dineo morago ga tlhabano, seo ke Mmuso wa Roma wa lefatshe.

⁷³⁷ Leo ke lebaka ke reng moganetsa-Keresete o tswa ko Roma. Sebatana se tswa mo Roma, se ka se kgone go tswa ko Moscow. Se tswa mo Roma, kgwanyape e khubidu e e neng e e eme kwa mosading go kometsa Ngwana wa gagwe ka bonako fa A sena go tsalwa. Diabolo yoo, diabolo yoo ne a le kae? E ne e le mang? Kaisara Augustus yo neng a romela kong mme a bolaya bana bothe go tloga dingwageng di le pedi go ya kwa tlase. Kgwanyape e khubidu, kgwanyape, *sebatana* se kaya “thata.” Thata ya Roma e ne ya bogisa ya ba ya leka go bona Keresete Ngwana yoo.

⁷³⁸ Mme selo se se tshwanang seo! Nako nngwe le nngwe e Baroma, Baroma ba bogologolo ba baheitane ba ne ba tlwaetse go nna le phenyo e kgolo, ba ne ba tle ba romelelana mantswê a masweu le sengwe le sengwe, jaaka dineo jalo, e le dikgopodiso. Jalo he mantswê ao a a neng e le... Se e neng e le sone, e ne e le dineonyana tse di neng di romelwa mo gare ga kereke ya Roma. Go sena pelaelo epe! Totatota. Go tshwanetse go nne jalo.

⁷³⁹ Ke ne ke eme gone foo mo Motsemogolong wa Vhathikhene mme ka go rurifatsa ka Baebele. Mopapa a ne a rwele korone e e gararo, *Vicarivs Filii Dei*, dilo tsotlhе tseo tse ke di utlwileng le jalo jalo, gone go sena pelaelo epe ke boammaaruri; setlhophsa sa bodumedi se se busang setshaba sengwe le sengwe fa tlase ga Legodimo, mme se a dira. Gone ke moo, go jalo.

⁷⁴⁰ Ga go sepe kgatlhanong le batho ba Makhatholike (nnyaya, rra), bona ba siame fela jaaka mongwe le mongwe o sele, fela bodumedi jwa bona ke jo bo phoso go ya ka Baebele e. Fa Baebele e e nepile, bona ba fositse. Ba re ga ba dire... “Ga go kgathalesege se Baebele e se buang, ke se kereke e se buang.” Re dumela gore Baebele e bua ka taolo e e kwa godimodimo! Go sena pelaelo epe, ke Lefoko la Modimo.

⁷⁴¹ Jalo he lo a bona foo, mantsweê a a neng a romelwa ka nako eo, a Tshenolo fano, ke ma—ke mantswê a e neng e le dineo tse ba neng ba di romelelana. Mo go yang fela go supegetsa gore... Baebele ne ya re, Tshenolo fano, ne yare, “A yo nang le botlhale a bale dinomore tsa sebatana. A ena yo nang le botlhale a dire *senna-nne*. A ena yo nang le mowa wa dineo tse di rileng a dire *senna-nne*.” Lo bona ka fa kereke e tlhaelang ka gone?

⁷⁴² Lekau lengwe le ne la mpotsa mosong ono ka ga dineo tsa semowa, ka ga go bua ka diteme. Mogoma wa monana, a le pelophepa thata, ke a dumela gore o ile go nna modiredi lengwe

la malatsi ano. Mme ka ga kereke, ke ne ka re, "Go na le mo gontsi thata ka ga yone mo go leng ga senama. Ga re batle seo, fela re batla selo sa mmannete. Re tlhologelelw go nna le sone."

⁷⁴³ O ka se kgone go simolola go go ruta mo kerekeng; selo sa ntlha se o se itseng, o nna le, mongwe o na le diteme, mongwe o na le pesalome, foo o tshwanele gore o lwane kgatlhanong le gone. Fela fa Modimo a neile neo ka go ipusa, e tlaa iponatsha. Go jalo. Lo a bona, tseo ke dineo tsa Modimo, moo ke se A se romelelang Kereke gore e fenye.

⁷⁴⁴ Jaanong, moganetsa-Keresete o na le sengwe se se jaaka tshito le poelomorago, se na le tse—tse—tsela e e sokameng ya go go dira. Mme eo ke puso ya Roma ya mafatshe e e romelelanang dineo, dineo tsa tlholego. Modimo o romela dineo tsa semowa ko bafenying; Baroma ba romelelana dineo ka mokgwa wa tlwaelo.

⁷⁴⁵ Re dumela gore Setho se se Boitshepo ke Mowa, re O amogela ka kolobetso e e tswang kwa Godimo.

⁷⁴⁶ Kereke ya Khatholike e ruta, "Yukhariste e e boitshepo e e leng mmele wa ga Keresete; gore fa o amogela senkgwe sena le kosher, gone *ke* Mowa o o Boitshepo, Setho se se Boitshepo, yukhariste e e boitshepo." Lo a bona?

⁷⁴⁷ Re dumela gore ke lophatlo la senkgwe, ga re dumele gore ke mmele wa ga Keresete, (re ipaakanyetsa go se ja mo metsotsong e le mmalwa). Re dumela gore se emetse mmele wa ga Keresete. Fela ga se . . .

⁷⁴⁸ Pharologanyo ke eo magareng ga thuto ya Khatholike le Protestante. Lo a bona? Kereke ya Khatholike ya re, "Mmele ke . . . Senkgwe *ke* mmele o o leng jaaka ditlhaka di kwadilwe. Kereke e na le thata ya go fetola se." A lo kile lwa bona Mokhatholike a feta kereke, a oba tlhogo ya gagwe, a dira sefapaano? Mme e le ka ntlha ya gore lesedi le le nnye leo le a tuka ka mo kerekeng foo fa tlase ga motlaagana o monnye oo. E na le lesedi le lennye mo teng foo, le senkgwe seo se se se apeilweng go ya ka molao wa sejuta se dutse mo teng foo. "Mme oo ke mmele wa ga Keresete. Mme fa o ja seo, wena go sena pelaelo epe o ja mmele wa ga Keresete o o fela jaaka go kwadilwe ka ditlhaka ka selalelo sa gago sa ntlha le maipolelo a gago le jalo jalo. Wena o ja, fela jaaka go kwadilwe ka ditlhaka, mmele wa ga Keresete."

⁷⁴⁹ Rona re re se *emetse* mmele wa ga Keresete, lo a bona, gore ga se sepe mo lefatsheng fa e se lophatlo lwa senkgwe. Mme go sa kgathalesege fa e ne e se le e leng senkgwe, fa e ne e le sengwe se sele, se ne se tlaa emela fela se se tshwanang. Fela—fela totatota. A kana ba . . .

⁷⁵⁰ Jaaka batho ba ba tlaa bua ba re, "Nna ga ke tle go kolobetswa mo lekadibeng, ke batla go kolobetswa mo nokeng."

⁷⁵¹ Ke pharologanyo efeng e go go dirang fa fela wena o kolobeditswe? Fa e le mo lekadibeng, mme . . . Goreng, Filipi

ne a kolobetswa mo lekadibeng...fa moopafadiwa a ne a kolobetswa. Fa Filipi a ne a kolobetsa moopafadiwa mo lekadibeng, Mowa o o Boitshepo ne wa mo phamola thata mo go kalo gore A phamolele Filipi kgakala, o ne a se bonwe mo dimaeleng di le makgolo a le mabedi. Ne A mo phamola mo Moweng, a mo naya ka—karaki go tswa gone kwa Legodimong lobaka lwa dimmaele di le makgolo a le mabedi. Amen. Go a gakgamatsa!

Jaanong:

Baitshepi ba tlaa bo ba le kae morago ga puso ya dingwaga di le sekete se le sengwe? Mme ke mohuta ofeng wa mmele o ba tlaa nnang nao? Ke tlaa boa kwa go eo mo motsotsong. [Mokaulengwe Branham o araba ena go tloga kwa temaneng 820, e le potso 74—Mor.] Ba tlaa bo ba na le Jesu.

⁷⁵² Go siame, po—potso ya bosupa:

72. Re tlaa atlhola baengele jang?

⁷⁵³ Moo go bonwa mo go... Re tlaa atlhola baengele jang? Ka go nna barwa le barwadia Modimo. Baengele ke batlhanka; rona re barwa le barwadia Modimo. Mme Baebele ne ya bua gore re re tlaa atlhola Baengele. Go jalo. Jaanong, jaanong fa lo....

Potso ya bo 8:

73. Goreng moriri ka ntsha ya baengele mo go Bakorinthe wa Ntsha?

⁷⁵⁴ Jaanong mongwe a mpulele Bakorinthe wa Ntsha, kga—kgaolo ya bo 11, mme re tlaa bona foo, gore lo tlaa fitlhela gore ba—ba.... Mo go Bakorinthe wa Ntsha, ya—ya bo 11, re fitlhela gore Paulo o a bua. Mpeng ke yeng kwa go yone fela motsotso, mme foo re tlaa e bala gone ka bonako mme re tlaa tloga re—re tlaa nna le yone fano.

⁷⁵⁵ Ke na le sengwe go se bua ka temana e nngwe ena fano, e ke solofelang gore Morena o e re naya ka tsela e re tshwanetseng go e tlhaloganya ka gone. Fa mongwe a e fitlhela.... Ke akanya gore ke kgaolo ya bo 11, eya, go siame. Jaanong reetsang thata, thata ka nnete jaanong, gore lo tle lo tlhaloganye. Jaanong tsayang segakolodi sotlhe sa lone mme lo se tsenye mo pataneng ya kobo go fitlhela morago ga fa ke sena go bala e, lo a bona, re tshwaeleng ka Yone. Reetsang thata ka mmannete, mona ke MORENA O BUA JAANA:

Nnang balatedi ba me, le e leng jaaka nna...ke le wa ga Keresete. (Paulo ne a re, “Lo ntateleng, fela jaaka ke latela Keresete.”)

Jaanong ke a lo rorisa, bakaulengwe, gore lo nkgopola mo dilong tsotlhe, le go tshegetsa ga ditaolelo, jaaka ke di lo...tliseditse.

Fela ke tlaa rata gore lo itse, gore tlhogo ya monna mongwe le mongwe ke Keresete; mme tlhogo ya mosadi ke monna; mme tlhogo ya ga Keresete ke Modimo.

⁷⁵⁶ Lo bona ka fa go leng ka teng? Modimo, Keresete, monna, mosadi. Jaanong:

Monna mongwe le mongwe a rapela kgotsa a porofeta, a bipile tlhogo ya gagwe, o tlontlolla Keresete.

Fela mosadi mongwe le mongwe a rapela kgotsa a porofeta ka tlhogo ya gagwe e sa khurumetswa o tlontlolla tlhogo ya gagwe: . . .

⁷⁵⁷ Jaanong re nna le motsotso fela, mme re lo supegetse gore moriri mo mosading ke seipipo sa gagwe:

. . . gonna seo . . . le e leng gotlhe jaaka fa ena a ne a beotse. (Go raya gore fa—fa a ne a ile go poma moriri wa gagwe, go botoka a o beole.)

Gonne fa mosadi a sa rwala, a ene a nne yo o legwete: (legwete go raya moriri o beotswe, lo a bona) . . . fela fa e le dithong gore mosadi a nne legwete kgotsa a beole, a ena a rwale.

⁷⁵⁸ Jaanong re ya gone golo kwa potsong fano e o e botsang. Lo a bona? Go siame, jaanong go phoso gore mo—mohumagadi a pome moriri wa gagwe, go ya ka Baebele. Jaanong lo reetseng gone fa mme lo bone fa Baebele e sa neye monna tshwanelo e e mo molaong go tlhala mosadi wa gagwe fa a poma moriri wa gagwe, lo bone fa sena se nepile kgotsa nnyaya.

Fa monna . . . Gonne monna ruri ga a a tshwanelo gore a bipe tlhogo ya gagwe (moo ke, a nne le moriri o mo leele), ka ntlha ya gore ena o mo setshwanong le kgalalelong ya Modimo: fela mosadi o mo kgalalelong ya monna. (A lo kile lwa akanya ka ga seo?)

⁷⁵⁹ Jaanong ke batla go ema fa, ka gore ke batla gore sena se kolobelele mo teng thata thata ka nnete, lo a bona. Mme jaanong gakologelwang, ke bone basadi ba ba rateng ba ba masome a dikete (ke a ba itse gone jaanong, mme ba le bantsi ba bone ba dutse mo kerekeng e) ba ba nang le moriri o mokhutshwane, ba e leng Bakeresete. Mme se ke se lo bolelelang ga se lone, ke tsela e lo neng lwa rutiwa ka yone. Lo a bona? Moo ke gone. Moreri wa gago ga a ise a go bolelele se. Fela fa basadi bape mo tikologong ya motlaagana ba le jalo, go raya gore bona ba na le molato. Lo a bona, ka gore rona go tlhomame gore re ba bolelela ka ga gone.

⁷⁶⁰ Jaanong, jaanong elang sena tlhoko:

. . . monna . . . Gonne . . . (temana ya bo 7) . . . Gonne monna . . .

⁷⁶¹ Jaanong, ke mang yo o buang fano? Jaanong, nakonngwe mohumagadi ne a re, “Ao, Paulo ne e le motlhoi wa kgale wa basadi.”

⁷⁶² Sentle, jaanong fa re santse re le mo go seo, a re buleng fela ka fano mo go Bagalatia 1:8, mme re bone se Paulo a se buang ka ga se, lo a bona, mo go Bagalatia 1:8. Lo tlaa fitlhela gore Paulo ne a bua fano mo go Bagalatia 1:8 a re:

*... le fa rona, kgotsa moengele go tswa legodimong, a
rera efangedi epe e sele go na le ena e lo setseng lo e
utlwile, a ena a hutsege.*

⁷⁶³ Jaanong lo se ka lwa mpega molato, lo pege Ena molato, lo a bona.

*Gonne monna e le ruri o tlamegile gore a se bipe
tlhogo ya gagwe, ka e le gore ena o mo kgalalelong le
setshwanong sa Modimo: fela mosadi o mo kgalalelong
le setshwanong sa monna.*

⁷⁶⁴ Jaanong elang tlhoko temana e e latelang:

*Gonne monna ga se wa mosadi; fela mosadi ke wa
monna.*

*Le e seng gore monna ne a tlholelwa mosadi; fela
mosadi ne a tlholelwa monna.*

⁷⁶⁵ Jaanong, ke kaya sena jaaanong ka lorato lwa mmannete le botshe, mme ke solo fela gore lo se tlhaloganya ka tsela e e tshwanang e ke buang se ka yone. Fela Amerika...Jaaka mosepedi wa kwa ditšhabatšhabeng, Amerika ena le melao mengwe e e kwa tlase tlase, e e tlontlologileng ya basadi ba yone ya mo setšhabeng sepe mo lefatsheng. Paris, Fora e ka nna ya nna kago e e kwa godimodimo mo loaping fa letlhakoreng la tsela e Amerika e lettelelang basadi ba yone ba dire ka gone. Ke ditlhong!

⁷⁶⁶ A lo ne lwa lemoga gore modimo wa Amerika ke mosadi? Nka lo netefaletsa seo ka Baebele e. Go jalo. A lo a lemoga gore go tshwanetse gore go nne ka tsela eo gore kereke ya Khatholike e kgone go tlisa thuto ya yone ya Marea wa kgarebane?

⁷⁶⁷ Jaanong, fa mosadi a ne a sa direlwa monna, eseng...Fa monna a ne a sa direlwa mosadi, fela mosadi a ne a diretswe monna, ka ntlha eo o ile go obamela mosadi jang? Lo a bona? Jaanong, se se go dirileng, go simolotse kwa Paris mme ga goroga kwa Hollywood. Jaanong Paris e tshwanelo gore e tle fa Hollywood go tsaya ba bone ba ba berekang jaaka basupa diaparo le batshwantshiwa le go tsaya difeshene tsa bona le dilo, ke go tlontlologa ga basadi ba rona ba Maamerika.

⁷⁶⁸ Gone ke eng? Setšhaba sa rona se gorogile fa se leng se se bottlana go fitlheleng ebole ba tsere ditiro mo banneng, mme ba tsentse basadi golo fano mo mafelong a, go fitlhela masome a a ferang bongwe mo lekgolong a bone, go batlile, e le dipepe. Mme ba bua ka ga banna ba fedile, go tlhomame, ke ka gore ba tsentse le basadi golo foo mo ditirong tsa bona. Mme ba fetogile ba ba kwa tlase tlase go fitlhela ba dirile basadi ba

bone go nna maotlana a sepodisi mo mebileng. Moo ke ditlhong mo setšhabeng sengwe le sengwe! Ee, rra. Lo ile go dira eng ka ga gone?

⁷⁶⁹ “O dira eng ka ga gone, Mokaulengwe Branham?” Ke tshwanetse ke e tlhomphé, nna ke moagi wa Amerika, ke dira se mookamedi yo mogolo a reng se dire. Fa le ka nako epe... Fa le—fa lelwapa le ka nako epe le ka latlhegelwa ke tlhompho ya lone ya lelwapa (bana ba latlhegelwa ke go tlhompho motsadi), lelwapa leo le kgagogile go nna ditokitoki. Fa ke—fa kereke le ka nako epe e latlhegelwa ke go tlhompho modisa phuthego wa yone, goreng kereke eo e ile. Mme fa setšhaba se ka ba sa latlhegelwa ke ditlhompho tsa sone tsa kgotla tshekelo e kgolo le tshwetso ya yone, setšhaba seo se ile go nneng ditokitoki. Go jalo totatota. Re tshwanetse re tlhomphé dilo tseo ka gore tstone ke mookamedi yo mogolo, lo a bona. Fela ga go a nepa le kwa tshimologong. Go sena pelaelo epe!

⁷⁷⁰ A lo ne lo itse gore monna mo Baebeleng... wa Genesi, kgaolo ya bo 1, fa Modimo a ne a tlhola mosadi le—le monna, mme a dira monna le mosadi, mme Modimo a bolelela Efa gore “monna wa gago o tlaa go busa, a nne mmusi wa gago”? Bua seo mo Amerika mme o bone kwa o tlaa gorogang gone! Thaka, ga se seo, mosadi o busa monna; ba tshwanetse ba dire seo, mafelo a mo pontsheng ga morafe a rulagantswe...

⁷⁷¹ Nka kgona go tlisa basadi, fa ke ne ke tshwanetse go dira, go tswa foo mo phaposing ya me, ka masomesome, tsa basadi ba maitsholo a kgatlhisang... ga ke re basadi botlhe ga ba a tshwanela gore nakonngwe ba dire; gongwe ba na le monna yo o lwalang kgotsa sengwe, mme ba tshwanetse ba dire. Fela fa ba sa tshwanele gore ba dire, ga ba a tshwanela go go dira. Lefelo la bona ke fa gae, kago e nnye ya bona ya phemelo, moo ke totatota kwa ba tshwanetseng go nna gone.

⁷⁷² Mme basadi ba rona ba Maamerika ba ne ba newa ditshwanelo go ya mme ba je kolobe kgotsa ba swe. Le e leng mo diphologolong tsotlhé le jalo jalo, fa selo seo se laola, se a diragala se bo se tlontlolla losika lotlhe la lone.

⁷⁷³ Go na le nonyane e nnye ko Aforika, mme yone ke nonyane e nnye e e nopang ka molomo.

⁷⁷⁴ Jaanong, ka tlwaelo, e e namagadi ka gale ke yone e e maswe. E e tonanyana ka gale e ntle thata go feta, kwalata e e tonanyana, kwalata e kgolo e e tonanyana, gwale e e tonanyana, ko—koko e namagadi, mme ka gale yone ke e bogolo go gaisa... Ka gore, e e namagadi ke nonyane ya fa gae. E elama mo sentlhageng sa yone, e godise bana ba yone. Yone e ikgakisa phakalane, noga, sefelaphiri sa dipoa, le fa e le eng mo gongwe, lo a bona, gore e godise bana ba yone.

⁷⁷⁵ Fela mo lotsong gore bo... kgotsa mo bong gore—gore—gore mosadi, kgotsa e e namagadi, e feta ka bontle, yone ka gale ke

mohuta o o tlontlollang. Ko Aforika, o tsaya nonyane . . . Go na le nonyane e nnye foo, mme e le nngwe e le esi mo khontinenteng e nna ke itseng ka ga yone, kwa e namagadi e leng ntle go feta e tonanyana. Mme fa e dira . . . Nonyane eo—eo ke sepepe ka nako yotlhe. E tlaa taboga fa tikologong e bo e fitlhela mmata, e bo e tabogela kwa ntle mme e tsale segopa sa mae morago ga e sena go bekarana le e nngwe, mme e tlogele mmata a elame mae fa yone e santsane e ya go tsoma mmata yo mongwe. Go jalo totatota. Lo a bona? Lo a bona se ke se rayang?

⁷⁷⁶ Mo go, jaanong lebang, mo Amerika gompieno, ya basadi ba rona. Lekau go tswa kwa Kentucky ne a mpolelola, malatsi a le mmalwa a a fetileng, gore go ne go na le basadi ba le makgolo a a ferang bobedi ba ba neng ba dira kwa faboriking nngwe fano mo Kentucky. Mme o ne a re, “Nna ka kgona go ikutlwa ke bolokesegile go ka ikana gore ba le makgolo a manê ba bone ga go na pelaelo epe gore ke dipepe tsa fa mebileng, mme e le basadi ba ba nyetsweng ba na le bana.” Moeka a le mongwe ne a ntsha mosadi wa gagwe foo mme a mo itaya thata ka boroto, mme ka nttha eo o ne a batla go mmolaya. Mme yo mongwe ne a tswelela go fula monna mongwe. Mme yo mongwe ne a segakaka ebile a lwa. Moo ga go a tshwanela go nna gone. Ga go a siama.

⁷⁷⁷ Busetsa mosadi ko kamoreng ya boapeelo kwa a leng wa gone, foo sengwe le sengwe se tlaa siama. Fela lo mmaya kwa ntle kwa mo ditirong tsa mo ponatshegong, ena o ile. Ga go na pela- . . . Ga ke bue gore . . .

⁷⁷⁸ Basadi ba Maamerika ba gogela nko ya bona kwa godimo ba bo ba re, “Ga go sepe mo go Seo.” Mme, “Ntshupegetse.” Go tlhomame, lo tshwanetse lo go dire, ka gore Baebele e go boleletse pele gore lo tlaa go dira. Lo tshwanetse lo go dire.

⁷⁷⁹ Mme fano fa . . . Go ne go tlwaetse go nna jalo, lobaka lo lo leeble le le fetileng, mo kerekeng ya Methodisti, fa mosadi a poma moriri wa gagwe, o ne a kgaolwa mo kerekeng. Ka tlhomamo, ba ne ba go dire. Ee, ruri. Manasarene, Pilgrim Holiness, Mapentekoste, botlhe ba bone ba ne ba tlwaetse go go dire. Go diragetse eng?

⁷⁸⁰ Lo a itse gore ke gobaneng? Le na le bopharamosese bangwe fa morago ga felo ga therelo. Go jalo totatota. Mongwe o a boifa gore thekethe ya bona ya dijo . . . boifa gore lo tlaa ba kgaola, lwa ba koba mo kerekeng. Ba ne ba sena jone bopelokgale jwa go ema, ema mo Lefokong la Modimo a kana Go utlwisa botlhoko kgotsa a kana ga Go dire. Go jalo totatota.

⁷⁸¹ Reetsang fa, monna ke mmusi. A ga o akanye gore o tlaa busa ntlo. Ga o mmusi wa ntlo. Wena go sena pelaelo epe . . . Ga o lekgoba jaanong, fela o mothusi. Mme Atamo . . . Monna o na le taolo mo mosading wa gagwe, mme ke ena fela yo o nang le boikarabelo ka mosadi wa gagwe. Modimo o dira gore monna

a arabele mosadi wa gagwe. Jaanong, balang mme lo bone fa Modimo a bua seo jaanong.

Gonne monna ruri o tshwanetse gore a se bipe tlhogo ya gagwe, ka e le gore ena o mo setshwanong le kgalalelong ya Modimo: . . .

⁷⁸² Modimo ga se mosadi, Modimo ke Monna. Lo a itse fa ba dira kgarebane Marea le botlhe ba ba, le batsere- . . . kgotsa ditserganyo le sengwe le sengwe jalo, mme ba rapela kgarebane Marea, lo a itse gore go nkgopotsa ka ga eng? Diana modimo wa seseto yo mogolo, yo Paulo a neng a mo kgalema mme a kobela kwa ntle. Go jalo. O ne a re, “Goreng, Modimo ga se mosadi!”

⁷⁸³ Lefika le ne la wela kwa ntle mo tshimong, mme ba ne ba re modimo wa sesadi wa seseto ne a latlhela setshwantsho sa gagwe, leo ke lebaka le mosadi kwa Korinthe, le kwa godimo mo teng foo, ba . . . ba neng ba obamela Diana, ba ne ba batla go fetoga ba nne bareri.

⁷⁸⁴ Ba ne ba re, “Goreng, mowa o re boleletse gore re ka rera.”

⁷⁸⁵ O ne a re, “Eng? A Lefoko la Modimo le tlide le tswa mo go lona, mme a le tlide le tswa mo go lona lo le nosi? Fa motho ope a akanya gore ena o na le mowa kgotsa ke moporofeti, a ena a amogele gore se ke se buang ke ditaelo tsa Morena: a mosadi a nne mo tidimalong mme e le ka boikokobetsotjolhe mo kerekeng, a sek a ruta kgotsa a nne le taolo epe.” Moo ke totatota! Moo ke se Lokwalo le se buileng. Lo a bona? Mme Modimo o ile go dira gore segopa sa bareri ba arabaele seo kwa Letsatsing la Katlholo.

⁷⁸⁶ Sentle, reetsang! Lo a re, “Sentle, ke a go bolelela, ke ne ka rutiwa seo.” O itse mo go botoka jaanong! Go jalo. Fa wena kgotsa mongwe a simolola go nwa selekanyo sa molemo, mme mongwe a go bolelela gore moo ke aseniki, mme wena—mme wena o tswela pele mme o o nwe le fa go le jalo, moo ke phoso e e leng ya gago morago ga seo. Lo a bona?

⁷⁸⁷ Jaanong reetsa se:

Gonne monna ga se wa mosadi; fela mosadi ke wa monna.

Ka ntlha ya lebaka le mosadi o tshwanetse a nne le thata mo tlhogong ya gagwe ka ntlha ya baengele.

⁷⁸⁸ A go na le ope wa lona yo a e balang? Bakorinthe wa Ntlha, kgaolo ya bo 11, le temana ya bo 10. Fa lo lemoga, “thata,” (Goreng?) “ya baengele,” Bakorinthe wa Ntlha, ka gore baengele ke monna, morongwa. Leba, ke “m” yo monnye gape. Kwa Baengele ba amegang gone, e le Baengele ba kwa Legodimong, ke “M” yo mogolo, “M” wa tlhakakgolo. Kwa e leng “m” yo monnye, ke baengele ba batho.

Le fa go le jalo le eseng gore go na le monna . . . kgotsa mosadi, . . . le eseng gore mosadi o teng ntleng le ga monna—monna, mo Moreneng.

Gonne jaaka mosadi e le wa monna, le e leng jalo monna le ene ka mosadi; . . . dilo tsotlhe ke tsa Modimo.

Atholang . . . ka losi: a go a tshwanelega gore mosadi a rapele Modimo (ka moriri o mokhutshwane) a sa bipa tlhogo? (akanyang ka ga gone jaanong)

⁷⁸⁹ Jaanong elang tlhoko:

A tlholego ka boyone ga e lo rute, gore, fa monna a na le moriri o moleele, . . .

⁷⁹⁰ Wa re, “Ke eng se e neng e bua ka ga sone?” Moriri. A ga lo bone se Paulo a neng a bolela ka ga sone? Moriri, moriri o moleele! Fa . . . Mosadi o tlamega gore a nne le moriri o moleele. Temana ya bo 14 jaanong:

A tlholego ka boyone ga e le rute, gore, fa monna a na le moriri o mo leelee, ke tlotlologo mo go ena?

⁷⁹¹ Lo a go tlhaloganya? Ke ditlhong gore monna a nne le moriri o moleele, fela mosa- . . . leo ke lefelo la mosadi. Modimo o dirile monna go nna yo o pharologano mo mosading, bonng le tebegong, le mo sengweng le sengwe se sele. Mosadi ga a a tshwanelo go apara seaparo . . . Baebele ne ya are, “Fa mosadi a tlaa apara para ya marokgwe kgotsa seaparo sepe se se leng sa monna, ke pono e e ferosang dibete ebole e e maswe gape e e makgaphila mo pele ga Modimo.” Mme Modimo o tlaa mo dira gore a go duele. O ile go reetsa mang? Fela mona ke Baebele!

⁷⁹² Mme lo taboga mo tikologong mme lo re, “Goreng, ke akanya gore go siame thata gore . . . bona basadi ba apere marokgwe.” Fela Modimo o ba dirile ba ba farologaneng, O batla gore ba apare mo go farologaneng.

⁷⁹³ Mme Baebele ne ya re, “Fa mosadi le ka nako epe a tlaa apara seaparo se e leng sa monna, ke se se ferosang dibete.” Lo itse gore se go ferosa dibete go leng sone? Ke “sengwe se se makgaphila mo matlhong a Modimo.” Mme Jehofa yo Motona Yo o lebang ko tlase mo go wena o le selo se se makgaphila . . . Mme Baebele ne ya re . . .

⁷⁹⁴ Mme lona ba lo reng . . . Bangwe ba lona bahumagadi jaanong, mo makgarebaneng a lona ba ba leng gaufi le go nna banana, ba dingwaga di le lesome le boferabobedi, di le masome a mabedi, lo ba tlögela gore ba tsamaye tsamaye fa ntle fa ba apere jaaka a ntse ka gone!

⁷⁹⁵ Mme wena, le wena, mama! Lo a bona? Fa o tswela ntle mme o apara marokgwe ao le dilo mme o tshela . . . mme o tswela ko mmileng, mme—mme o apara diaparo tseo tsa kgale tse ba di dirang malatsing ano, mme di go dira gore o lebege jaaka sengwe se o seng sone. Lo a bona? Mme wena o tswela foo mo mmileng o

lebega gotlhelele jaaka yo o okelang tlhakanelo dikobo, o ka nna wa bo o le fela yo o senang molato ebile o le phepa mo matlhong a monna wa gago le sengwe le sengwe, fela fa o tswela mo mmileng mme monna a go leba ka gore wena o ipegile jalo, wena o na le molato, mme o ile go arabela kwa Letsatsing la Katlholo ka nttha ya go dira boaka le monna mongwe le mongwe yo o go lebileng jalo. Seo ke se Baebele e se buileng.

⁷⁹⁶ Baebele ne ya re, “Le fa e le mang yo o lebang mosadi gore a mo iphetlhele, o setse a dirile boaka le ene mo pelong ya gagwe,” mme wena o na le molato mme o tlaa . . .

⁷⁹⁷ O tla fa katlholong mme o re, “Morena, O itse pelo ya me; ga ke ise ke dire boaka, ke tshedile ka go ikanyegela monna wa me.”

⁷⁹⁸ Fela go tlaa bo go na le monna fano, go tlaa bo go na le yo mongwe fano, yo mongwe fano, yo mongwe, yo mongwe, lesome le botlhano, masome a le mabedi, masome a le mararo, masome a le manê a bone ba eme foo ba re, “Molato wa boaka!” Goreng? Monna mongwe ne a go leba.

⁷⁹⁹ “Sentle, ke ne ke sena sepe se se amanang le gone.” Sentle, goreng o ne wa ipega jalo? Fa Modimo a go boleletse gore o se a apare, e ne e le se se ferosang dibete go go dira, mme wena o ye go reetsa *Ke Mang Yo O Ratang Susie?* Kgotsa seo ke eng . . .

⁸⁰⁰ A lo ne lwa fitlhela gore ke seng se se diragaletseng monna wa ga *Ke Mang Yo O Ratang Susie?* yoo? Lotlhe lo bone seo fano bosheng mo koranteng. Fa re ne re tswile ko Casper, Wyoming, go ne ga gatisiwa. Mme leina la gagwe ke mang? Moeka yoo yo o . . . mo go *Re Rata Susie* oo, kgotsa ke eng mo le—ke eng se go neng go le sone fa lefatsheng? Bo . . . Ao, lo salela gore lo bone eng kwa gae ka bosigo jwa Laboraro mme lo palelwaa ke go ya bokopanong jwa thapelo. Moo ke eng jaanong? *Re Rata* . . . Lebitso la oo ke eng? [Kgaittsadi a re, “*Ke Rata Lucy*.”—Mor.] *Ke Rata Lucy*, monna wa gagwe o ne a tshwanetse go . . . a tsamaya tsamaya mo tikologong, ne a tshwarwa ka kwa ko Reno, Nevada, le mosetsana wa lekhalaate, yo ntseng a nna le ena ka dingwaga. Mme seo ke se lo salang kwa gae go se leba mo boemong jwa go ya, lo utlwe Efangedi. Mosadi ne a go ipobola. Ao, boutlwelo botlhoko! Ga go na sepe se se phepa kwa ntle ga Jesu Keresete!

⁸⁰¹ Segofatsa pelo ya gago, mokaulengwe, ke—ke tlaa go bolelela wena—wena moeka, bangwe ba se . . . Lwa re, “Ijoo, lebang setlhophha.” Bangwe ba ma—one manong a a maswe maswe a re nang nao, majadibodu, ke dinonyane tse dintlenyane. O ka se kgone go atlholaa nonyane ka diphofa tsa yone, lo a bona. Jalo he gakologelwang seo fela. Ijoo!

⁸⁰² Jaanong elang tlhoko:

A *tlholego ka boyone* . . . (eo ke temana ya bo 14) . . . *lo rute, gore*, ke *tlontlologo* gore monna a nne le moriri o moleele? (Oo ke wa mosadi.)

Fela fa mosadi a na le moriri o moleele, ke kgalalelo ya gagwe: . . .

⁸⁰³ Jaanong ke eng se a buang ka ga sone? Hutshe e lona batho ba Makhatholike lo e rwalang mo kerekeng? Nnyaya ruri! Seipipo se sennye mo godimo ga tlhogo ya gago, ka sakatukwi? O bua ka ga moriri wa gago!

⁸⁰⁴ Jaanong! Mme fa mosadi a poma moriri wa gagwe, o poma kgalalelo ya gagwe, mme ga a leseletswa go tla fa aletareng go rapela. Lo a bona, fela se e se buileng fano, “A ke selo se se tlwaelegileng gore mosadi a rapele ka tlhogo e e sa bipiwang?” Ya re fano, ya re, “Sentle, o tshwanetse a pome moriri wa gagwe.” Jalo he a ena a nne legwete ka ntsha eo. “Mem fa a ile go nna yo o legwete,” ya re, “moo ke tlontlologo, ke ditlhong gore mosadi a dire seo.” Ne a tloga a re, “O tshwanetse gore a bipe tlhogo.” Jaanong, nna fela ke—nna ke bala fela lokwalo la ga Paulo. Lona lotlhe, go tsswa mo go lone, lo a bona.

Fela fa mosadi a na le moriri o moleele, ke kgalalelo ya gagwe: gonne o neilwe moriri wa gagwe go nna seipipo.

⁸⁰⁵ A e ne ya re o tlaa fiwa hutshe? Lona batho ba Makhatholike kgotsa lona Maprotestante, le fa e le bafeng, ba lo yang kerekeng mme lo batla go rwala hutshe, wa re, “Sentle, ke ya kwa kerekeng, ke tshwanetse ke rwale hutshe.” Nnyaya, o tshwanetse o lettelelele moriri wa gago o gole. Moo ke pharologanyo. Lo a bona?

*. . . gonne o neilwe moriri wa gagwe go nna seipipo.
(Mme ke ditlhong gore ena a tsene mo kerekeng a sa bipa tlhogo, go ya kwa aletareng go rapela.)*

Fela fa motho okare o nna—o nna . . . (ga ke dumele ke kgona go bua lefoko leo, n-g-a-n-g-i- . . .) . . . Ngangisanang—ngangisanang (lo itse se yo o ngangisanang go leng sone), ga re na temalo e jalo, le e sang Kereke ya Modimo.

⁸⁰⁶ Jaanong fa o batla go ngangisana ka ga gone, lo ngangisanreng le Leo. Go siame, fa lo batla go nna ba ba ngangisanang ka ga gone, “Ao, ga go dire pharologanyo epe. A re ba letteleleng ba tswele pele. Goreng, ke akanya gore ga se sepe. Ke . . . Ga se se moriri o leng sone, le fa go le jalo, ke se pelo e leng sone.” Moo ke boamnmaaruri; fa pelo e siame, moriri o tlaa siama (Uh-huh).

⁸⁰⁷ Tswelela pele, fa o batla go ngangisana, Paulo ne a re, “Ga re na temalo e e jaana, le e sang Kereke ya Modimo.” Ne a re, “Fa o batla go nna wa lethakore lwa ga Kaine, sentle, tswela pele fela.” Fela Sena ke se Paulo a neng a se raya.

⁸⁰⁸ Ao, mme ga ke a ikaelela go tshega, ka gore ga se kgang ya go tshegisa. Fela ke a lo bolelela ditsala, ke ditlhong go bona tsela e dilo tsena di neng tsa lettelelwa go dira ka gone. Ke . . .

⁸⁰⁹ Reetsang! Ko go lona, bokgaitsadiake ba ba rategang, ke batla lo lebege bontle bogolo ebole le nne molemo bogolo wa lona, seo ke se lo tshwanetseng go nna sone. Seo ke se lo tshwanetseng go nna sone. Mme o tshwanetse o nne yo o kgatlhisang ebole o le phepa le sengwe le sengwe se o ka nnang sone fa monna wa gago a tla, fela go tshwana le jaaka yoo e ne e le mokapelo wa gago. Mme o tshwanetse o mo kgatlhantse fa mojakong ka fela—ka katlo fela o le yo o kgatlhisang jaaka go ne go ntse fa o ne o mo atla kwa aletareng gore a nne monna wa gago. Go jalo. Ga ke go bone molato ka ntlha ya go lebega yo o montle bogolo le go nna yo o molemo bogolo ka bowena. Mmme ke batla gore o nne ka tsela eo, Modimo o a itse ke a dira.

⁸¹⁰ Fano nakonngwe e e fetileng, ke ne ke bua le Jack Shuler. A go na le ope yo kileng a utlwa ka ga Jack Shuler? Moreri yo o tumileng go gaisa yo Methodisti e nang nae. O ne a re, “Mosadi ne a tla a bo a re... moriri o le leswe gotlhe, mme a tlhahuna tshunkama, a apere diaparo tsa gagwe seripa mo go ena, ne a re, ‘O a itse, monna wa me ebole ga a sa tlhola a intshokela.’”

⁸¹¹ O ne a re, “Ga ke mmone molato.”

⁸¹² Go jalo. Jaanong, fela se o tshwanetseng go se dira, o tshwanetse o nne ka tsela e e siamieng. O se tseye bophepa jwa gago le bontle jwa gago go tswa mo Hollywood, go tseye mo Baebeleng, mo pele ga Modimo. Nna mohumagadi, itshole jaaka mohumagadi, apara jaaka mohumagadi, nna yo o phepa. Itshole jaaka mohumagadi, o se apare tseo . . .

⁸¹³ Monna mongwe le ongwe yo o letlelelang mosadi wa gagwe a tswele ntle mme a apere dilo tse dinnye tseo mo pele ga banna, le tsone dilonyana tseo tsa kgale . . . a tswele kwa ntle mme a pome bojang, le dilo tse di jalo, rra, ke a go bolelela, mokaulengwe! Nna ga ke—ga ke a ikaelela go nna yo o pelompe, ke . . . Modimo o itse gore seo ke pelo ya me. Fela ke tlaa tshwanela go . . . Ke ile go tshwanela go fetoga thata pele ke letlelela wa me go dira seo. Ke ile go nna mookamedi golo kwa godimo ko thabaneng kwa go le go leelee jaaka nka kgona, lo a bona; mme fa nka se kgone, ke ile go tloga ke tsamaye foo. Go jalo.

⁸¹⁴ Ao, mokaulengwe, moo ke ditlhong le matlhabiso ditlhong gore basadi ba dire seo. Mme ke—ga ke a ikaelela, kgaitsadi . . . Ke—ga ke lo nyenyefatse, Ke leka fela go re . . . Kereke ya rona fano ga ena maloko, batho ba tla fela fano. Fela ena ke ntlo ya Modimo, mme rona go sena pelaelo epe re bolelela batho gore ba se apare dilo tseo. Gore moo ke . . . o ile go go arabela kwa Letsatsing la Katlholo. Jaanong ela tlhoko fano. Mme o letlelele moriri wa gago o gole, lo a bona, mme o nne mohumagadi.

⁸¹⁵ Jaanong:

*Jaanong mo go sena se e leng gore . . . ke a se lo bolelela
ga ke lo rorise, gonne lona lo phuthegela ka ntlha ya . . .
eseng gore lo nne botoka, fela gore lo nne mo go maswe.*

Gonne sa ntsha, fa lo phuthega mmogo mo kerekeng, ke utlwa gore go na le dikgaogano mo gare ga lone; le jalo jalo, . . . (go tswelela pele jaanong go ya kwa tafoleng ya selalelo)

⁸¹⁶ Jaanong reetsang Seo. Moo ke lebaka le baengele . . .

⁸¹⁷ Jaanong, Mokaulengwe Palmer, ga ke go bolelele sena mo theiping o rera selo se se tshwanang golo koo se nna ke se dirang fano. Fela o itse mo go molemo le mo go siameng, mme wena o leng moreri, o a itse gore moo ke Boammaaruri, mokaulengwe. Go siame.

⁸¹⁸ Jalo he *baengele* fano ke “banna.” Fa o lemoga, Mokaulengwe Palmer, gone ke mo tlhakeng e nnye, “*baengele*.” Mme Baebele e tswelela pele. . . O bua ka ga monna le mosadi wa gagwe, lo a bona, seo ke se serutwa e leng sone.

⁸¹⁹ Eo ke tsela e batho ba tsikanang thata jaana mo Baebeleng, ba re, “Sentle, Modimo o bua selo se le sengwe *fano*, le sengwe . . .” Nnyaya, wena—wena o fapoga mo serutweng. Nna gone mo serutweng se se tshwanang, ke gotlhe. O bua ka ga monna le mosadi.

⁸²⁰ Jaanong selo se le sengwe gape se ke batlang go se tlhalosa fela pele ga re tswala, se tlaa ntsaya go ka nna metsotso e le mebedi:

74. Baitshepi ba tlaa bo ba le kae morago ga puso ya dingwaga di le sekete se le sengwe? Mme ke mohuta ofe wa mmele o ba tlaa nnang le one?

⁸²¹ Ke akanya gore eo ke potso e e kgatlhisang bogolo go gaisa, nna fela ke rata eo. Jaanong a re lebeleleng fela ka tlhamallo gone ka mo go yone.

⁸²² Ko tshimologong, Modimo . . . Re tlaa boela ko thutong ya rona ya Bahebere metsotso fela e le mmalwa. Modimo ne e le motswedzi ona o mogolo, o motona wa mebala e supa. Ke ba le kae ba ba itseng seo? Lo a bona? Mme ke ba le kae ba ba itseng gore Modimo o na le Mewa e supa? Go sena pelaelo epe, Mewa e supa. Mme go ne go na le matlho a supa mo kwaneng, le jalo jalo, tsotlhe tseo di tla ga mmogo jaanong. Lo a bona? Jaanong, moo e ne e le Modimo.

⁸²³ Jaanong fa Ena (Logose) a ne a tswa mo Modimong, mo e neng e le Modimo a ne a tswa mo motswedding ona o mogolo a tsena mo mmeleleng ka popego ya mo—ya motho; mme e ne ya dira Logose, o re mmitsang mmele wa selegodimo.

⁸²⁴ Jaaanong, fa o tsaya mmele wa selegodimo fa o lebile oo, oo ke motho. Jaanong ka rona . . . Jaanong, foo ke kwa re neng re le gone ko tshimologong. Jaanong, ga lo go tlhaloganye jaanong, fela lo ne lo le kwa morago koo ka tsela eo ko tshimologong. Nako e motho a neng a dirilwe . . . Nako e Modimo a neng a dira motho ka setshwano sa Gagwe, O mo dirile mmele wa selegodimo. Mme

O ne a mo tsenya fela mo nameng . . . Nako e Modimo a neng a dira motho ka setshwano sa Gagwe, yo o tshwnang Nae, ba ne ba . . . Mo go Genesi 2, go ne go na le . . . kgotsa Genesi 1:28, ke a dumela ke yone, "Go ne go sena motho ope go lema mmu," mme Modimo o ne a setse a tlhodile nona le tshadi. Go jalo, "Go se motho ope go lema mmu."

⁸²⁵ Fong Modimo ne a ngotla monna gannye mme a mo tsenya mo botshelong jwa phologolo, oo ke mmele o, fela jaaka diphologolo gore a kgone go lema mmu, a kgone go kgoma. Mmele oo wa selegodimo ga o kgome, ga o bone, lekeletse, utlwé; dikutlo tse tse re nang natso. Jalo he Modimo ne a baya motho fa tlase foo gore a tle a—a kgome le go ultlwa.

⁸²⁶ Mme—mme jaaka a ne a tsamaya fa gare ga tshimo ya Etene, pele e le mmele wa selegodimo (jaaka Mowa o o Boitshepo o le teng fano jaanong o tsamaya teng fano), o ne o etelela pele botshelo jwa phologolo. O ne o laola sengwe le sengwe, fela o ne o sa kgone go lema mmu, lo a bona. Jalo he Modimo ne a mo tsenya mo nameng gore a kgone go lema mmu. A mo naya dikutlo tsa gagwe di le tlhano, gore a leme mmu le go baakanya ma—masimo a mefine le—le jalo jalo, mme foo monna o ne a santse a lebega a jewa ke bodutu. Ao, mona ke setshwantsho se se ntle.

⁸²⁷ Leba, gonne fa ena a ne a diriwa lantlha, o ne a dirwa e le batho ba le babedi ga mmogo. O ne a dirwa e le boobabedi nona le tshadi, monna ne a ntse jalo. Baebele ne ya re o ne a ntse jalo. Modimo ne a dira monna boobabedi nona le tshadi, "O ne a mo tlhola jalo." Lemogang jaanong, nako e motho a neng a lomololwa mo mmeleng wa selegodimo mme a tsenngwa mo nameng, o ne a—o ne a se fela gotlhelele foo; bontlhabongwe jwa sebelelele sa gagwe bo ne bo santsane bo le mmele wa selegodimo, jalo he go ne go sa lebege go siame.

⁸²⁸ Nona le tshadi tsa kgomo di ne di tsamaya foo, pitse e ne e tsamaya foo, mme poo e ne e tsamaya foo, mme sengwe le sengwe se sele se ne se tsamaya foo, di le pedi. Fela Atamo, ena . . . e ne e le . . . Lo a bona, go ne go na le sengwe se se neng se tlhaela. Keletso yone eo e ne e supegetsa gore go ne go na le mmata yo neng a mo letile. Lo a go tlhaloganya? Mme tsone dikakanyo gore re tshwanetse re swe fano, gore re a tshwenyega ebile re a akabala, mme re tlhologeelwa Botshelo jo bo senang loso, go supegetsa gore bo re letile. Lo a bona?

⁸²⁹ Mme Atamo ne a jewa ke bodutu. Mme Modimo, go supegetsa gore ba ne ba ka se kgone go aroganngwa . . . Jaanong ke ile go boela mo go sone selo se, motsotswana fela.

⁸³⁰ Leba, ga A a ka a tsamaya a bo a tsaya mmu mme a dira Efa, fela O dirile go tswa mo mmung wa kwa tshimologong, Atamo. O ne a tsaya logopo go tswa mo letlhakoreng la gagwe mme a mo direla mothusi, mme yoo e ne e le Efa. O ne a direlwa monna, mme e le bontlha bongwe jwa monna. E ne e le bontlha

bongwe jwa gagwe ko tshimologong, mo lobopong, mo mmeleng wa selegodimo. E ne e le bontlhabongwe jwa gagwe fa tlase fano mo lobopong lena. O ne a ka se kgone go kgaoganngwa mo lobopong lo longwe, o ne a tshwanelwa go dirwa ka lobopo lo lo tshwanang.

⁸³¹ Moo ke totatota lebaka le Keresete le Modimo ba neng ba tshwanetse go nna sone Sebelebele se se tshwanang, go ne go ka se ka ga nna sepe se se farologaneng. Fa A ne a le monna yo o molemo kgotsa moporofeti, O ne a ka se nne Morekolodi; O ne a tshwanetse a nne Motlhodi ka Sebele. Fela E santse e le mmele wa selegodimo jaanong, lo a bona, mme ke tsela e A neng a ntse ka gone ka nako ele.

⁸³² Jaanong motho ne a fologela fano mme o—o ne a gakgamatsa; mme Modimo ne a rata seo, O ne a re, “Moo go gontle, a bona ba nne mo lefatsheng mme ba tshele foo ka metlha. Moo ke gotlhe; ka—ka Bosakhutleng, go tswelela le go tswelela le go tswelela. A fela go goleng, mme sejwalo sengwe le sengwe se ungwe, le sengwe le sengwe jalo. Mme a monna a tshele, le dibatana di tshele, le sengwe le sengwe se sele, ka metlha le ka metlha. Moo go siame.” Lo a bona?

⁸³³ Mme foo boleo ne jwa tsena. Mme ke batla go dira polelo e. Mo di... Batho ba le bantsi thata ba dira phoso e e boitshegang thata mo Lokwalong le le lengwe le, mme moo ke mo Pesalomeng ya bo 23. Ba E bala jaana, “Eya, le fa ke ralala mokgatšha o o *lefifi* wa moriti wa loso.” Jaanong, ga go na selo se se jalo. Baebele ga e bue, gore, “Moriti o o *lefifi* wa mokgatšha... mokgatšha o o *lefifi* wa merit ya loso.”

⁸³⁴ Ya re, “Le fa ke tsamaya go ralala mokgatšha wa moriti wa loso.” Jaanong, pele ga e ka nna moriti, e tshwanetse e nne le lesedi go dira moriti. Lo a bona, Dafita a leng moporofeti mme a le mo tlase ga tlotso, ga a a ka a dira phoso, o ne a bua Boammaaruri fela: “Eya, le fa ke...” eseng, tsamaya go ralala mokgatšha o o *lefifi*, fela, “go ralala mokgatšha wa *meriti* ya loso.”

⁸³⁵ Foo o tshwanetse o nne le bontsi bongwe go tswa mo lekgolong jwa lesedi go dira moriti. Mme eo ke tsela e go leng ka gone fano. Rona re boobabedi ba ba leng ba tlholego le ba ba leng ba bofetalholego. Mmele o o fa tlase ga taolo ya loso, mme o ne wa tsalwa ke mosadi; eseng ka sepe fa e se ka... Eseng ka Modimo, wena o se se tsetsweng ke Atamo le Efa. O ka nna montsho, mosweu, kgotsa le fa e le eng se lo leng sone, wena o se se tswang, lotsalo lwa ga Atamo le Efa. Moo go dira mmele wa gago “o tsalelwé mo boleong, o bopelwe mo boikepong, o tle mo lefatsheng o bua maaka.” Wena o hutsitswe ebile o kgadilwe kwa tshimologong ya botshelo jwa gago, le e seng le kwa, ntengleng ga tšhono.

⁸³⁶ Jaanong, ka gore mowa o o nang nao o tlie fa go wena ka tlholego, mme ka tlholego e e tlang e tswa mo tlhakanelong dikobo, keletso ka banna le basadi e tsala ngwana wa mo lefatsheng. Mme lo tlogele ngwana yoo a le esi, mme lo se mo rute sepe se se siameng, o tlaa fapogela kwa diphosong. Lo se mo rute le fa e le tshiamo kgotsa phoso, ena o tlaa tsaya se se phoso. Ka gore ke tlholego ya gagwe go dira se se jalo.

⁸³⁷ Elang tlhoko leseanyana le le godileng, le se le le fetang boleele jo bo *kalo*, le tlaa gakatsegä maikutlo thata fela; ena fela o tlaa . . . o—o tlaa tamola diatla tsa gagwe, a bo a fetoga yo mohubidu mo sefatlhegong, mme a tshole mohemo wa gagwe mo teng. Go tlhomame. Moo ke eng? Ke tlholego ya gagwe. O e tsere mo go ntataagwe kgotsa mo go mmaagwe, mongwe; mosadi ne a na le tshakgalo e e lekaneng go lwana le šage e e tseremang, kgotsa ntataagwe. Fa ba ne ba sa dire, rramogolwaagwe kgotsa mmamogolo o ne a dira. Lo a bona, ke lotsalo.

⁸³⁸ Jalo he moo go dira . . . Wena o tsalelwa mo lefatsheng. O tla ka tlholego, mme sebele sa gago sotlhe ke se sentho ebile se na le mosidi, gape se neeletswe, mme se hutsegile ebile se ya kwa diheleng. Go jalo!

⁸³⁹ Fela fa wena o tsetswe šesa, foo Lesedi la Modimo le phatsimela mo tlase ka mo moweng oo wa botho (haleluya) fong ga e sa tlhole e le mokgatšha o o lefifi, fela ke mokgatšha o o nang le moriti mo go one. O ka nna wa bo o sirilwe fano ke nama, le dilo mo godimo ga sefatlhego sa rona, fela gona le Lesedi le le lekaneng teng foo. Mme letsatsi lengwe Lesedi leo le lefifi di tshwanetse go lomologana! Mme fa lesedi le phatsima, lefifi le a sia. Mme fa re ya go nneng le Keresete mo mmeleng oo, lefifi le loso di a nyamela, mme rona re gasegela kwa ntle kwa Leseding le le boitekanelo. Kgalalelo kwa go Modimo! Rona re bao; ga go sa tlhola go na le bolwetsi, ga go sa tlhola go na le lefifi le le tswakaneng le lone.

⁸⁴⁰ Gone jaanong re na le tsoopedi bolwetsi le boipelo, mme re na le botsogo le nonofo, mme re na le *tse di bokete* le *tse di motlhöfo*, le *dithuso* le *dipoelomorago*, le boipelo le bohutsana, jalo jalo. Sentle, ke moriti fela. Re na le lesedi le le lekaneng go itse gore go na le Lesedi foo; mme re santsane re le mo mmeleng, mo nameng. Fela letsatsi lengwe Letsatsi le tlaa tlhaba. Moo ke nako e moengele wa loso a tlaa nnang kwa bofeteleng jwa bolao, moo ke nako e ngaka e tlaa buang gore gotlhe go fedile; mme tlholego e e tloga mo bofetatlholegong, mme lesedi le tlolela morago kwa Leseding, mme lefifi le boele kwa lefifing. Fong mona mo go swang go tlaa apara bosaweng. Moo ke nako e se se bolang se se aparang bosaboleng. Moo ke nako e se se swang se se aparang bosaweng, mme rona re fetoga go tlogeng go nna setshedi sa nako go ya go nneng setshedi sa Bosakhutleng. O ka se kgone go tswela kwa ntle kwa ka lefifi le le feletseng, o tshwanetse o

nne le lesedi mo lefifing. Ke lona bao. Moo ke mmele ole o le o amogelang.

⁸⁴¹ Re dira eng? Sente, mokaulengwe wa me yo o rategang yo o itshepisitsweng, kgaitsadiake yo o rategang yo o itshepisitsweng, pele ga motheo wa lefatshe, nako e Modimo a neng a go tlhola mo setshwanong sa Gagwe, kgotsa a tlhola mo—monna ka setshwano sa Gagwe, mme a tlhola mosadi mo setshwanong sa monna gore go nne kgalalelo ya monna, O go dirile mmele wa selegodimo. Fela jaaka Ena, fa A ne a re, “a Re” ko ditshedding tse A neng a di tlhodile, “a Re tlholeng motho ka setshwano se e Leng sa Rona, gore a tshwane le Rona, mmele wa selegodimo.” Modimo o ne a ise a fetoge go nna mmele ka nako eo, O ne a le mo mmeleng wa selegodimo.

⁸⁴² Mme Moshe ne a Mmona. Moshe ne a goa, “Morena, ntetle ke Go bone.”

⁸⁴³ O ne a re, “Tsamaela ka kwa mme o iphitlhe mo lefikeng, mo lofarong.” Mme Moshe ne a boela ko lofarong leo; mme fa Modimo a ne a feta go bapa, dikgadima le ditumo tsa maru . . . Mme jaaka Modimo a ne a feta go bapa, O ne a hularetse ka mokwatla wa Gagwe *jaana*.

Mme Moshe ne a re, “E ne e le mokwatla wa Motho.”
Haleluya!

⁸⁴⁴ E ne e le Mang? Melegiseteke yo neng a fologa, Kgosi ya Salema, a sena rra kgotsa mma, a sena tshimologo ya malatsi kgotsa bokhutlo jwa botshelo. Ke Ena yoo! Mme O ne a fologa. Yoo ke Ena yo neng a bua le Aborahama; yo neng a Itseela mmele o monnye wa nama jalo, mme “Whew!” a hemela ka mo go one, a gateka ka mo go one, mme a fologa a bo a ja namane, a nwa maši go tswa mo kgomong, mme a ja botoronyana le senkgwenyana sa korong. Le Baengele ba le babedi.

⁸⁴⁵ Mme fa ba ne ba boa golo foo, mme tsotlhe tsa dilwana tseo di ne fela tsa, “Whew!” tsa bo di nyamela di tlogela kgakala.

⁸⁴⁶ Ga ke ise ke akanye ka ga seo. Fano nako nngwe e e fetileng, ke ne ke tlhatlhela lerumo la tlhobolo, ke ne ke na le tlhobolo ya .22, yone ke .220 Swift. Mme lona bakaulengwe ba lo dirisang tlhobolo e telele teng fano lo a itse. Lerumo le lennye, ke lerumo la thotse ya masome a le manê le ferabobedi, fela le le boleele jo bo *kalo*, lerumo le le tlwaelegileng la .22. E tlhatlhelwa go ka nna ka maatla a ntlwana a a batlileng a nna .30-06. Jaanong ke . . . Faboriki e tlhatlhela moo fela go fitlheng kwa go ka nnang difutu di le makgolo a le manê le bonê ka motsotswana. Go siame, fela o ka se kgone go tsenya mo go lekaneng . . . o itlhathlelela ka bowena, mme o kgona go e tsenya go fitlheleng kwa difutung di le dikete di le tlhano ka motsotswana. Mme—mme fa go se jalo, fa o ne o fula . . . Re ne re fula, maloba, kwa dikgatong di le makgolo a le mabedi, mme lerumo le ne le itaya lorole, le ne le tle le fofe

pele ga tlhobolo e ne e ka ba ya dira mokuelo. Moo ke ka fa e leng bofeso ka gone.

⁸⁴⁷ O tlogue o tseye seitukulo (lo itse, ntlha e e sephaphathi ya seitukulo) mme o kgotle ko tlase mo bouping jwa gago o bo o dira selo seo se tlale ka boupi, go ka nna dithotsenyana fela di le nnê kgotsa tlhano, mme o die beye mo godimo foo, mme o tlogue o tsenye lerumo la gago teng foo. Ema fa, mme o tshotse lerumo la gago mo seatleng sa gago ka motsotswana. Mme o le fulele ko kolobeng ya naga e ntse difutu di le makgolo a le mabedi go tloga mo go wena, mme kolobe ya naga e ka seka ya ba ya tshikinyega. Lerumo le fetogela ko maemong a lone a kwa tshimologong, morago kwa ko digaseng. Lerumo ke le fano le e leng la kopore le lotwe di tswakantswe mmogo, mme mo tlase ga motsotswana o le mongwe, lone le kwa morago kwa le ka motlha ope o ka se kang wa le bona gape. Le ne la boela ko morago jaaka le ne le ntse dingwaga di le sekete sa didikadike di le lekgolo tse di fetileng, morago kwa digaseng. Digase tseo di tshwanetse di bopege di bo di boela mo go nneng kopore le mo go nneng lotwe, le jalo jalo, jalo. Digase tseo di tshwanetse di itshetlele.

⁸⁴⁸ Jaanong, ke lona bao. Eo ke tsela e re ntseng ka yone fano, re tswa kwa setshteding se se kwa godimo. Ko tshimologong re ne re le mo setshwanong sa Modimo. Lesire le lefifi di re kganelia gore re go itse jaanong. Fela Jesu ne a bolelela barutwana ba gagwe gore O “ne a na le bone pele ga motheo wa lefatshe.” Lo a bona? Re ne re le teng! O ka se kgone go go itse jaanong, fela o ne o le ko tshimologong. “Mme fa motlaagana ona wa selefatsho o nyelelela, re na le mongwe o o setseng o letile!” Haleluya! Mme foo re tsene ka mo mmeleng ona wa selegodimo, se ka nakonngwe re neng ra se tshela, gore re kgone go ja le go dumedisana ka diatla. Mme mewa ya botho e e fa tlase ga aletare e a goa, “Ga leele go le kae, Morena?”

⁸⁴⁹ Go na le direpodi di supa tse di yang kwa go Modimo, tsa Mewa e e supang jaaka—jaaka E tla e fologa. Go siame, jaaka lo tsena fa tlase ga aletare ya Modimo, ba ne ba goa, “Morena, ga leele go le kae? A re ka kgona go boela morago, re wetse fa tlase fano?”

⁸⁵⁰ Modimo ne a re, “Lobaka le lennye fela, go tsamaya go tle bangwe ka lone ba boge se tshwanang le se lo se bogileng.” Lo a bona?

⁸⁵¹ Mme go tlogue mewa ya botho e boele morago, mme e fetoge e nne banna le basadi gape, mme ba tshelele ruri fa lefifi le loso le bolwetsi le bohutsana tsa lefifi di nyelela kwa ntle ka bonya; ga go sa tlhole go na le moriti, gone go sena pelaelo epe ke lesedi la letsatsi!

⁸⁵² Reetsang. Gone ke fa. A go nne mo go lefifi ka fa go batlang go nna ka gone; go ka se kgone go nna mo go lefifi thata go fitlhela letsatsi le tlaa phatlakanya bonnyennyane bongwe le

bongwe jwa lefifi. Lefifi le lesedi di ka se kgone go aga lobaka lo lo leele ga mmogo. Gonne le . . . Ke go feng mo go nang le thata bogolo? Ke lesedi. Mme fa lesedi le phatsima, lefifi le a sia. Amen. A lona ga lo a itumela? A lona ga lo a ipela gore lo a itse? Ga go na pelaelo epe, ga go na moriti ope gope. Fela Lesedi lena le le segofetseng le le leng mo dipelong tsa rona gone jaanong, sengwe se supelang fa morago: Morwa Modimo, thata ya Modimo.

⁸⁵³ Mme re tsamaya fano, re lebeletse thata ya Mowa o o Boitshepo o fologa mme re bo re tswela ka mo bokopanong, mme one o re, “O ne o le Mmê *Sebane-bane*, gore wena o dirile selo *se se rileng*, kwa lefelong *le le rileng*. O ntse o tshwenngwa ke sena ka lobaka lo lo leele *ga kana*, fela MORENA O BUA JAANA, ‘Ema ka dinao tsa gago, o fodile.’” Mme segole le sefofu ba tsoga ba ema ka dinao tsa bone. Mme moriti wa motho, a jelwe ke kankere, a tsogele go tshela le botsogo jo boša gape.

⁸⁵⁴ Ga go na pelaelo epe, Jesu ne a re, “Dilo tsena tse Ke di dirang, lo tlaa di dira le lone.” Mme ne A re, “Ga Ke dire sepe go fitlhela Rara a Ntshupegetsa.”

⁸⁵⁵ Moo ke eng? Moo ke Lesedi le le tsileng le tswakanel ka mo lefifing le, lo a bona, go re rekolola. Lo thalaganya se ke se kayang?

⁸⁵⁶ Jaanong, letsatsi lengwe go boela gone kwa morago koo, mme foo nako e mmele o wa selegodimo o fetogang go nna nama e e sa sweng gape jaaka o ne o ntse kwa tshimologong, ka nako eo Jesu o a tla, mme Modimo . . . nako e Keresete ba tlaa nna mongwe. Keresete o tlaa dula mo Sedulong sa bogosi, mme batho botlhe ba tlaa bo ba le batho ba nama. Keresete o tlaa bo a le mo sedulong sa bogosi sa ga Dafita, Monna, Morena Jesu; go se swe le ka motlha ope. Ga re na go swa le ka motlha ope, ga re na go lwala le ka motlha ope, re ka se tlhole re nna le bohutsana, mme re tlaa tshela go ralala dingwaga di le sekete.

⁸⁵⁷ Mme fa dingwaga di le sekete di fedile mo lefatsheng le, fong diabolo o a tlhatloga; mme tsogo ya bobedi e tle, tsogo ya basiamologi. Ba kokoanye sesole se segolo jaaka metlhaba ya lewatle, ba bo ba tla go dikologa bothibelelo jwa baitshepi, mme fa se dira, Modimo o nesa molelo le sebabole go tswa legodimong mme a ba senyake.

⁸⁵⁸ Mme Johane ne a re, “Ke bone legodimo le leša le lefatshe le leša, gonne legodimo lantlha le lefatshe lantlha di ne di fetile, mme go ne go sa tlhole go na le lewatle. Mme nna, Johane, ke ne ka bona Motsemogolo o o Boitshepo, Jerusalema yo Moša, e fologa go tswa kwa go Modimo kwa Legodimong, o etleeditswe jaaka monyadwi yoo kgabetseng monna wa gagwe.” Lona lo bao.

⁸⁵⁹ Foo ne a re, “Mosadi . . . Kwana le Monyadwi ba tlaa bo ba le foo ka bosafeleng.” Go tlaa bo go na le lefatshe le leša, dimmaele di le didikadike le didikadike tsa matlhakore a manē a a lekanang. Ijoo. Motsemogolo, Baebele e lekanyetsa Motsemogolo

wa dimmaele di le dikete di le lesome le botlhano tsa matlhakore a manê a a lekanang. O boleele jwa dimmaele di le dikete di le lesome le botlhano, bophara jwa dimmaele di le dikete di le lesome le botlhano, le bogodimo jwa dimmaele di le dikete di le lesome le botlhano. Moo ke totatota tlhaloso e Baebele e e nayang ya Motsemogolo. Ga e kgane go sa tlhole go na le lewatile, go ne go sena le lefelo lepe la lone.

⁸⁶⁰ Ao, go tlaa bo go na le bontle jo bo kana kang! Mme teng foo, go na le motswedi gone fa Sedulong sa Modimo, o o elelang mo pele ga Sedulo sa bogosi. Go na le setlhare mo letlhakoreng lengwe le lengwe la setlhare . . . la noka ya Botshelo. Mme mo setlhareng se go nna mehuta e le lesome le bobedi ya dikungo, mme se ungwa leungo la sone kgwedi nngwe le nngwe.

⁸⁶¹ Bagolwane ba le masome a le mabedi le bonê ke bao. Monyadwi ke yoo. Ba ba dikete di le masome a le manê le bonê ke bao, baopafadiwa ba tempele. Ao mokaulengwe, re ya golo gongwe! Dilo di ntse kwa pele ga rona. Ba le banê . . . Bagolwane ba le masome a le mabedi le bonê. Baopafadiwa ba le dikete di le lekgolo le masome a le manê le bonê. Monyadwi a dutse le Keresete. Ija, lo bua . . . Legae la me, Legae le le kgatlhisang! Amen.

⁸⁶² Go akanya gore ke na le tshiamelo ya go ya moo, le wena o na le tshiamelo ya go ya foo. Mme goreng o tla tlhopha go tsamaya mo lefifing lena mme o sa bone Lesedi lepe, ebile o swe o be o tsene mo tobekanong mme o fetoge go nna lefela? Gonno fa Lesedi le tsaya taolo ya lone e kgolo ka boemo, ga go na lefelo lepe la lefifi. Tsamaya o bone kwa lefifi le ileng gone fa lesedi le tla. Moo ke nako e go leng gone, nako e dilo tsotlhe di busetwang kwa go Modimo. Le ne le la nna le, lefifi le ne la nna le tshimologo, lefifi le na le bokhutlo. Lesedi ga le ise le nne le tshimologo kgotsa le ka motlha ope ga le nne le bokhutlo. Modimo ga a ise a nne le tshimologo kgotsa le ka motlha ope ga a na bokhutlo. Jalo he, letsatsi lengwe, lefatshe lotlhe la bosenangbotho jo bo amanang le thobalano le bojalwa le ditagi ka boleo jotlhe jwa lone le bontle jwa lone, tse di bidiwang go tualo, le tsotlhe tsa lone tse di magasigasi le masisi otlhe a lone, le magasigasi otlhe a lone le sengwe le sengwe di tlaa nyelelela ko lefeleng, mme le tlaa bo lo sa tlhole le le teng. Le tlaa bo le sa tlhole le le teng, go sa tlhole go akanangwa ka ga lone! E ne ya re, le e leng, “Lone le ka se ka la ba la tlhola le tla mo mogopolong.”

⁸⁶³ Fela basegofadiwa ba Morena ba tlaa tlhola ba na le Ena. Re tlaa nna le mmele jaaka mmele o e Leng wa Gagwe o o galalelang; mme re tshele Nae, ebile re je Nae, re bo re nne Nae, mme re age Nae ka metlha le ka metlha le ka diaeone tsa nako; mme dipaka tsa Bosakhutleng di tlaa tswelela di kgokologela pele le lefatshe le le senang bokhutlo.

⁸⁶⁴ Mme o na le maikgethelo bosigong jono. Fa o sa etleetsega go kopana le lefelo leo, go sa kgathalesege gore ke gantsi go le kae ka fa o yang kerekeng ka gone, ka fa o leng leloko le le molemo ka gone, wena o timetse go fitlhela Keresete a go naya Botshelo jo boša mo lefifing leo le o tsamayang mo go lone. O ka nna wa bo o le yo o bodumedi. Bodumedi, reetsang, ditsala, bodumedi ke se se dirisanang le botlhale. Lo a bona? Bana bottlhe ba ga Kaine ba tlhotse ba na le bodumedi. Bajuta bao ba ne ba na le bodumedi fa Jesu a ne a tla, fela ba ne ba gana poloko.

⁸⁶⁵ O ka nna wa bo o le yo o bodumedi thata bosigong jono. O ka nna wa bo o le Mopresbitheriene, Momethodisti, Mopentekoste, Monasarene, Pilgrim Holiness. O ka nna wa bo o le bodumedi fela jalo; o ya kwa kerekeng ya gago mme o supa, o ka nna wa bo o opela ebole o thela loshalaba ebole o baka Morena, o ka nna wa tlisa dikarolo tsa gago tsa lesome ko kerekeng, o ka nna wa tshwara moagelani wa gago sentle, moo ga go na selo se le sengwe se se amanang le bogorogelo jwa gago jwa Bosakhutleng. Kaine ne a dira bonnyennyane bongwe le bongwe jwa seo. Go sena pelaelo epe.

⁸⁶⁶ Baebele ne ya re “mabele le mehero di tla ga mmogo.” Mabele a mannye a kgale a dutse, a tshwerwe le lesekedi la pula, le me—mesu e jalo le yone. Nako e pula e tlang, mesu le yone e itumetse fela jalo go nna le pula jaaka mabele a ntse. “Fela, ke ka maungo a bona, lo tlaa ba itseng.”

Jaanong a re rapeleng fa lo santsane lo tlhatlhoba maungo a lona:

⁸⁶⁷ Jaanong, Modimo Rara, go nnile go na le dipotso dingwe tse di bokete fano bosigong jono. Nka tswa ke sa dira selo se se siameng, fela e le go ya ka bojotlhe jwa kitso ya me; O itse pelo ya me. Ke a rapela, Modimo, gore O tlaa e amogela. Mme jaanong, gongwe, mo go tse dingwe tsa dipotso tse, fa ke sa di dira gore di nepe, ka ntlha eo Wena o bue le pelo ya batho, mme O di dire gore di nne fela kwa di tshwanetseng go nna gone. Ke ikutlwaa gore Wena o mpoleletse. Fela fa nka bo ke le phoso, foo O intshwarele.

⁸⁶⁸ Mme ke a rapela, Modimo, gore mongwe le mongwe wa bano ka nosi o tlaa tsenya dilo tse mo pelong ya gagwe, mme mma ba tshotlhe dilo tse mme ba akanye jaana, “Ee, go na le kereke, go na le dilo tse. Seo ke se Baebele e se buileng.”

⁸⁶⁹ Gongwe bahumagadi, Morena, O a itse gore ke ne ke sa ikaelela sepe se se amanang le mongwe ka sebele ka go ba bolelela. Fela, Modimo, ke—ke rata bokgaitsadiake, mme Wena o itse seo, Rara. O itse ka fa ke akanyang ka ga bone. Fela go ema le go ba bolelela sengwe se se phoso, ke tlaa bo ke le mo—motsietsi mo go bone. Ga ke eletse go nna motsietsi mo go bokgaitsadiake, ke batla go ba bolelela Boammaaruri. Mme, Rara, ke Bo tsaya gone mo Lefokong la Gago.

⁸⁷⁰ Mme jaanong ga ke kgale bakaulengwe ba me, fela, Morena, nna ka re ba ntse ba le phoso fa ba ne ba leseletsa dilo tse. Mme fa mohumagadi a ne a itse se se pharologano mme a ya a bo a se dira, fong ke maikarabelo a gagwe, modisa phuthego ga a na molato.

⁸⁷¹ Aba Rara, dilo tseo ke Lefoko la Gago, mme di jalo mo go Wena. Jaanong O bolele le dipelo tsa batho. Ke ba neela botlhe mo go Wena. Ke tlaa bona se O se dirileng, Rara; O a itse. Bua le pelo nngwe le nnwe ka nosi. Re kopa ka Leina la Keresete.

Mme ka ditlhogo tsa rona di obilwe:

⁸⁷² Ke a ipotsa fa mongwe a tlaa tsholetsa setla sa gagwe, a re, "Mokaulengwe Branham, nkgakologelwe fela gore ke kgone go nna mofenyi yo o heleletseng, mme kwa letsatsing la bofelo ke apare seaparo sa lenyalo mme ke nne le Keresete." A o tlaa tsholetsa seatla sa gago, o re, "Nthapelele"?

⁸⁷³ Mongwe le mongwe tshola tlhogo ya gago e konilwe jaanong, mme obame fela. Modimo a lo segofatse, moo go siame thata. Foo, Modimo a lo segofatse, dikgaitsadi tsa me; le bakaulengwe ba me, le lona, tsholetsang diatla tsa lona. Moo go go ntle thata.

⁸⁷⁴ Jaanong, Rara, O bona ditla tsa bona. (Ke a itse, nako nngwe lo a akanya, "Sentle, thapelonyana fela e e jalo?") Modimo, ke akanya ka ga mma yole, a neng a re maabane, "Thapelo fela e nnye foo mo ntlong ya gagwe ka letsatsi lele fa mosimane yole a ne a swa, dibeke di le tharo tsa go tshela, go kekela moo mo bobokong, mme jaanong ga fetola dilo."

⁸⁷⁵ Ke akanya ka ga Hesekia, a seegela sefatlhego sa gagwe ntlheng ya lomota, mme a goa, "Morena, ke a Go rapela, nkutlwela botlhoko. Nkgopole, gonne ke tsamaile mo pele ga Gago ka pelo e e boitekanelo." Go ne ga fetoga go tloga mo losong go ya botshelong.

⁸⁷⁶ Go kua go le gongwe go tswa Morweng wa Modimo, "Lasaro, tlaya fa pontsheng!" mme monna yo neng a sule ne a tswela mo pontsheng.

⁸⁷⁷ Oho Modimo, O rile, "Bua, kopa, mme go tlaa neelwa. Fa o bua sengwe, dumela gore se o se buang se a diragala, o tlaa bona se o se buang."

⁸⁷⁸ Jaanong, Rara, ke rapela gore mongwe le mongwe ka nosi yo o tsholeditseng seatla sa gagwe o tlaa amogela se ba se tsholeditseng diatla. Mme mma ba segofale. Mme Morena, ke rapela gore O tlaa thusa bokgaitsadia rona, gore ba tlaa nna...nte ba itshware sentle, gore Satane ka thelebishine le dimakasine tsa *True Story* le jalo jalo, tse di ntseng di tsamaisiwa ntleng le taolo e e tlhoafetseng jaana, le dithulaganyo tse di sa laolweng ka tolamo, ka fa di leng leswe mme di tlaphatsa mo dithelebishineng le jalo jalo, tse di neng di tlaa... Di ka nnang sedirisiwa go thopela didikadike tsa mewa ya botho kwa go Wena, fela ka fa tsone di dirisiwang di sa laolwe ka tolamo ka

gone, mme ba tsenya dilo tsotlhe tse tsa kgale tse di leswe tse bona . . . Ao, ka fa go tlhomodisang pelo ka gone! Mme go itse gore mowa wa ga diabolo o tsene mo teng le fa tikologong ya bokgaitsadia rona, mme o leka go ba dire gore ba itshwantshanye le go apara jalo.

⁸⁷⁹ Mme re fithela gore mo go ba . . . mo bakaulengweng ba rona, le gone, Morena, ka fa e leng gore ba akanya gore ba ka goga le go nwa, mme ba tswelele pele go dira jalo, mme ba sale e ntse e le Bakeresete ka gore bona ba re ba a “dumela.” Ba dire ba itse gore “diabolo o a dumela, le ena.” Mme ena ga a a bolokwa, “o a dumela eibile o a tetesela.”

⁸⁸⁰ Mme jaanong, Rara, re rapela gore O tlaa re utlwela botlhoko rona rotlhe, mme wa re ithswarela maleo a rona, mme gongwe bangwe ba ne ba se tsholetse diatla tsa bone, Oho Modimo, nna le boutlwelo botlhoko. Mma tshono e e latelang e ba nnang nayo, mma ba tsholetse diatla tsa bone.

⁸⁸¹ Re ipaakanyetsa go ja selalelo, Morena. Re itshwarele ditlolo tsa rona le tse di fetileng tsa rona tsa botshelo. Mme mma re amogele mo tshegofatsong ya Gago, gonne re e kopa ka Leina la Keresete. Amen.

⁸⁸² Morena a lo segofatse. Ke maswabi ka ke lo diegisitse jaana. Ke ipotsa fela, fela pele ga selalelo, fa go na le mongwe yo o tletseng go rapelelwa, yo o tlaa ratang go rapelelwa, sentle, re tlaa itumelela go dira seo fela ka nako e, fa go na le mongwe yo o tshwanetseng go rapelelwa.

⁸⁸³ Go siame, mokaulengwe, o mo tlise gone fa godimo, moo go tlaa bo go siame. Mme motsotso fela, mme foo re ile go—re ile go phatlalatsa. Mme foo fa re phatlalatsa, go raya gore bao ba ba batlang go salela selalelo, ba ka sala. Fela gone jaanong re ile go direla balwetsi thapelo. Baebele ne ya re eng?

⁸⁸⁴ Fa mokaulengwe a sa kgone go tlthatloga . . . Moo go siame, mo lese fela a nne foo, re tlaa tla kwa go ena. Moo go siame, mo lese fela a nne gone foo. Mme re tlaa fologa mme re mo rapelele. Moo go siame. Go siame, rra, mo lese fela—mo lese fela a nne gone foo. Go bokete gore ena a eme fano, goreng, re tlaa itumelela go tla gone kwa go ena.

⁸⁸⁵ Jaanong ke batla go dira tshwaelonyana e le nngwe ena, tsala ya me e e rategang. Lo a bona, ke—ke a itse gore Morena o netefaditse sena gape le gape makgetlo a le mantsi thata. Lo a bona? Nna ga ke moreri yo o botswerere thata, ga ke na thuto le jalo jalo. Ke rata Morena Jesu, Modimo o a itse gore ke a Mo rata. Fela selo se le sengwe se ke bileditsweng go se dira, go rapelela balwaetsi. A lo dumela seo? Le e leng pele ga ke ne nka itse ka ga neo, ke ne ke tlwaetse go ya golo fano mo kokelong; mme ke gakologelwa baoki bao ba re, “Jaanong o ile go siama.” Lo a bona? Mme sengwe fela, ke gore Modimo o nnile a le yo o tshwaro go tlotla dithapelo tsa me ka ntlha ya batho.

⁸⁸⁶ Ke a gopola, bosigong jono, fa gone go ne go ka bidiwa, phatlalatso ya modumo o mogolo fela mo lefatsheng lotlhe ka bophara go ya gongwe le gongwe mo lefatsheng. Mme e re, mongwe le mongwe yo Mokaulengwe Branhamma a mo rapeletseng, tlaya kwano, ke tlaa rata gore wena o arabe goromente wa United States, ka lekwalo. Mme moo go ne go tlaa bo e le kgaso mo lefatsheng ka bophara. Ke a fopholetsa, gongwe batho ba le didikadike di le nnê kgotsa di le tlhano ba ne ba tlaa araba pitso eo fa e ne e itsiwe. Lo a bona?

⁸⁸⁷ Mme batho bao, kgotsa bangwe ba bone ba ne ba setse ba sule, ba ne ba tlhobogilwe ke dingaka, le—le barulaganyi ba diphitlho. Bangwe ba bona ba ne ba bolailwe mo dikotsing; bangwe ba ne ba sule loso la tlhago. Bangwe ba bone ba foufetse, ke bannani, ba a tlhotsa, ba tshophegile, ba a boga, mo monaganong... ko dikokelong, ba bile ba ne ba sa itse gore re ne re le mo kokelong go ba rapelela. Ba ba tsise, re tshwanele go ba tsaya. Ba ne ba tlaa lwanela gore ba tsene mme ba itshegekake, a sa itse le e leng kwa a neng a le gone. Mo metsotsong e le metlhano, ba bo ba le batho ba ba itekanetseng, ba ba kgatlhisang, ba ba nang lo lorato, mme ba itlhaloganya malatsi a setseng a botshelo jwa bone. Lo a bona?

⁸⁸⁸ Gone ke... Gone ke eng? Ga se Mokaulengwe Branham. Ke Jesu Keresete, O nthometse go rapelela balwetsi. Jaanong fano ke se go leng sone. Ga go a ka ga atlega thata mo Jeffersonville, ka gore, lebaka ke le. Jaanong, ke batla gore lo itse gore ke na le bangwe ba e leng ditsala tsa me tsa khupamarama le tse di rategang thata ke ba ba leng gone fano mo motsemogolong o. Le fa motsemogolo ka Boone, seemo sa motsemogolo, ke sa se rate. Ga ke rate seemo se, mme ga ke ise ke dire; fa ke ne ke le mosimanyana, ke ntse, ke bala dibuka tsa me tsa ditso, ke ne ka re, “Letsatsi lengwe ke tlaa emeleta fano.” Lo a bona?

⁸⁸⁹ Ga ke rate Jeffersonville, ke ditsobotla, go kwa tlase golo fano. Gone ke fela mo go ditsobotla ka mmatota, mme—mme go maswe thata. Yaa golo fano mo godimo ga Spickert Knobs kgotsa golo gongwe, mme o lebe kgakala kwa tlase ntlheng ya New Albany le Jeffersonville, fa o batla go bona. Lebang fano, dingaka ba bile ba a bua jaanong, gore, “Batho ba mokgatsha o ba fetoga go nna ba ba nang le bolwetsi jwa tlhaelo ya disele tse dikhubidu tsa madi ka ntlha ya seemo se.”

⁸⁹⁰ Mohumagadi yo monnye fa godimo fa, Mmê Morgan, ne a fodisiwa kankere, ne a isa ntšwa ya gagwe golo fano mo kokelwaneng, a ne a akantse gore e ne e na le sebab. A lo a itse se e neng e le sone? Go wela faatshe ga Dikhokolkeiti le dilo mo meferong kwa e neng e ralala gone. Ke lefelo le le senang botsogo jo bontle bogolo bogolo.

⁸⁹¹ Mogoma ne a le mo Sesoleng, a ya golo fano fa tlase mme a nna le... Ne a nna le bolwetsi jwa go hupela. Ne a fologela fano

mo Florida mme matlho a gagwe a ne a fetoga a nna a mantsho ka mmannete, mme o ne a ya ka kwa ko ngakeng, a bo a re, “Ngaka . . .”

⁸⁹² Ngaka ne ya re, “Jaanong, o ne o le kwa ntweng, a o ne o se jalo?”

⁸⁹³ O ne a re, “Nnyaya, rra, ga ke a dira.”

⁸⁹⁴ Fa lo batla go itse gore ene ke mang, leina la gagwe ke Herby. Jaanong, fa nka kgona fela go akanya . . . Gone ke—gone ke ko Union National Bank, mo New Albany, ena ke mmalamadi. Yaa fela foo mme o bone mongwe yo go tweng ke “Herby,” o mmotse.

⁸⁹⁵ Mme o ne a re . . . O ne a ya, o ne a re, “Ngaka,” o ne a re, “Ke na le mantshwatshwa.”

⁸⁹⁶ Mme o ne a mo tlhatlhoba, a re, “Go jalo.” O ne a re, “Ke akantse gore o ntse o le mo ntweng.” Ne a re, “Thaka, o tshela kae?”

⁸⁹⁷ O ne a re, “O ka nna wa se itse lefelo le,” ne a re, “ke tshela ko motsemogolonyaneng fa o kgabaganya go lebagana le Louisville, Kentucky, o o bidiwang go twe New Albany, Indiana.”

⁸⁹⁸ Ne a re, “O ikaeletse go mpolelela gore wena o tshetswe bothata jwa mantshwatshwa ke metsi a a letswai fano mo Miami, fa o ne o tla?” Ne a re, “Fa o ka tshela mo Jeffersonville, Indiana, kgotsa New Albany, Indiana, o ka tshela gongwe le gongwe mo lefatsheng kwa sesole sa United States se tlaa go romelang gone.” Moo ke gotlhe. Lo a bona?

⁸⁹⁹ Ke lefelo le le senang botsogo jo boitekanetseng bogolo go gaisa mo lefatsheng, le ke itseng ka ga lone, ntleng le fa go ne go tlaa nna ko ditsobotleng dingwe tsa letshoroma. Lo a bona? Mme ke—ke—ke—ke na le ditsala fano.

⁹⁰⁰ Lebang fano, nka kgona go ya fela ke ba bitse jaana. Lebang Ngaka Sam Adair, tsala ya me ya khupamarama. Go siame, Mike Egan ke yoo, a dutse foo. Ijoo, ke ba le kae ba nka ba bitsang ka maina! Makgolo fela a ditsala tse di siameng ka mmannete tsa khupamarama, ditsala tsa me tsa kgale ba re ntshanang seinong, ba ke neng ka ntshana seinong nabo . . . Go sa kgathalesege gore ke ditsala di le kae tse dintšhwā tse ke nnang natso, ga go sepe se se tlaa tsayang lefelo mo tsaleng ya kgale ya khupamarama. Lo itse seo.

⁹⁰¹ Mmē wa me yo o godileng ke yoo a dutse kwa motsheo foo, ga go malatsi a le mantsi a lefatshe, ena o mo go tsa gagwe tsa bo masome a le marataro jaanong. Mmaagwe mogatsake ke yoo, masome a supa, a ya kwa go masome a supa le bongwe; a dutse fa morago fano golo gongwe, ke a akanya, bosigong jono. Mme foo, mo tlogele. Ntatē o fitlhilwe golo fa; mosadi o fitlhilwe fa ntle fano mo Walnut Ridge; lesea la me le robetse golo foo. Lo bona se ke se rayang?

902 Ga ke—ke—ke rate . . . ga ke—ke—ke—ke batle go nna fa, mme ke dumela gore mo bogautshwaneng, gone ka bonako, ke ile go tshwanela go tloga. Lo a bona, ka gore go ntse go tlaa mo go nna, ke bua se mo godimo ga felo ga therelo le Baebele ya me, kgapetsa kgapetsa.

903 Fa ke ne ke bolelela mosadi wa me, fa ba ne ba re naya madi a go aga ntlo ya moruti e ke neng ka e neela kereke e . . . Ntlo eo ya moruti ke ya kereke e; fologela fano, o batlisise fa yone e se jalo. Lo a bona, ke ne ka se rate go e tseye ka bona.

904 Jaanong, fa ke ne ke ile go aga foo, Meda ne a re, “Ke batla go nna fano ka ntlha ya ga mmê.”

905 Ke ne ka re, “Moratwi, go tlhomame fela jaaka re dira, re tlaa ikwatlhaya ka ntlha ya gone. Lo a bona, gone fela ga go na go dira. Modimo ne a re, ‘Lomologa,’ Ke tshwanetse ke go dire.”

906 Mme ne a re, “Sentle, mmê!”

907 Ke ne ka re, “Mmê, le nna. ‘Fela yo o sa tleng go tlogela ba e leng ba gagwe, mme a Ntatele, ga a tshwanelwe go bitswa wa Me.’ Mme seo ke boammaaruri.”

908 Letsatsi lengwe, mo bogaufing, ke ikutlwia gore ke ile go tshwanela go emelela, moo ke, go tsamaya. Fela tsela ke e, dikopano ga di na go atlega fano. Ga di na go atlega jaaka go dira gope go sele, mme ope yo o nnileng a le mo bokopanong o a itse moo ke boammaaruri, ka gonne ke gone fano mo toropong e leng ya legae la me. Ke gone.

909 Jesu ne a bua selo se se tshwanang fa A ne a tla.

910 Ba ne a re, “Moeka yo ke Mang? A yoo ga se mosimane wa mmetli fa ntle fano? Ke sekolo sefe se a kileng a ya kwa go sone? O bone thuto e ko kae? Jaanong nte ke go bone o dira . . . O rile o dirile metlholo ka kwano, nte ke go bone o dira selo se se tshwanang fano. Se o se dirileng ko Kaperenaume, nte ke go bone o se dira fano.”

911 Jesu ne a re . . . “O ne a makatswa ke tumologo ya bone.” O ne a retologa a bo a re, “Ammaaruri, ammaaruri, Ke lo raya ke re, moporofeti ga se yo o senang tefetso ntleng le fa a le mo gare ga batho ba e leng bagagabo mo lefatsheng le e leng la gagwe.” A go jalo?

912 Mme re a itse . . . lebang kwa go . . . Tsayang Finney, tsayang Sankey, Moody; tsayang Johane Wesele, le ka motlha ne a se kgone go go simolola, lo a bona, go fitlhela a ba a emelela mo lefatsheng la gagwe. Lebang kwa go—lebang kwa go—lebang—lebang Moody. Fa Moody, mothula ditlhako wa kwa Boston, a ne a sa kgone go tsamaya gotlhelele, o ne a tla mo Chicago pele ga a fetoga a tuma. Lo a bona? O ne a tshwanela go go tsaya mo ba ba e leng ba gagwe. Wena ka gale o tlaa tshwanela go dira.

913 Fela jaanong, fano, Modimo o tlaa araba thapelo fa lo tlaa lebala gore ke William Branham (Lo a bona?), fa lo tlaa lebala

gore ke William Branham yo o tshwanetseng go dira sepe go amana le gone, ke fela mongwe yo o tshwanetseng go ema mme a go rapelele. Ke Jesu Keresete yo o setseng a dirile se o kopileng se dirwe, fa fela lo tlaa go dumela. Lo a bona? Ga se sepe se se amanang . . . Ga ke na sepe se se amanang le gone, ke fela go supa. Fela okare morago ga go golela fano le lona, mme lo itse bokoa bongwe le bongwe jo ke nang najo, le phoso nngwe le nngwe e ke nang nayo . . . Mme lona lo itse se Modimo a se dirileng, gone mo motsemogolong o.

⁹¹⁴ Motsemogolo o, kwa letsatsing la katlholo, o tlaa arabela tlhwatlhwa e tona letsatsi lengwe, gonne go ne ga nna le makgolo le makgolo a diphodiso tse di lemosegang gone fa (Go jalo.), gone fa. Ditshupo le dikgakgamatso, le go bonala ga Moengele kwa tlase kwa, le dikoranta di ne di gasa ka modumo o mogolo le sengwe le sengwe, mme go santse go le jalo batho ga ba dire . . . Goreng go le jalo?

⁹¹⁵ Jaanong letsatsi lengwe, ke ile go tloga fano. Ke a ipotsa: “Bokhutlo jwa me bo tlaa nna eng? A go fedile? A gone go fela mo gaufi? Nna ke bogolo jwa dingwaga di le masome a le manê le ferabobedi. A jone bo gaufi fela le go fela?” Ke ipotsa se. Fa gone go . . .

⁹¹⁶ Lebang, goreng lefatshe le ne la sekla la lemoga setshwantsho seo foo? Goreng ba ne ba sekla ba tlhaloganye seo gone ka bonako? Goreng ba sa tlhaloganye dilo tse dingwe tse? Goreng ba sa tlhaloganye diporofeto tse le dilo? Lo a itse, ga ba kgone go go dira jaanong, fela letsatsi lengwe ke ile go tlogela lefatshe, mme fa ke tloga, ka nako eo ba tlaa Go lemoga. Bangwe ba lona batho ba banana lo tlaa lemoga moo morago ga ke sena go tsamaya. Lo a bona? Fela Modimo ne a se rate go go lettelela go diragale jaanong. Lo bona se . . . lo tlhaloganye se ke se rayang. [Fa go sa theipiwang teng fa theiping—Mor.]

⁹¹⁷ . . . Mohitshana fela wa mosetsanyana. Mongwe ope a ka nna a o tsaya. Mme ke dumela gore Mokaulengwe Sothmann ne a re o tlogetse Baebele fano lekgetlo la bofelo fa a ne a le fano, ke a dumela. A mongwe o bone Baebele, ba—Baebele e e timetseng golo gongwe fano? Fa lo dira, yone ke ya Mokaulengwe Fred Sothmann go tswa kwa Khanada. Jaanong a re rape leng.

⁹¹⁸ Morena, nna le boutlwelo botlhoko, jaaka mmimo o tlaa tshameka ka go kgatlhis a mme Mokaulengwe Neville a tshwanetse go tlotsa ka lookwane, ke ya go bay a dia tla mo go ba ba lwalang ka Leina la ga Jesu. Go dumelele, Morena, ka ntsha ya pholo ya bone. Amen.

⁹¹⁹ Mongwe le mongwe rapela, jaanong, mongwe le mongwe. Go siame.

Morena, yo mmotlana, jaaka rraagwemogolo a mo emetse fano. Ena ke yo o nang le bolwetsi jwa go ilwa ke maši, maši otlhe. Fela Wena o na le Thata yotlhe mme mogoma yo monnye ga a

kgone go nna le tumelo ka boene. Mme ka ntlha eo, Morena, ke na le tumelo ka ntlha ya gagwe, le batsadi le batsadi ba batsadi mme ra re, ka Leina la Jesu, gore lesea leo le tlaa kgonogo nwa maši mme le tshelele kgalalelo ya Modimo. Amen. Go tlaa nna jalo.

Ao, Modimo, o rapelela rraagwe. Ke rapela nae gore O tlaa fodisa rraagwe mme o mo neye seo se a se tlhokang, ka Leina la ga Keresete. Amen.

920 Jaanong, go motlhofo a ga go jalo? Batho ba rapela, fela moo ke se batho... Ba senka selo se se golo mme ba a go thatafatsa. Modimo o go dira mothlofo. Lo go dira mo go thatafetseng mme lepalelwae ke go go bona. Lo a bona? Go direng fela... Go letleng go nne motlhofo jaaka Modimo a buile: "Ditshupo tse di tlaa latela bao ba ba dumelang; fa ba baya diatla tsa bone mo balwetsing, ba tla fola," jaaka Modimo a buile.

921 Re baya diatla mo mosading yo, Morena, yona kgaitsadia rona yo a emeng fano, mme mma a fole jaaka re go kopa, ka Leina la Jesu Keresete. Amen.

922 Rara, jaaka re baya diatla mo kgaitsading ya rona, ka Leina la Jesu Keresete, e le segopotso sa Baebele le thuto ya Morena, mma a fole.

Rara, ka Leina la Keresete, re kopa phodiso ya kgaitsadia rona, mme ke a rapela gore O tlaa mo siamisa jaaka re obamela Lefoko la Gago, ga go pelaelo e le nngwe mo monaganong wa me fa e se gore a ka kgonogo nna...?...Amen.

923 Rara, re baya diatla mo kgaitsading wa rona, mme re kopa gore, ka Leina la Morena Jesu, gore o tlaa mo fodisa mme o mo siamise. Amen.

Ka Leina la Morena Jesu, re baya diatla mo mokaulengweng wa rona mme re kopa gore O mo siamisetse kgalalelo ya Modimo.

Rara, ka Leina la Morena Jesu, re tlotsa kgaitsadi, mme re baya diatla mo go ena ebile re kopa phodiso ya gagwe ka Leina la Jesu.

Modimo Rara, re baya diatla mo mokaulengweng wa rona, re kopa gore, ka Leina la Jesu Keresete, jaaka re mo tlotsa gore Wena o mo siamise.

Rara, fano, mosadi wa gagwe yo o rategang...?...mo tlotsa ebile re baya diatla mo go ena, re go kopa, ka Leina la Jesu Keresete.

924 Morena Modimo, re tlotsa Edith yo monnye, re baya diatla mo go ena, mme re kopa ka Leina la Morena Jesu Keresete gore O tlaa dumelala topo ya gagwe.

Rara, mo go mmaagwe, rona gape re a mo tlotsa ebile re baya diatla mo go ena ebile re kopela phodiso ya gagwe, ka Leina la Morena Jesu Keresete, mma a siamisiwe.

⁹²⁵ Rara, re tlotsa lejwe le le botlhokwa le le le rategang la lelwapa le, kubo e nnye ya pelo, ka Leina la Morena Jesu, letsatsi lengwe le ne la newa Ena, mme nna ke rapela gore O tlaa le fodisa . . . ? . . .

⁹²⁶ Ao Modimo, Wena o itse topo ya kgaitssadia rona mme re Go lebogela tumelo ya gagwe ya bopelokgale. Jaanong, mma dilo tseo tse a di kopileng, gore . . . ? . . . a neng a tshameka le ene fa a ne a le monnye, mme Modimo, mma mmaba a golole mosadi yo mme mma a tle gae a siame, Morena. Re rapelela monna yoo, le ena, yo mosadi a mo kopetseng, Wena o soloeditse, "Fa o kopa sengwe le sengwe ka Leina la Me, Ke tlaa se dira." Ke rapela gore o tlaa letlelela topo ena, ka Leina la Jesu. Amen. Modimo a go segogatse.

⁹²⁷ Morena, jaaka tshika e e swa mo phatleng ya mokaulengwe wa me, re kopa gore botshelo bo thhoghe, jaaka re baya diatla mo go ena mme re go kopa, ka Leina la Jesu, gore tshika eo e tlaa siama.

Modimo Rara, re baya diatla mo kgaitssading ya rona morago ga re sena go mo tlotsa ka lookwane, ka Leina la Morena Jesu Keresete, re kopa phodiso ya gagwe. Amen.

⁹²⁸ Rara wa Legodimo, jaaka kgaitssadia rona e ne ya emela dikatlego di le dintsi tse Wena o neng wa di tlisa mo pontsheng, ena o emetse motlhanka mongwe wa Gago, modiredi, yo o mafafa thata; pelo ya rona ya bopelotlhomogi e a mo tswela re itse se a se ralalang. Ke a rapela, Morena, gore O tlaa tlotsa kgaitssadia rona ka ntsha ya go mo emela fano mme o mo tioletse phodiso ya gagwe. Ke a rapela, ka Leina la Keresete. Amen . . . ? . . . Morena o a itse . . . ? . . .

⁹²⁹ Go molemo. Nna ke itumetse thata. Moo ka mmannete ke tlotsa ya Morena. Morena Modimo, morago ga mosadi yo a tlaa gololwa mo letimoneng le a lwanneng nalo ka dingwaga, letsatsi lengwe O ne wa mo dira gore a tle kwa ntlong kwa mme foo Mowa ne wa fologa e le, "MORENA O BUA JAANA," morago ga a sena go lela, o ne a rapama mo aletareng, o dirile sengwe le sengwe se a neng a itse ka fa a ka se dirang ka gone, fela go ne ga tlhoka MORENA O BUA JAANA. Jaanong, o tlela lesea la ga mogolowe le le tlhatsang; le sa kgone go tsamaya, go setse go le mo go fetang ngwaga. Ke a rapela, Morena, gore o tlaa mo letlelela ditshegafatso tsa Modimo ka Leina la Jesu Keresete. Ke itumeletse seo thata, kgaitssadi, go lebega go le pharologano, le gone. Mme wena o sekgalas se se leeles kgakala le go swa jaanong, a wena ga o jalo?

Modimo Rara, re rapela gore O tlaa segofatza kgaitssadia rona jaaka re mo tlotsa mme re baya diatla tsa rona mo go ena ebile re bo kopa gore selo sena se O se buileng: "Ditshupo tse di tla latela bao ba ba dumelang. Ba tlaa baya diatla mo balwetsing, ba tla

fola." Re ipolela go bo re le badumedi, Morena, jalo he re rapela gore O dire sengwe, ka Leina la Jesu . . . ? . . .

⁹³⁰ Modimo Rara, ke itseng pelo ya mosadi yo monnye yo, jaaka ena a e tshetse fa ntle, re rapela gore O tlaa nna le boutlwelo botlhoko mo go ena mme o lettelele topo e a e kopileng. Oho Modimo Rara, ka ntlha ya lelwapa la gagwe, ka ntlha ya bana ba gagwe, mosimane wa gagwe, segolo bogolo, Modimo, ke a rapela jaanong, gore O tlaa lettelela dilo tse . . . ? . . . ka pelo yotlhe ya me, ke a go kopa, ka Leina la Jesu. Amen.

Modimo Rara, jaaka re tlotsa mosadi yo ka lookwane, mme re mo rapelela ka Leina la Morena Jesu, gore O tlaa mo fodisa o bo o mo siamisetse kgalalelo ya Modimo.

⁹³¹ Leina la gago go ka se diragale gore e bo e le West, a go tlaa dira?

Rara, re rapelela mohumagadi yo monnye. Ena o kopela ntataagwe. Jaanong, ke rapela gore O tlaa lettelela ntataagwe, pitso e e leng mo pelong ya gagwe, Morena. O batla gore a bolokesege. Ga a batle gore a nne mo lefatsheng jaaka a ntse, yona, ngwana yo e leng wa gagwe, lotsalo lwa gagwe. Ke a rapela, Rara, gore O tlaa nna yo o boutlwelo botlhoko mo go ene, ka Leina la ga Keresete.

⁹³² Segofatse, morwadiake, mma Modimo go neye, selo se o se lopileng.

Modimo yo o rategang, re mo rapelela boutlwelo botlhoko, mme re kopa gore O tlaa nna yo o boutlwelo botlhoko, jaaka re mo tlotsa . . . ? . . .



DIPOTSO LE DIKARABO BAHEBERE KAROLO III TSW57-1006

(Questions and Answers on Hebrews Part III)

TATELANO YA TSA BOITSHWARO, TAOLO LE THUTO YA KEREKE

Molaêtsa o ka Mokaulengwe William Marrion Branham, o nê wa rérwa la ntlha ka Sekgowa mo maitseboeng a Letsatsi la Tshipi Phalane 6, 1957, kwa Motlaaganeng wa Branham mo Jeffersonville, Indiana, U.S.A., o tsérwe mô theiping ya makenete mme wa gatisiwa ka Sekgowa o sa khutswafadiwa. Phutololô e ya Setswana e gatisitswê le go abiwa ke ba ga Voice of God Recordings.

TSWANA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kitsisô ka tetlokhopi

Ditshiamelo tsotlhe di sireleditswe. Buka e e ka gatisiwa fa motšhineng wa go gatisa wa ka fa lelapêng gore e dirisiwe ka namana kgotsa gore e abêlanwe, go se tuêdisô epê, e le sedirisiwa sa go gasa Efangele ya Jesu Keresete. Buka e ga e ka ke e rekisiwe, e boelediwe ka bontsi, e baiwe fa webosaeteng, e bolokiwe mo mofuteng oo e ka tlhagisiwang gape ka one, e fetolêlwé go maleme a mangwe kgotsa e dirisiwe go kgobokanya madi kwa ntle ga tetla e e kwadilweng ya Voice Of God Recordings®.

Go ka bolêlêlwá go feta fa kgotsa go ka itse ka dilo tse dingwe tse di leng têng, tswêêtswêê, ikamanye le ba ga:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org